



B°23

3

157

B°23. 3. 157.



M. TULLII CICERONIS

TRIUM ORATIONUM

IN CLODIUM ET CURIONEM

DE ÆRE ALIENO MILONIS DE REGE ALEXANDRINO

FRAGMENTA INEDITA

ITEM AD TRES PRÆDICTAS ORATIONES

ET AD ALIAS TULLIANAS QUATUOR EDITAS

COMMENTARIUS ANTIQVUS INEDITVS

QVI VIDETVR ASCONII PEDIANI

SCHOLIA INSUPER ANTIQVA ET INEDITA

QVÆ VIDENTVR EXCEPTA

E COMMENTARIO DEPERDITO EIVSDEM ASCONII PEDIANI

AD ALIAS SVPER QVATVOR CICERONIS EDITAS ORATIONES

OMNIA EX ANTIQVISSIMIS MSS. CVM CRITICIS NOTIS EDEBAT

ANGELVS MAIVS

BIBLIOTHECÆ AMBROSIANÆ A LINGVÆ ORIENTALIVS



MEDIOLANI

TYPIS IOANNIS PIROTÆ

1814

PRÆVIA OPERI DISSERTATIO

I. Certissima opinio est, eaque cunctorum vere sapientium confirmata consensu, plurima veteres homines et invenisse sagacius quam nos, et inventa exercuisse felicius, quæ quidem digna visa essent, in quibus operam ponerent. Quis enim in scriptis Veterum paulisper versatus, non eorum admiratur reconditas litteras, multarum artium disciplinam, sermonis leporem, ingeniorum acumen, dicendi copiam? Græcia quidem iam inde ab heroicis ferme temporibus in omni genere eruditionis excelluit. Serius ad litterarum amorem exarsit Italia: namque ante natum Ennium latina studia pæne conticuerunt. Tum vero paulatim admiranda quædam Scriptorum erupit vis, qui et latinam linguam ad unguem expoliverunt, et omnem elocutionis, amplificationisque ornatum persecuti sunt. Quæ quum ita se habere constaret, ii omnes, qui frugi aliquid præstare cupiebant, studiorum suorum curriculum ad antiquitatis normam semper direxerunt. Quotquot autem aliquando homines nova scribendi dicendique ratio delectavit, iis demum ab eadem antiquitate petenda correctio fuit. Quo magis amplector ætatem nostram, quam tantus veterum operum amor invasit. Quippe est nostri sæculi gloria quædam et decus antiquitati apprimè studere, velle ipsum succum vetustatis exprimere, formam et artem ex eius lineamentis aucupari, omnes undique eiusdem flores et veneres

Veterum
Scriptorum
præstantia.

Eorundem
imitatio.

delibare. Hinc ubique recudendis illustrandisque celebriorum Veterum scriptis docti viri dant operam: hinc bibliothecas sive publicas sive privatas ingenti præstantissimorum voluminum congerie cumulant: hinc amplissima præmia munifici Principes iis decernunt, qui antiquorum hominum gloriam propius æmulantur.

Insignis Codex Bibliothecæ Ambrosianæ.

II. His ferventibus nostrorum temporum studiis, cæpi et ego pro mei modicis ingenii viribus Bibliothecæ Ambrosianæ, in qua versor, pluteos non incuriose rimari. Tullianorum autem quæ nuper edidi Fragmentorum inventionem illectus, eo semper spectabam, ut siquid forte pretiosioris thesauri, præsertim Tulliani, in nostris Codicibus adhuc lateret, id meam diutius cognitionem non efflueret. Et votis iterum Fortuna respondit. Nam magnificus quidam mihi se obtulit Codex, satis grandis membraneus et vetustissimus, in quo latina Concilii Chalcedonensis Interpretatio continetur (1). Porro hic itidem Liber e famigerato prodiiit Monasterio Bobiensi D. Columbani, quumque in Ambrosiana collocaretur, visus est ita antiquus, ut apposita sit ei inscriptio *hunc Codicem esse prope cœtaneum ipsi Concilio Chalcedonensi*, quod medio sæculo V. coactum est.

(1) De latina Chalcedonensis Synodi Interpretatione antiquissima satis erudite et prolixè Stephanus Baluzius agit (in Tom. vii. p. 654. sq. Collect. Concilior. curante Mansio): eamque a Rustico olim romano, tum a recentioribus præsertim Editoribus paulo liberius emendatam, idem ope cuiusdam Codicis Parisiaci ad pristinam simplicitatem revocare conatur (in eodem Tomo p. 663. cap. xxix.). Qua quidem in re discernenda Ambrosiani Codicis auctoritas multo gravissima habenda est.

Ego quidem facile concedam, eum Codicem non ad V. aut VI. sed ad VIII. fere sæculum esse referendum. Siquis tamen Chalcedonensis Synodi actus ad hoc annosum exemplar recognosceret, is bene profecto de christiana republica mereretur.

III. Verum nihil hæc pertinent ad id, de quo verba facturi sumus. Ego enim quum oculos de tam venerabili Codice nusquam delicerem, mentem ac manus non continerem, meaque cupiditas tantæ antiquitatis aspectu summe excitaretur, cognovi denique me ad mirificum quemdam alius generis thesaurum devenisse. Nam hic quoque Codex palimpsestus est. Iam prima et antiquior scriptura litteris magnis pulchrisque exarata est, quas tamen si cum alio Codice Ciceronis, quem nuper excudimus, conferas, ampliores forte quidem, sed aliquanto rudiores deprehendes: neque tres, ut in illo priore palimpsesto, sed duas tantum columnas unaquæque pagina habet: quæ paulo sequioris ætatis indicia sunt. Quod igitur in hoc Codice deprehendi Opus, primum quidem sunt trium Ciceronis Oratorum Partes ineditæ cum Interprete antiquo item inedito. Tum idem Interpres ineditus in alias quatuor Ciceronis editas Orationes. Primæ mihi cum suis titulis in margine exstantibus occurrerunt Partes Orationis Tullianæ deperditæ IN P. CLODIUM ET CURIONEM, quas ubi, valde evanidis licet litteris, legi, et partem etiam pulcherrimi Commentarii plane stupens percurri; tanto cœpi repente gestire gaudio, ut solem ipsum beatissimum prædicarem, qui erumpentem e tenebris Ciceronem videret. Hac elatus lætitia quum ad unum ex Ambrosianis Doctoribus, qui tum forte ado-

Est palimpsestus.

Prior eius scriptura habet Fragmenta Ciceronis partim inedita cum antiquo Commentario item inedito.

rat in Bibliotheca, venissem, eique nobile Inventum indicassem, ille mihi se quoque Grammatici cuiusdam veteris Adnotationes ad locos aliquot Tullianos ineditos IN CLODIUM in eo iampridem Codice vidisse confirmavit: rem Ambrosianis Collegis consideratione atque editione dignissimam iudicatam, eum autem palimpsestum inter præstantissimos iure optimo haberi.

Exscribitur
atque ordi-
natur prior
Codicis ma-
teria.

IV. Hac ego doctissimorum hominum auctoritate firmatus, hortatus sum ipse me, ut tam insigne amplumque *Κεφάλαιον* omni diligentia et conatu pervestigarem. Et mea mihi demum sedulitas processit in numerum. Neque enim Orationem tantummodo IN P. CLODIUM ET CURIONEM manifesto detexi, sed aliam DE ÆRE ALIENO MILONIS nunquam antea, quod sciam, inter Eruditos auditam: tum aliam DE REGE ALEXANDRINO, cum optimis ad has Commentariis. Rursus Commentarios eiusdem Interpretis sæpe amplissimos ad Orationes editas Ciceronis PRO ARCHIA, PRO SYLLA, PRO PLANCIO, IN VATINIUM. Hæc, inquam, omnia aliquot mensium labore improbo assecutus sum. Quum autem infinitam prope materiam rudi opere conguessissem, id mihi scilicet curandum fuit, ut in suas quæque sedes, e quibus antiquitus erant commota, restituerem. Namque is qui Codicem iterum scripsit, incredibili quadam perturbatione folia cuncta commiscuit, materiæque ordinem de libro funditus sustulit. Accedebant ingentes lacunæ, loci difficiles, menda quam plurima: quodque caput est, nova scriptura veteri superiecta tantum facessebat negotium, ut iracundiam ac stomachum in absurdissimum Codi-

vis corruptorem vix continerem. Tum ad extremum ordinatâ materiâ, quum eius magnitudinem, præstantiam, splendoremque intuerer, facere non poteram quin eum sapientissimum Virum summis iteratisque laudibus commendarem, a quo tam præclara studiorum adiumenta nobis olim comparata sunt: **FEDERICUM** dico **CARDINALEM BORROMÆUM**, munificentissimum **Mediolanensis Ecclesiæ Pontificem**, et omnium temporum celebrandum memoria. Quippe quum duos genuerit **Borromæa Gens** verissimos Patriæ Patres, **CAROLUM** sanctitate, **FEDERICUM** doctrina eximium, hic mihi tamen suæ Gentis videtur non secundum sed alterum decus.

V. Nunc, ut dicam in primis de amore delictisque nostris Cicerone, quæso a lectoribus meis ne mihi negent hanc veniam, ut alterum hoc Inventum meum bonis litteris magnopere gratuler, et in Tullii præconia, quæ infinita esse possunt, rursus excurram: cuius disertissimi Viri quum nuper tres Orationes partim omnino perditas luci, quantum fas fuit, reddiderimus, partim hiantes expleverimus; nunc trium aliarum plane nobis ereptarum non paucas Particulas ab inferis pariter excitamus. Et Orationis quidem **IN CLODIUM ET CURIONEM** tot Fragmenta deprehendimus, quot fere ad cognoscendum totius Operis cursum sufficiunt. Orationis autem **DE ÆRE ALIENO MILONIS** pauciora sane, sed eo pretiosiora, quod huius scripti Tulliani ne memoria quidem, ut dixi, ad nos pervenerat. Qui unus Repertus sufficeret ad ætatis nostræ singularem felicitatem iure ac merito prædicandam. Denique quum Ora-

Fragmentorum Ciceronis præstantia.

Ciceronis
laus.

tionis DE REGE ALEXANDRINO unus tantum versus exstaret (1), nobis et plures Particulæ sunt oblatae, et cum iis quædam lux qua genus huius quoque Tulliani Scripti cognoscamus. Ciceronem igitur denuo tenemus, quo quid, oro, nos melius volumus, aut quid præclarius optamus? Huius ex uberrimis fontibus hauserunt doctissimi quique viri, quibus tamen omnibus ipse præstat elatione ac divinitate orationis suæ. Tullii siquidem eloquentia tum magno cursu sonituque defertur, tum quem florem aut quod lumen elegantiae non habet? Hoc enimvero Scriptore nihil ornatius apud Latinos ex omni sæculorum memoria cognitum est. Numerosus est verbis, illustris sententiis, exquisitus doctrina, argumentis invictus, ubertate rerum infinitus: nec ulla est ullo in genere laus Oratoris, cuius in Tullianis Orationibus non sit perfectum exemplar.

Commen-
tarii præstan-
tia.

VI. Quod si Deo visum esset, ut pro his pretiosis quidem sed distractis atque abruptis Ciceronis Fragmentis ipsos integros libros effunderemus, tunc demum omnium Eruditorum gaudium esset cumulatum. Nunc id desiderium sane grave atque acerbum Commentarius copiosus ineditus non parum solatur. In quo quidem Scripto antiquissimo quid vehementius admirer non dispicio: an latinitatis videlicet puritatem, an elocutionis nitorem, an doctrinae sapientiam, an Interpretis denique in suo officio prorsus perfecti accuratissimam sedulitatem. Huc accedit, quod aliorum quoque ali-

(1) V. Monitum a nobis ei Orationi præpositum.

quot Ciceronis Operum ignoratorum, ut puto, qui nostrum Interpretem leget, notitiam hauriet. Quis ante huius editionem audivit de Opere Ciceronis quod inscriptum fuerit EDICTUM P. RACILII TRIBUNI PLEBIS (1)? Quis de eiusdem Tullii Epistola ad instar voluminis DE CONSULATU SUO AD POMPEIUM (2)? Quis præterea Quintum Marci Fratrem, præfuisse prætorem causæ, quam Marcus dixit pro A. Licinio Archia (3)? Nequid dicam de perutilibus grammaticæ ipsi, orthographiæ, historiæ, et philologiæ locis, quos non incuriosi lectores passim offendent. Nequid dicam de Afranii (4) et Sinnii Capitonis (5) auctoritatibus, quæ semel laudantur. Nequid denique dicam de C. Gracchi nobili Orationis Fragmento, quod in his ipsis Commentariis quasi gemma lectissima elucet (6). Quid hoc brevius, dicet aliquis? At quantus Orator! Hoc equidem Fragmentum non solum latinæ linguæ bonitate me delectavit, sed etiam commemoratione famosi hominis et miræ antiquitatis memoria. Osculemur igitur flagrantissimi Tribuni plebis, Scipionum de stirpe geniti, Oratoris ante Tullium natum facile principis (7), venerandas reliquias, quæ ad aspi-

Notitiæ ali-
quot ex eo
nobiliores
hauriuntur.

Orationis
C. Gracchi
Fragmentum
ineditum.

(1) p. 109-110.

(2) p. 113-114.

(3) p. 55.

(4) p. 21.

(5) p. 33.

(6) p. 77.

(7) Vide dicta ad p. 76. n. 4. Et in Opere quidem de *Clavis Oratoribus* Brutus ait de C. Graccho: « Istum de superioribus » pæne solum lego ». Cui subdit Cicero: « Immo plane, » inquam, Brute, legas teneo... legendus est hic Orator, si » quicumque alius, iuventuti ».

ciendam ætatis nostræ lucem e sempiternis teno-
bris emeruerunt.

Veteres Ci-
ceronis In-
terpretes.

VII. Nunc mihi paulo difficilior quæstio com-
movenda est, cui nimirum Auctori ingens hic et
ineditus Commentarius tribuendus sit. Multi qui-
dem veteres Eruditi Orationes Ciceronis scriptis
Commentariis illustraverunt, quos inter videtur
Tullius ipse auctor, cuius rei vide testes apud
Fabricium (1). Vulcatii Commentarios in Ora-
tiones Ciceronis D. Hieronymus memorat (2).
Caprum Agroetius (3) in commentando Cicerone
præcipuum vocat: quod recte ne an secus dictum
sit, amisso Capro, iudicare non possumus. Et
quidem Capri Commentarios D. etiam Hieronymus
nominat (4). Denique Auctor ipse huius quem
edimus Commentarii, et Asconius alios Interpretes
haud raro indicant Orationum Ciceronis. Sed enim
ea cuncta scripta perierunt, præterquam Asconii
et cuiusdam Scholiastis anonymi, quorum labores in
aliquot Ciceronis Editionibus coniunguntur. Com-
mentarium a me nuper repertum, quia is pariter est
anonymus, statim, ut par erat, cum Asconio et
cum Scholiaste edito contuli: ac facile sane co-
gnovi, Inventæ meæ stili elegantia eruditionisque
præstantia ad Asconium prorsus accedere, a sic-
citate autem et duritia Scholiastis vehementer re-
cedere. Quumque præterea viderem, miro quodam
eventu Commentarium meum ad eas ipsas Tullii

Interpres
Anonymus in
Codice Am-
br. repertus
videtur Asco-
nius.

(1) Biblioth. lat. Ed. nov. T. I. p. 305.

(2) Lib. I. contra Rufinum Edit. Veron. Tom. II. p. 472.

(3) In Postichio p. 2266.

(4) Lib. II. contra Rufinum p. 497.

Orationes pertinere, quæ Asconianis adnotationibus iniuria temporis orbatæ essent, in eam protinus sententiam concessi, me Asconii Peditani labores detexisse reliquos, qui magno cum litterarum detrimento iamdiu perierant.

VIII. Peditani Commentarius in novem Tullii Orationes Venetiis primum anno MCCCCLXXVII. lucem aspexit. Ea Editio, quam nos ipsi manu tractavimus, nitidissima quidem est, sed lacunis et mutilationibus passim hians. Est autem hæc ad eius calcem epigraphe: " Hæc est pars Q. A. " Peditani cura et diligentia Poggii Florentini viri " litteratissimi reperta in Monasterio S. Galli prope " Constantiam XX. millibus passuum: et ab ipsius " Poggii exemplaribus a me A. Iu. (1) transcripta " ac Venetiis per Ioannem de Colonia Socium- " que eius Ioannem Marthen de Gerretzen im- " pressa ". Celeberrimorum Poggii Inventorum, quum is in Constantiensi Concilio (quod ab anno MCCCCXIV. ad MCCCCXVIII. celebratum est) versaretur, in eiusdem Vita, quæ Historiæ Florentinæ ab eo conscriptæ præponitur, luculenta memoria est (2). Iam de reperto a se Peditano Poggius ipse in quodam Codice Valerii Flacci (3) testis est. Hæc enim in eo sua manu exaravit: " Hoc Fragmentum (Flacci) repertum est in " Monasterio S. Galli prope Constantiam XX. mil-

Editio prin-
ceps Partis
Asconii Pe-
diani.

Poggius
Partis Asco-
nii Inventor,

(1) Maillaire Aonal. Typogr. Tom. IV. P. 1. p. 375. male edidit A. Iu.

(2) V. Thesaur. Antiq. et Histor. Ital. Tom. VIII. P. 1. in Poggii Vita cap. VI.

(3) V. Opus in nota 2. laudatum Tom. VI. P. 3. in Antepore Pigoonii p. 10.

„ libus passuum, una cum parte Q. Asconii Pe-
 „ diani. Deus concedat alteri, ut utrumque Opus
 „ reperiat perfectum: nos quod potuimus egimus.
 „ Poggius Florentinus „.

Laudes A-
 sconii, et
 scriptorum
 eius magnam
 partem de-
 perditorum
 desiderium.

IX. Asconii scripta cum miris laudibus docti
 homines semper extulerunt, tum eorundem ma-
 gnā partem amissorum infinito desiderio flagra-
 verunt. Auctor Parisiæ Editionis anni MDXX.
 hæc præfatur: „ Ex omnibus qui Commentaria (1)
 „ in libros Ciceronis scripserunt, nusquam non
 „ celebrantur doctissimi ac diligentissimi duo,
 „ Asconius Pædianus et Fab. Victorinus. Sed
 „ Pædianus ut ætate prior, ita doctrina longe
 „ superior. Scripserat quidem is elegantissimas ac
 „ doctissimas Enarrationes in Orationes aliquot
 „ M. Ciceronis, quibus multa Veterum instituta
 „ nostris ignota temporibus pulcherrime ac doc-
 „ tissime explicabantur. Adnotaverat et multa ad
 „ latinæ linguæ proprietatem pertinentia, e quibus
 „ nonnulla etiam in libros elegantiarum Lauren-
 „ tii (Valla) transtulisse existimatur (2): uti-
 „ namque non transtulisset modo, sed omnia etiam

(1) Quæ hic Scriptor dicit *Commentaria*, nos in nostra Editione dicimus *Commentarios*. Duplex enim terminatio et genus huius nominis. Notat tamen Isidorus in *Differ. Verbor.* „ Inter *Commentarios* et *Commentaria* hoc interest, quod *Com-mentarii* libri, *Commentaria* volumina dicuntur &c. Ita etiam nonnulli scribunt *Pædianus*, quia apud Suidam legitur Πæδίαριος sed longe communius vidi usurpatum *Pædianus* sine diphthongo.

(2) Nihil Asconio suffragatur hæc in parte Vallæ docet post alios plures Christophorus Poggialus in *Opusculo italicæ de Vita et Scriptis Laurentii Vallæ* p. 122. Ceterum ex Asconii *Commentariis* excerpta quædam ad rem grammaticam pertinentia vide in *Auctoribus latinæ linguæ* a Dionysio Gothofredo collectis Edit. anni MDCXXXV. p. 1362 - 1364.

„ cum pulvisculo , ut dicitur , converrisset ! Neque
„ enim eruditissimum Opus cuius umbram vix
„ adhuc tenemus , nostra hæc ætas desideraret “. Franciscus item Asulanus in præfatione Aldinæ Editionis anni MDXXII. sic loquitur : „ Fuit Asconius ut suorum temporum eruditissimus , ita
„ totius antiquitalis , et Ciceronis præsertim studiosissimus. Atque utinam ad nos integer pervenire potuisset ! ut quæ in ipsis orationibus
„ perlegendis aliquid lucis requirere videntur , ab homine doctissimo illustrarentur , et non a quibusdam nostris hominibus insulsa quædam in eas ,
„ et puerilia conscriberentur “. In Editione etiam Parisiaca anni MDXXXVI. in qua iam nitidior fuit Asconius , is ita ab Ioanne Lodoico commendatur : „ Hæc Asconii Fragmenta , quanvis exigua et
„ lacera , quæ nobis reliqua tanquam ex naufragio supersunt , abunde et plane , quod aiunt ,
„ leonem ex unguibus ostendunt. Quæ cum legimus , reliquarum eius accuratissimarum lucubrationum summo desiderio non teneri non possumus. Quippe qui hæc ipsa qualiacumque adhuc
„ fuerunt , adeo necessaria intelligamus , ut sine iis multa antiqui moris instituta , Ciceronis loci
„ non pauci obscuriores intelligi nequeant. Ac vehementer errare eum sit necesse , qui Pædianum non fuerit secutus. Quanto bono Ciceronianæ lectionis studiosis esset , si nobis hic integre divinitus aliquando tandem daretur ! quod
„ ut in ceteris est Veterum monumentis deplorandum , sic in hoc vel maxime “. Denique laudes Asconii in præfatione , quam ei præmisit , fuse persequitur Franciscus Hotomannus , qui cunctos Edi-

tores in hoc Scriptore emendando declarandoque longe superavit (1).

Partis Asconii editæ Codices duo in Ambrosiana.

X. Operum Pediani editorum Codices omnino duo in Ambrosiana servantur, alter H 100. part. inf. chartaceus, cum aliquot foliis etiam membraneis, qui sine dubio ante medium sæculum XV. conscriptus est, præposita epigraphe: " Hæ sunt " quædam glossulæ super Orationibus Tullii antiquitus factæ, nuper in Concilio Constantiensi repertæ ". Alter item chartaceus I 91. part. sup. cuius in calce hæc leguntur: " Reliquum " deest, nec amplius reperitur, nisi in futurum " emergat, quod utinam fiat! Repertum fuit in " Synodo Constantiensi. *Codex scriptus anno 1475. " a IO. NY.* " Ergo noster uterque Codex Operum Pediani editorum principe Editione antiquior est. Iam hos ego Codices cum antiquis editionibus contuli, quibuscum ita consentiunt, ut ea scripta æquum est, quæ ab uno et vicino fonte, nempe a Poggii exemplari dimanarunt. Nullus igitur ope horum lacunosus locus expletur, nulla fere emendatio speranda est. Ordo autem Commentariorum idem est in his Codicibus atque in editionibus primis: qui nunc tamen iam inde usque ab Aldina Editione ad ordinem Operum Ciceronis accommodatus est.

Proferuntur argumenta ob quæ Anony-

XI. Iam ego quibus momentis inductus Asconium me in Ambrosiano palimpsesto invenisse ar-

(1) Obiter hic moneo me Editiones octo Asconii tractasse. Principem Venetam anni mccccxxxvii. Proximam huic Patavinam mccccclxxxiii. Parisiacas mxxx. et mxxxvi. Aldinam mxxxii. Lugduni Batav. mdcxxv. Denique in Operibus Ciceronis Amstelædamensem mcccxxiv. et Patavinam mdccliii.

bitrer, breviter exponam. Id autem priusquam ad-
 grediar, magnum huic sententiæ pondus asseram
 Ambrosianorum Doctorum auctoritate citata. Nam-
 que his quum ego mea de Asconio nuper a me
 reperto argumenta perpendenda proponerem, hoc ab
 ipsis gratissimum responsum retuli: ea idcirco pro-
 babiliora videri, quod olim suspicio aliqua oborta
 esset Asconium forte in Ambrosianis Codicibus
 latitare. Sed enim ante recognitam exscriptam
 et ordinatam huius, de quo agimus, Palimp-
 sestis materiam elucere nondum res poterat.
 Nunc vero quum tanta pars Commentarii in pu-
 blicam lucem emergerit, quantam ne præteritæ
 quidem Editiones complexæ fuerant; ex accurata
 utriusque Operis collatione, de vero Auctore
 inediti Commentarii satis probabiliter coniectare
 iam possum. Coniecturæ autem meæ hæc fere ca-
 pita sunt.

1. Elocutionis et stili genus mihi prorsus idem
 videtur in Codice inedito atque in Asconii edi-
 tionibus, purum videlicet utrobique, pressum,
 simplex, nitidum, elegans, et argentea immo au-
 rea ætate dignissimum.

2. Methodus ipsa et materia Commentarii ea-
 dem est in Codice inedito atque in Asconii libris
 impressis. Utrobique siquidem præponitur Argu-
 mentum historicum et satis eruditum Tullianæ
 Orationis. Utrobique mira perspicuitate et brevi-
 tate loci obscuri enucleantur, sensus grammatici
 aperiuntur, historia temporum tangitur, multorum
 hominum vitæ et munera: tum leges, mores, con-
 suetudines præsertim urbanæ et iudiciorum per-
 petuo describuntur.

musInterpres
 in Ambrosia-
 no palimpsesto
 reperitus
 videtur Asco-
 nius.

3. Tam ex editis quam ex Codice inedito apparet, Auctorem Commentarii posteriorem quidem aliquanto esse ipso Cicerone, sed brevi intervallo. Adeo multa in utrisque narrantur seu minuta seu recondita, quæ nonnisi ab eo, qui iis rebus ætate esset proximus, resciri potuissent.

4. Mos est Asconii satis frequens provocandi ad paulo ante a se dicta. Idem sæpe facit noster Interpres.

5. Ad Orationem in *Vatinium* Editionis nostræ p. 122. indicat omnino Interpres se scripsisse in Orationem quæ hanc præcederet, nempe in *Sextianam*, quæ, ob ipsam materiam, *Vatinianæ* præponitur. Iam vero putatur Asconius commentatus fuisse in omnes fere Ciceronis Orationes.

6. In Codicis Commentario ad Orationem pro Plancio Editionis nostræ p. 99. satis significat Auctor se scripsisse in *Verrinas*. Tum ad Orat. in *Vatinium* p. 122. ait, sæpe se fecisse mentionem legum *Æliæ* et *Fufiæ*. Iam vero in *Verrinas* scripsit Asconius, ut in editionibus videre est. Tum legis *Fufiæ* meminit revera in *Verr. de præt. urb.* cap. XLII. *Æliæ* et *Fufiæ contra Pison.* cap. IV. Plures alias congruentias inter Asconium editum et Commentarium ineditum suis locis infra notamus; ex. gr. ad Orat. editam pro *G. Cornelio* scribit Asconius: „Hic est *Cotta*, de quo iam sæpe diximus“. Et revera apud Interpretem etiam nostrum dicitur de hoc *Cotta* ad Orat. in *Clodium et Curionem* Edit. nostræ p. 26. Tum ad editam Orat. in *Pison* cap. XV. dicitur: „*P. Clodii App. Claudius*, sicut iam sæpe significavimus, fuit *Frater*“, Fit autem eius rei mentio

etiam apud Scholiastem a me nuper editum ad Orat. *pro Scauro* p. 8. quæ mihi item Adnotationes Asconianæ putæ videbantur.

7. Ad Orat. editam *pro Milone* cap. v. scribit Asconius: „ Illud vos meminisse non dubito, per „ Q. Fusium (seu Fufium) illo quoque tempore, „ quo de incestu P. Clodii actum est, factum, „ ne a senatu asperius decerneretur “. Quo loco videtur Asconius provocare ad ea quæ dicta sunt in Argumento Orationis in *Clodium et Curionem* Editionis nostræ p. 11.

8. In Commentario edito ad Orat. *pro Milone* cap. XXXII. ait Asconius putare se iam significasse legem, quam Clodius ferre proposuerat de suffragio libertinorum. Iam vero ea narratio nusquam occurrit in Asconio edito, legitur autem apud nostrum Interpretem ad Orat. *de ore alieno Milonis* p. 39. videri Clodium eam legem fuisse laturum.

9. Item in Commentario edito ad Orat. in *Pison.* cap. x. scribit Asconius se iam dixisse, L. Lamiam a Gabinio Consule edicto relegatum esse. Id autem quum frustra quæsiveris in Asconio edito, occurret tibi apud Interpretem nostrum ad Orat. *pro Plancio* p. 115.

10. Incommoda ipsa, quibus tum editus Asconius, tum Interpres noster ineditus laborant, eiusdem generis sunt. Uterque enim iniuria temporum et scribarum incuria male habitus est. In utroque sunt lacunæ modo verborum, modo sententiarum. In utroque non raro Commentarius est accephalus aut mutilus. Quare in emendando aut declarando Pediani textu strenuam operam posuerunt doctis-

simi viri Gulielmus Budæus, Lodoicus Alvarus, Paulus Manutius, Carolus Sigonius, Andreas Patricius, Franciscus Fabricius, Petrus Nannius, Petrus Danesius, T. Popma Phrysius, Iacobus Cruquius, Thomas Crenius, sed præcipuus inter alios Franciscus Hotomannus, quorum pæne omnium Adnotationes Editioni Asconii Lugd. Batav. anni MDCLXXV. subiunguntur. Quantam medicinam nostro Codici inedito nos fecerimus, ex Notis nostris patebit. Denique tum in calce Parisiacæ Editionis anni MDXX. tum ab Andrea Patricio in Edit. Lugd. Batav. p. 284. monemur Asconii verba ægre interdum in Codicibus a Ciceronis verbis distingui. Id mihi quoque, dum Codicem exscriberem, haud raro molestiam et perplexitatem creabat.

Concluditur
Asconium vi-
deri prorsus
inventum in
Ambrosiano
palimpsesto.

Asconius igitur prorsus a nobis iudicatur noster Interpres, tum propter has omnes coniecturas, tum præcipue ob octavam et nonam. Iam si sua cuique Scriptori natura est, suus cuique color ac pæne vultus; nihil autem editus olim Asconii textus, ab eo qui primum nunc editur, differre videtur; reliquum est, ut nos deperditas Asconii Partes magno Dei beneficio deprehenderimus. Quumque ad IX. tantum Tullii Orationes Commentario Asconii uteremur, nunc iam XVI. ab eo illustratas legamus: quas inter Orationem *pro Scauro* nova parte Commentarii iam instructam (1). Immo quum Scholia, quæ ad Catilinariam quartam, Marcellianam, Ligarianam, et pro rege Deiotaro

Immo eius-
dem Auctoris
minores par-
tes item ine-
ditas in aliis
duobus Am-
br. MSS.

(1) Vide Editionem trium Oratorum Ciceronis *pro Scauro* etc. Præf. p. xii. et Monumentum præpositum eidem Oratori *pro Scauro*.

infra addemus, eodem ferme iure Asconiana possint haberi; XX iam Ciceronis Orationes Interprete suo, quo mirifice gaudent, Asconio exornantur.

XII. Quoniam Asconium me invenisse, si non omnino indubium, certe verisimile comprobavi, Quo tempore Asconius vixerit sequitur ut de Asconii ætate nondum satis inter Criticos constituta paucis disseram: ut hoc etiam Lectores nostri cognoscant, quantæ scilicet antiquitatis Auctorem in lucem nos emitamus. Asconii Pediani, eius certe qui in Orationes Ciceronis commentatus est, ætas patet omnino ex eius Adnotationibus olim editis ad Orat. *pro Scauro*, ubi de Scauriana domo hæc ait: „ Possidet eam nunc „ Longus Cæcina, qui consul fuit cum Claudio „.

Emendatur locus Asconii, ex quo eius ætas emendatur.
Noto in primis, in Asconii textu scribendum *Largus* pro *Longus*; quamvis etiam duo Codices Ambrosiani habeant *Longus*, quod mirum non est, siquidem exemplaria omnia ex uno apographo Poggii (qui et hunc errorem forte invexit) profluxerunt. Porro *Largus*, non *Longus*, Cæcina consul fuit cum Claudio Imp. et Cos. II. anno U. C. DCCXCV. Et quidem *Largus* habent Dio ad hunc annum, cum Notis ibi adiectis in Edit. Hamburgensi MDCCCL—MDCCCLII. qua nos semper utimur. *Largus* item habet lapis Neapol. apud Gruterum CXVI. 5. Spanhemius de usu numism. Tom. II. p. 9. sq. Baronius cum Nota adiecta Tom. I: p. 289. (quem frustra in hoc reprehendit Pagius). Item Norisius epist. Consul. in apparat. ad Baron. p. 153. Pighius, Tillemontius, Panvinus, Mediobarbus, et Gusemius Dictionar. numis. T. II. p. 21: tum Sigonius ita emendat in Continuat. Fastorum, apud quem et alii Auctores: tum denique Lipsius ad Tacit. Annal. XI. 33.

Si ergo *Largus Cæcina* qui fuit consul cum Claudio possidebat Scaurianam domum, cum *Asconius* scribebat in *Orationem pro Scauro*, sequitur *Asconium* æqualem fuisse *Cæcinæ et Claudii Imperatoris* (1). Atque ego quidem satis luculenter asserui scribendum in *Asconio Largus pro Longus*. Ceterum ea emendatio ad rem quidem nostram non omnino est necessaria. Ad *Asconii* enim ætatem cognoscendam sufficit, cum *Asconius* scribebat vixisse adhuc *Cæcinam*, quicumque is fuerit, qui Consul fuit cum Claudio. Id cum discrete ex loco *Asconii* etiam non emendato eruatur, iam eius ætatem in *Claudii* tempora incidisse per se patet.

Falsum Iusti
Lipsii dictum

Sed tamen *Lipsius* ad locum *Taciti* paulo ante laudatum nonnulla ait, quæ mihi ad ætatem *Asconii* certo definiendam, disquirenda diligenter sunt. Narrat *Tacitus* timuisse *Narcissum*, ne *Claudius Imp.* a *P. Largo Cæcina* mutaretur, quominus de *Messalina* coniuge impudiciissima pœnas sumeret. Ibi autem *Lipsius* sic commentatur: " *P. Largus*
" *Cæcina* frater, opinor, *C. Cæcinæ Lari*, qui
" consul cum Claudio fuit anno Urbis DCCXCV.
" et in consulatu interfectus. Quem intelligit *Asconius* in pro *M. Scauro*: *Scauri domum possidet*

(1) *Cæcinæ Lari domum* nominat etiam *Plinius Hist. Lib. xvii Cap. 1.* qua in domo illum, se iuvene, quasdam arbores ostendere solitum narrat. Jam *Plinius* sub Claudio Imp. stipendia fecit. Bene ergo *Plinii* iuventa incidit in *Asconii* senectutem. *Asconium* vero scripsisse in *Orationes Tullii* iam senem patet infra ex hac dissertatione, et ex ipso *Asconio* ad *Orat. pro Milone* cap. v. " Quid sit dividere sententiam, ut eorundem sit, vestra ætas, filii, facit.... Sed ego, ut curiosius actum vestræ satisfaciam etc.

« nunc Longus Cæcina, qui consul fuit cum
 « Claudio. Scribe Largus, et discce hinc quæ
 « Asconii certa ætas ».

At, pace tanti viri, quomodo scripsisset Asconius, *Scauri domum possidet nunc Cæcina qui consul fuit cum Claudio*; si Cæcina in consulatu interfectus fuisset? Qui interfectus fuit, haud plane nunc possidet. Negat igitur Asconius interfectum in consulatu Cæcinam. Scrutanti autem mihi unde Lipsius falsam notitiam hauserit Cæcinæ in consulatu interfecti, occurrit denique locus olim corruptus in Dione LX. 16. ad annum Urbis DCCXCV. ubi Arriæ facinus enarratur, quæ maritum Cæcinam Pætum niori iussum a Claudio, ad necem sibi foriiter consciscendam confirmavit: arrepto quippe gladio se ipsa graviter sauciavit, viroque eum porrigens: *en Pæte*, inquit, *non dolet*. Ad eum, inquam, locum quidam Veteres pro *ἡ καὶ τοῦ Παιτρὸς ὕψου* uxor Cæcinæ Pæti, legerunt *ἡ καὶ τοῦ Κλαυδίου ὕψου* uxor Cæcinæ consulis. Sed eum errorem sustulerunt iampridem doctissimi viri, quos vide ad eum locum Dionis. Et quidem Arriam uxorem Pæti diserte dicunt Martialis Epigr. 14. Lib. 1. Plinius Epist. XVI. Lib. III. Fuit autem Pætus in partibus Scriboniani, qui arma in Illyrico contra Claudium movit, ut narrat Plinius loco citato, et hoc ipso anno U. C. DCCXCV. periit, ut scribit Dio. Igitur Largus Cæcina qui Consul fuit cum Claudio vivebat post consulatum, scribente Asconio. At enim consularis nuncupatur apud Plinium Epist. cit. etiam Pætus: fateor. Sed neque huius (qui quidem sub Claudio obierit) consulatus occurrit in fastis, neque id mea quic-

Emendatur.

quam refert, cui ad ætatem Asconii ex Asconio ipso definiendam satis est et Cæcinam fuisse consulem cum Claudio, neque eundem in consulatu interfectum, sed superstitem dum Asconius scriberet.

Asconius
Ciceronis In-
terpres Vir-
gilium lo-
quentem au-
divit.

Sequitur quærendum num Asconius Ciceronis Interpres idem sit, a quo Philargyrius ad Virgilii Eclogam III. v. 105. ait auditum Virgilium loquentem. Virgilius quidem obiit anno U. C. DCCXXXV. Asconius scribebat post consulatum Cæcinæ, nempe non ante annum DCCXCVI. Intercedunt ergo anni saltem LXI. Fingamus Asconium natum fuisse annos XV. cum Virgilium loquentem audit, anno forte ante eius obitum: ita Asconius natus fuisset annos LXXVII. cum in Scaurianam Orationem scribebat. Quod a fide nihil abhorret. Hinc

Et Gallum,
adeoque et-
iam Livii fa-
miliaris esse
potuit.

autem constat multo magis Asconium potuisse audire Gallum fratrem Salonini, filium Asinii Pol- lionis narrantem, quartam Eclogam a Virgilio in honorem suum factam, ut refert Servius (si locus est sincerus) ad Ecl. IV. v. 11. in Ed. Burmanni. Tum etiam versari cum T. Livio, qui quidem ab Asconio ad Orat. pro C. Cornelio (1) dicitur *Livius noster*. Si tamen is locus de familiaritate potius Asconii cum Livio, quam de communi patria Patavio intelligendus est.

Constat
superius As-
conii ætati
contradicit
Chronicon
Eusebianum.

Sed enim D. Hieronymus in Chronico Euse- biano ad annum septimum Vespasiani scribit:
" Q. Asconius Pedianus scriptor historicus clarus
" habetur, qui LXXIII. ætatis suæ anno captus
" luminibus, XII. postea annis in summo omnium

(1) Asconii Edit. Lugd. Batav. anni MDCXXXV. p. 136.

« honore consenescit ». Id si vere diceretur, Asconius nec Virgilium audivisset, a cuius obitu ad septimum Vespasiani annum intercedunt anni LXXXIII; nec annos natus LXXVII. scripsisset, quoniam oculis iam captus fuisset. Chronici Eusebiani auctoritate commoti duos Asconios effinxerunt Scaliger ad Eusebii Editionem priorem Animadv. p. 183-184, et Vossius de Historic. lat. Lib. 1. Cap. 27. Sed longe rectius (inquit Fabricius Biblioth. lat. Ed. Nov. in *Asconio*) Hieronymum metachronismi arguisset olim Scaliger, quod facere non dubitavit Io. Harduinus ad Plinium (in Indice Auctorum Tom. 1. p. 54) et Scaliger ipse in altera Eusebii Editione (p. 200.)

Quod vero ait ibi Fabricius p. 65-66. in *Asconio* (ut ne ego id quidem hic prætermittam) Obiter Fabricii dictum de Asconii ætate expenditur. videri Quintilianum fuisse auditorem Asconii, quia Inst. 1. 7. ille scribit, se ex Pediano comperisse Livium usum esse vocabulis *sibe et quase*; id per se forte rem non probat. Eam enim notitiam tam ex audito quam ex lecto Pediano Quintilianus potuit comperire: licet vis vocabuli *comperire* Fabricianæ opinioni magis faveat. Ceterum Quintilianus Inst. x. 1. dicit se vidisse inter disertos Domitium Afrum, qui quidem sub Caio anno DCCLXXXII. fuit consul suffectus, et quem Eusebius in Chronico narrat ad annum primum Claudii clarum oratorem et sub Nerone mortuum. Ergo Quintilianus adolescens Asconium quoque iam senem potuit audire loquentem.

Sed ut redeam ad difficultatem ex Hieronymo Locus Chronici Eusebiani, ut plane incertus, relictur. petitam, eam prorsus ego disiecerim, si illum Hieronymi textum nullius firmitatis esse probavero.

Ad eum quippe locum in Editione novissima Veronensi Tomo VIII. p. 681. hæc adnotantur :
 » Huic prænomen est singulari Q. littera, quam
 » Pontacus explicat *Quirinus*. Sunt etiam qui *Au-*
 » *sonium* pro *Asconio* legant : nec Peditani ipsum
 » cognomentum aliis atque aliis *πικυλογραφίης* caret.
 » Putare itaque malim alium (scriptorem) a
 » celebri *Asconio* Patavino, qui *Virgilii* familia-
 » ritate usus est, *Philargyrio* teste, heic abs *Hie-*
 » *ronymo* indicari. Adeo nec oportere aut duos
 » cum *Scaligero* *Asconios* comminisci, ut tempo-
 » rum ratio constet (alioqui *Virgilio* familiaris
 » diceretur, qui annis fere viginti ab eius morte
 » natus demum fuisset) aut de tot annorum me-
 » tachronismo, ut idem *Scaliger* in secundis *Cu-*
 » *ris*, et *Harduinus* ad *Plinium* faciunt, *Hiero-*
 » *nymum* incusare. Ignotus hic nobis est re et
 » nomine *Auctor*, Q. sive *Quirinus* et *Squirinus* :
 » *Asconius*, sive *Ausonius*, et *Pasconius*, et *Asco-*
 » *dius*, et *Squascodius* etc. ita enim veteres libri
 » variant ». Pontaci autem in hunc locum *Chro-*
nici Notam, ex qua hæc fere sunt eruta, vide
 sis in Apparatu ad *Chronicon* *Tomi* eiusdem
 p. 263.

Vossii quo-
 que sententia
 de *Asconii*
 ætate reiici-
 tur.

Superest excutienda sententia *Vossii* qui (1) ex
Suida voc. *Ἀπίκιος* et *Ἀσκάκιος*, quibus in locis di-
 citur *Asconius* ventitasse ad mensam *M. Apicii*
 cum *Iunio Blæso*; notat recentiore ætatem *Asco-*
nii, quoniam *Iunius Blæsus* omnino, ut ait, sit
 ille, qui *Galbæ* et *Vitellii* temporibus vixit, et

(1) De Historic. lat. Lib. 1. Cap. 27.

quem Tacitus I. II. et III. libr. Histor. memorat. Sed vir ceteroqui doctissimus hic mihi falsus videtur, non considerato satis Suida. Namque in voc. Ἀσίνιος Μάγνος dicit Suidas Asconium ivisse ad cenam cum Iunio Blæso, quum hic esset consul cum Lucio: mensam autem fuisse M. Apicii. Iamvero Iunius Blæsus consul suffectus fuit cum Lucio Tiberii anno decimo (2). M. autem Apicius is est, quem nominant Dio LVII. 19. Tacitus Annal. IV. 1., et quem Athenæus Lib. I, p. 7. diserte ait sub Tiberio vixisse. Cur ergo respexit Vossius ad Blæsum minorem in Historiis Taciti nominatum, neque umquam, quod meminerim consulem appellatum, potius quam ad superiorem, Seiani avunculum, potentia prævalidum,

(1) V. Art de vérifier les Dates Tom. 1. p. 351. et Murator. Annal. Ital. Porro hoc anno Urbis MCCCXXVI. Tiberii decimo Consules ordinarii fuerunt *Asinius Pollio* et *Antistius Vetus*. *Antistio* prænomen *Caïi* plerique, præter Blanchinum, tribuunt: sed *Lucium* fuisse apparet ex lapide apud Muratorium Nov. Thesaur. Inscrip. CCCI. 4. Quo loco doctissimus Muratorius hæc notat: » Non est corrigendus Blanchinus, quod *Antistio Veteri* prænomen *Lucii* tribuat. Immo » reliqui corrigendi, qui *Caïum* illum appellant. Pluris quippe » est in hisce rebus auctoritas unius antiqui indubitati lapidis, in quo firma semper est scriptura quam Codicum, » quorum fortuna obnoxia est erroribus librariorum ac typographorum, quibus facile fuit ex vicinitate formæ L. et C. » unum pro altero accipere, et *Lucium* in *Caïum* immutare. » Habemus igitur hoc anno consulem *Lucium*. Adde quod Frontinus de *Aqueductibus* (Edit. Plantin. 1607. Lib. II. p. 119) habet consules *L. Martium* et *Antistium Veterem*. *Lucius* autem *Martius* fuit quidam suffectus.

Iunius Blæsus fuit item consul suffectus hoc anno, ut constat ex lapide nuper laudato apud Muratorium, ex quo lapide elium videtur suffectus Blæsus kalendis Iulii. En igitur Innium Blæcum consulem cum Lucio, ut Suidas, ait, et quidam sub Tiberio, quo tempore vivebat ille M. Apicius, ut diximus.

Africæ proconsulem (1), quodque magis ad rem facit, consulatus honore insignitum?

De unici
Asconii ætate
conclusio.

Unus est igitur Asconius, idemque Ciceronis Interpres, Virgilii et Asinii Galli auditor, Livii familiaris, et circa tempora Claudii Scriptor clarus. Quia vero locus Hieronymi, in quo Asconius historicus nominatur, plane incertus est, haud scio an is iure a Vossio inter latinos historicos recenseatur, nisi forte ob Sallustii Vitam, quam ab Asconio conscriptam indicat Aero ad Horat. Satyr. II. v. 41. Lib. I. Nequid dicam de Libello cui titulus *de Origine Gentis romanæ*, quem Asconio perperam quidam tribuerunt: quorum sententia nec a Fabricio probatur in *Asconio*, atque ab ipso Auctore Libelli repellitur, qui in exordio Operis nominat decimum consulatum Constantii, cuius ætas immane quantum ab Asconiana, quam statuimus, abest.

De ætate
prioris scrip-
turæ in duo-
bus palimp-
sestis Biblio-
thecæ Ambr.

XIV. Quoniam de Asconii ætate pro viribus egi, restat ut aliquid dicam de priore duorum palimpsestorum scriptura, in quibus ego ineditum Ciceronis Opera deprehendi, tum etiam Asconii ut gravibus argumentis me comprobasse confido. Nam de tertio Codice sæculi X. e quo alia quædam scholia, Asconiana pariter, ut puto, exscripsi, infra agam in Monito, quod eis præponam. E primo quidem palimpsesto ea Scholia erui, quæ Partibus a me nuper editis Orationis *pro Flacco* subiiciuntur. De cuius Codicis ætate, quum eam tunc sententiam protulerim (2), cuius nondum me

(1) Tacit. Annal. III. 35.

(2) In Edit. nupera *Fragm. Cicer. præf.* p. XII.

pœnitet, nunc aliquid mihi explicatius disputandum est. Qua ego disquisitione utrumque una palimpsestum complectar, priorem nempe, in quo partes continuæ Ciceronis cum Scholiis, et alterum in quo Partes abruptæ cum Commentario. Ego igitur sic fere iudico, prioris Codicis primam scripturam, quod iam indicavi (1), ad II. aut III. sæculum; alterius primam item scripturam ad IV. aut V. sæculum pertinere.

Duo autem præcipue in his Codicibus observanda sunt, orthographia nimirum et Calligraphia. Et Orthographia quidem eadem prope est in utroque Codice: siquidem utrobique fere videas hæc antiquitatis vestigia: *adulescentia*. *aliqui* pro *aliquis*. *aliut*. *aput*. *auris* pro *auris* et similia. *cetera* pro *cætera*. *Clodi* pro *Clodii* et similia, sed non semper. *epistula*. *exolare*. *illut*. *idem* pro *iidem*. *isdem* pro *iisdem*. *is* pro *iis*. *inlatus* et similia. *intellegere* pro *intelligere*. *kaput*. *haritas*. *nequi* pro *nequis*. *optinere* pro *obtinere* et similia. *pervolgare*. *quantus*. *querella*. *quom*. *quotiens*. *totiens*. *relicum*. *scribtus*. *temptare* et similia. *tribunos* pro *tribunus*. *voltus*. unam u. eamq. vocalem. numquam i longam. In Codice secundo litteræ quoque compendiarie pro verbo collocatæ duobus punctis includuntur sic v. gr. ·P· et quidem supra litteræ medietatem, quæ tamen noster typographus in Libro ad litteræ pedem impressit. Gemina puncta in schedis Vaticanis, e quibus editum est Livii Fragmentum, etiam Cl. Iuvenatius observavit (2). Idem Iuvenatius iam mo-

Antiqua Orthographia utriusque palimpsesti.

(1) Loco nuper citato.

(2) Edit. Neap. anni 1773. p. XLIII. § quod valde, inquit,

nuit (1) propter multa menda quæ forte occurrant, non esse retrahendas ad sequiorem ætatem membranarum scripturas, quandoquidem multa monumenta vel antiquissima mendis scatent. Et Livianas quidem schedas emendatiores nostris Codicibus dicere quis ausit (2)?

Calligraphia
prioris Pa-
himpesti.

Calligraphiâ tamen nostri duo Codices non parum inter se differunt. Nam prioris non solum pulchra est, sed prope ad lapidarium typum exarata. Quæ scriptura ut absolutius cognoscatur, eius omnes litteras in libri calce excusas exhibemus. Et quidem littera A sine lineola transversa occurrit in schedis Livianis, in Virgilio Vaticano quem Schelstratus adiudicavit sæculo Septimii Severi (3), in Virgilio Mediceo, et in Inscriptionibus sepulchri Pompeiani nuper ab eruditissimo Millinio editis (4), aliisque plurimis monumentis antiquissimis. E et F cum lineolis brevissimis in Virgil. Vatic. in sepulchr. Pomp. Item G cum virgula inversa brevissima in papyro latina Herculensi (5), in Virg. Vatic. Vide etiam Dissertationis Isagog. ad Hercul. Volum. P. I. Tab. VII. 7. Formam adspiratæ H notabis similem, quamvis inelegantiores, in papyro Herculensi latina. L et F excedunt su-

* notandum est: nec enim alibi huius moris exempla, nec in scriptis libris, nec in veteribus lapidum, aut æris tabulis observare memini. At ego huiusmodi puncta vidi non solum in hoc Codice, sed etiam in alio item latino Sæc. XII. a V. Specimen Characterum in fine libri nostri N. VI.

(1) Pag. LXXX.

(2) Conferatur tabula emendationum Fragmenti Liviani P. XXXV - XXXVI.

(3) V. Præf. ad Virgil. Vatic. p. IV.

(4) Neapoli 1813.

(5) Herculæ. Volum. Tom. II.

periolem versûs lineam, ut in schedis Livianis. P parvo cum capite, et quidem aperto ut in Virg. Vatic. et aliis sæpe antiquis monumentis. I cum brevi linea superiore ut in Virg. Vatic. papyr. lat. Hercul. alibique. V lineâ sinistrâ inclinatâ ut in papyr. lat. Hercul. Virg. Vatic. et Mediceo, sed in nostro codice est longe elegantior hæc littera.

Dicam igitur quod Iuvenatius de suis schedis Livianis (1). Facit, ut in Antoninorum ætatem incidisse huius prioris Codicis primam scriptionem iudicem, ipsa in primis litterarum, quibus exarata est conformatio ac concinnitas. Immo concludam ut idem Iuvenatius de suis Livianis (2):

Ætas scripturæ textûs in palimpsesto prioris.

„ Siquis veterum librorum, quæ circumferuntur,
 „ litterarum specimina cum his schedis componat,
 „ tum quæ de illorum ætate docti viri, atque in
 „ antiquitate investiganda diu multumque versati
 „ scriptis mandarunt, animo reputet; ei non tam,
 „ quemadmodum Antoninorum temporibus conscrip-
 „ tas istiusmodi schedas fuisse approbet, quam
 „ quemadmodum non longe ante conscriptas ap-
 „ probet, laborandum esse “.

Iam Scholiorum huius prioris Codicis duplex scriptura est, altera fere quadrata, altera rudior. Illa quidem ipsâ textûs scriptione vix recentior videtur, alteram sequiorem esse aliquanto haud gravate concedam. Nihil autem vetat, quin putemus, hæc scholia, licet antiquissima, ab amanuense paulo recentiore scripta in Codice fuisse,

Et scripturæ scholiorum in eodem prioris palimpsesto.

(1) P. LXXX.

(2) P. LXXXV.

ita ut neutra tamen scriptura scholiorum sæculo IV. aut V. posterior sit.

Ætas prioris scripturæ in altero palimpsesto.

Alterius Codicis priorem scripturam ne sæculo V. seriozem pronunciem, moveor primum auctoritate antiqui Censoris codicis Ambrosiani, qui secundam huius scripturam (quam solam ipse vidit) putavit prope cœtaneam Chalcedonensi Concilio. Hanc ego quidem ad VII. aut etiam VIII. sæculum pertraho: verum inter primam et secundam superinductam tantum interest, ut si tria sæcula intercedere dicam, moderate, immo parum me dixisse arbitrer. Reapse scriptura, de qua nunc agimus, Fragmentorum VII. Orationum Ciceronis cum Commentario, adeo et ipsa spatiosa est, adeo pulchra, quodque gravius momentum est, adeo priscam orthographiam exprimit, ut serior sæculo V. iudicari omnino non possit. Ne prolixus sim (in tanta præsertim exemplorum copia) si conferatur papyrus ægyptiaca, quam Maurini ediderunt (1), et cuius scripturam sæculo VI. seriozem negant esse dicendam; patebit luce meridiana clarius scripturam priorem nostri Codicis adeo magnitudine, forma, orthographiaque litterarum præstare, ut instituta proportionem cum nuper laudata papyro, tum etiam cum plurimis aliis a celeberrimo Caietano Marino editis, scriptio Ambrosiana ad sæculum potius IV. quam V. pertinere videatur. Addo denique, Turcium Apronianum, qui sæculo V. floruit, usum esse omnino litterarum D. E. G. H. M. eâ formâ (2), quæ in nostro codice

(1) *Nouveau Traité Diplôm.* Tom. I. p. 477.

(2) *Eiusdem Operis* Tom. III. p. 36.

etiam comparet. Formam autem litteræ Q. quam in hoc Ambrosiano Codice vides, cave putes recentiorem, cum ea occurrat etiam in specimine characteris quadrati antiquissimi Scholiorum, quæ nos edidimus ad Orat. pro Scauro.

XV. Atqui nonnullæ etiam voces in his Scriptis occurrunt, quas in veteris latinitatis lexica nondum relatas notavi. Nimirum COMPECTO (1) LENITILES (2) HUMILITARE (3) DEMERITUM pro *meritum*, substantivum ut videtur nomen (4). VINCENTER (5). (Nihil dico de voce SENSIO (6) quam pro *sententia* vides in Isidori glossario) Alias fortasse diligentes lectores notabunt. Harum unam tamen reperi in lexico sequioris ætatis, nempe DEMERITUM, sed in sensu contrario pro *peccato* apud Cangium ex Magistro Rogerio. HUMILITARE activâ quidem formâ nullibi vidi, sed *humilitari* passivâ apud eundem Cangium ex Fausto Regiensi. Quod si quis roget quid de his vocibus, quas in nostro Interprete offendimus, statuendum videatur, duplex potest esse responsio. Prior quidem, non continuo iudicanda esse vocabula barbara, siquæ vel a lexicis veteris latinitatis absunt, vel apud recentiores tantum scriptores huc usque supererant. Nam certum est, plurimis amissis antiquis scriptis, multa quoque cum iis vocabula periisse, quæ prodire par est, si-

De quibusdam novis vocabulis quæ in his Operibus occurrunt.

(1) In Orat. pro Scauro p. 15.

(2) In Clod. et Cur. p. 20.

(3) Pro Sylla p. 73.

(4) Pro Sylla p. 76.

(5) Pro Sylla p. 81.

(6) Pro Sylla p. 80.

quando aliquod ex iis scriptis deperditis in lucem reducatur. Tum ipsi barbari Auctores sæpe bonis vocabulis utuntur, quæ tamen sublestæ fidei ea-tenus habentur, quatenus ea apud hos tantum leguntur. Hæc igitur quinque vocabula, sive quæ nullibi huc usque exstabant; sive quæ apud sequiores tantum Auctores occurrebant; quoniam cum antiquo Scriptore deperdito sese nunc produnt, ea, inquam, in veteris latinitatis lexica referenda videntur. Id sicui minus placet, alteram accipiat responsionem ex Hadriano Cardinali (1) qui de Asconii edito textu sic loquitur: „ Asconius Pe-
 „ dianus, qui tametsi sub Augusto Cæsare flo-
 „ ruit (2), bonaque multa atque elegantia scripsit,
 „ sicuti ex libello, sive potius fragmento, quod
 „ ante hos annos repertum est, colligi potest,
 „ multa fluit ac scatet barbarie: quam tamen
 „ barbariem non ab illo certe, qui bono etiam
 „ tunc tempore eruditus est, provenire puto; sed
 „ potius ab aliquo insulso atque ineleganti gram-
 „ matico, qui interpretis vice functus, inepta
 „ multa conseruit, quæ postea una cum bonis
 „ Auctoris verbis descripta sunt“. Nos satis con-
 tendimus in hac Dissertatione, Interpretem nostrum
 videri Asconium. Quod nos vere dixisse, illud
 etiam indicio sit, quod utrumque scriptum aliquot
 alienis forte vocabulis interpolatum est. Quæ ma-
 culæ, siqua revera est, certe minima in Interprete
 nostro inhæret, in quo tam mendose ceteroqui

(1) De Modis latine loquendi. Colonie mxxix. p. 245.

(2) Melius Hadrianus dixisset sub Claudio: quamvis et Au-
 gusti ætatem vidit Asconius.

olim descripto adeo paucas voces huiusmodi notare potuimus. Et COMPECTO quidem, ut diximus, apud ipsum legitur Ciceronem.

XVI. Age vero tam nobiles summorum Scriptorum lucubrationes, quum ad iustam libri formam digessissem, nullis eas porro criticæ artis ornamentis instruerem? Sed nudas hiantes, tenebrisque vix depulsis cæcitantibus in illustrissimam huius sæculi lucem emitterem? Id quum absurdum mihi videretur, cæpi eas pro meæ eruditionis copiosis presse quidem sed accurate expolire. Itaque et singulis Tullianis Orationibus saltem ineditis, Monitum præposui, in quo cuiusque historiam, occasionem, propositumque evolvere. Tum perpetuis Adnotationibus ipsas Ciceronis Particulas et Interpretis Commentarium, primum quidem a pluribus amanuensium veterum mendis purgo, tum de Codicis palæographia, vocabulis interdum novis, rebus denique cunctis notabilioribus lectores admonere. Lacunas aliquot minimas Codicis, voculis interiectis (distinctis tamen a vetere textu) expleo. Et quia in Scripto tam annoso et abrupto multa obscura esse sentiebam, id quoque curavi, ut implorata historiæ et philologiæ ope, mediocrem ei lucem aspergerem. Quia vero nullum Scriptorem evidentius explicari iudicabam, quam cum ipse sui sit interpretes, Ciceronem quidem ex eius editis scriptis sæpe declaravi; Commentarium autem anonymum, quum Asconii esse putem, frequentissima Asconianæ editionis comparatione consecutus sum.

De notis
criticis ad
hæc Opera.

XVII. Nunc quoniam satis videtur fluxisse verborum, ut extremum aliquid habeat oratio, ita mihi finiendi necessitatem imponam, si Nationi

Commen-
dantur hæc
nova Opera
Italiam.

meæ, si præstantissimæ provinciarum omnium Italiæ hæc Maiorum nostrorum rediviva Opera singulariter commendavero. Scilicet ei populo, unde orta gravitas et magnitudo animi videtur: qui diu cum tot gentibus de disciplinarum atque artium gloria decertavit: cuius doctrina, vis ingenii, pulcherrima gesta orbis terræ iudicio comprobantur. Quippe Deus Italiam cum elegantiae, ubertatis, sacrorum sedem constituit; tum eruditionis etiam, litterarum, artium, scientiarum post barbarica sæcula arcem esse voluit sempiternam. Quare hæc etiam Inventæ quasi igniculos quosdam Deus extudit, quibus animi nostri ad industriæ laudem cicerentur. Obliviscendum nobis putamus, ea nos in terra versari, ubi barbarorum incursus et furor innumeros italicorum ingeniorum labores inficetis temporibus obruit? O duros animos, o derelictos homines ab humanitate qui tam turpem cladem ediderunt! Nulla potest eloquentia indignitatem rei pro merito detestari. Atque utinam quod barbarorum olim imprudentia aut satietas nobis reliquum fecerat, id alii deinceps molestissimi casus non eripuissent! Hem conditionem miseram atque acerbam Italicorum studiorum! quorum præstantissima laus ideo quasi proposita atque edita in altum videtur, ut ab omnibus ventis fortunæ adversæ circumfletur.

XVIII. Sed non clomitabo iam vehementius, nec volitabo in hoc insolentius. Neque enim Itali tot incommodis cladibus rapinisque vexati idcirco animos abiecerunt: immo vero litterarias divitias, siquæ sibi a naufragio supersunt, acriore industria, atque, ut ita dicam, graviore cum sænore exercent.

Nam et ordinandis populorum nummis, declarandis regum diplomatibus, legendis marmorum titulis, edendis codicum scriptis diligentissimam curam impendunt. Iam pinacothecæ et lycea et nobiliorum artificum scholæ quid aliud ostentant, nisi anaglypta et statuas antiquo opere et summa arte perfectas? Semper enim hæc ornamenta atque artificia, signa, tabulæ pictæ, sigillata vasa, toreumata, emblemata Italos homines singulariter delectarunt. Quis præterea tam dite solum paulo eruditius effodit, quin nummos, cippos, statuas, columnas, papyros etiam, et præclara opera omnigena commoveret? Nunc demum mea tenuis industria Ciceronem, atque, ut mihi penitus persuasi, etiam Asconium ex Ambrosianis forulis excitavit. Quare ii qui præstanti ingenio et singulari sagacitate præditi sunt ea moliantur excogitent tentent, quæ fieri ab iis civibus debent, qui sint Patriam temporibus miseris diu prostratam, studiorum fructibus atque oblectamentis recreaturi.

Tu vero, Vir eruditissime et optime IACOBE MELLERI, munus meum in præcedente Libello inchoatum, in præsentē absolutum lubens excipe: et Opus in tua Patria repertum, te hortatore et fautore editum, ab homine tui studiosissimo tibi oblatum singulariter dilige.

ORATIONIS TULLIANÆ
IN .P. CLODIUM ET CURIONEM

PARTES INEDITÆ

CUM ANTIQUO COMMENTARIO

ITEM INEDITO

QUI VIDETUR ASCONII FEDIANI

EDITORIS MONITUM

*Tullianæ Orationis in Clodium et Curionem pauca verba in Editionibus, sed uberrima memoria extat. Laudant enim ex ea locos aliquot Nonius Marcellus et Quintilianus, quos vide sis in Fragmentis Orationis olim editis. Meminit eius etiam noster Interpres, quem nunc edimus, ad Orat. in Vatinius. Clodiani autem stupri, quod occasionem præbuit huic Orationi scribendæ, sexcentis in locis meminit Cicero. Vide, si lubet, de Provinciis Consularibus x. in Pisonem xxxix. Paradoxum iv, et passim pro Domo sua, de Haruspicum Responsis, et pro Milone, quæ tres Orationes magnam lucem affundunt huic ineditæ in Clodium et Curionem. Sed nusquam enucleatius quam in libro I. Epistolarum ad Atticum res tota evolvitur. Nam Epist. XII. ait Cicero :
" P. Clodium Appii F. credo te audisse cum veste
" muliebri deprehensum domi C. Cæsaris, cum
" sacrificium pro populo fieret, eumque per manus
" servulæ servatum et eductum; rem esse insigni
" infamia ". Tum. Epist. XIII. " Credo te audisse,
" cum apud Cæsarem pro populo sacrificium fie-
" ret, venisse eo muliebri vestitu virum; idque
" sacrificium cum Virgines instaurassent, mentio-
" nem a Q. Cornificio in senatu factam; postea
" rem ex senatus consulto ad pontifices relata,
" idque ab iis nefas esse decretum; deinde ex
" senatus consulto consules rogationem promul-
" gasse; Uxori Cæsarem nuntium remisisse ". Historiam controversiæ in senatu actæ pertexit Cicero Epist. XIV. ubi etiam apparet Curionem stetisse pro Clodio. " Homines ad XV. Curioni*

« nullum senatus consultum facienti assenserunt: » ex altera parte facile cccc. fuerunt. acta res » est. Fufius tribunus tum intercessit. Clodius » conciones miseras habebat ». Sed descriptionem plenissimam huius Causæ Clodianæ habet Epistola XVI. cum particulis ipsius Orationis Tullii in Clodium, et Curionem. Quum hæc Epistola mirabiliter illustret nostra inedita Orationis Fragmenta, immo et ipsum Anonymi item ineditum Commentarium; visum nobis est eam omnino hic pæne integram potius præmittere, quam identidem ad eandem minore cum fructu provocare.

CICERO ATTICO

Quæris ex me, quid acciderit de iudicio, quod tam præter opinionem omnium factum sit: et simul vis scire, quo modo ego minus, quam soleam, præliatus sim: respondebo tibi *ὕστερον πρότερον, ὅλην-πῶς*. Ego enim, quam diu senatus auctoritas mihi defendenda fuit, sic acriter, et vehementer præliatus sum, ut clamor, concursusque maxima cum mea laude fierent: quod si tibi unquam sum visus in rep. fortis, certe me in illa causa admiratus esses. cum enim ille ad conciones confugisset, in hisque meo nomine ad invidiam uteretur, dii immortales! quas ego pugnæ, et quantas strages edidi? quos impetus in Pisonem, in Curionem, in totam illam manum feci? quo modo sum insecutus levitatem senum, libidinem iuventutis? sæpe, ita me dii iuvent! te non solum auctorem consiliorum meorum, verum etiam spectatorem pugnarum mirificarum desideravi. postea vero quam Hortensius excogitavit, ut legem de religione Fu-

sus trib. pl. ferret; in qua nihil aliud a consulari rogatione differebat, nisi iudicum genus; (in eo autem erant omnia) pugnavitque, ut ita fieret; quod et sibi, et aliis persuaserat, nullis illum iudicihus effugere posse: contraxi vela, perspicuens inopiam iudicum; neque dixi quicquam pro testimonio, nisi quod erat ita notum, atque testatum, ut non possem præterire. itaque, si causam quæris absolutionis, (ut iam *προς το πρότερον* revertar,) egestas iudicum fuit, et turpitudo. id autem ut accideret, commissum est Hortensii consilio: qui dum veritus est, ne Fusius ei legi intercederet, quæ ex S. C. ferebatur, non vidit illud, satius esse, illum in infamiam relinqui sordibus, quam infirmo iudicio committi: sed ductus odio properavit rem deducere in iudicium, cum illum plumbeo gladio iugulatum iri tamen diceret. Sed iudicium, si quæris, quale fuerit; incredibili exitu, sic, uti nunc ex eventu ab aliis, a me tamen ex ipso initio consilium Hortensii reprehendatur. nam ut relectio facta est clamoribus maximis; cum accusator, tanquam censor bonus, homines nequissimos reiiceret, reus, tanquam clemens lanista, frugalissimum quemque secerneret; ut primum iudices consederunt, valde diffidere boni cœperunt. non enim unquam turpior in ludo talario consessus fuit. maculosi senatores, nudi equites, tribuni non tam ærati quam, ut appellantur, ærarii. pauci tamen boni inerant, quos reiectione fugare ille non potuerat, qui mæsi inter sui dissimiles, et mærentes sedebant, et contagione turpitudinis vehementer permovebantur. hic, ut quæque res ad consilium primis petitionibus refe-

rebatur, incredibilis erat severitas: nulla varietate sententiarum: nihil impetrabat reus: plus accusatori dabatur, quam postulabat: triumphabat (quid quæris?) Horrensus se vidisse tantum: nemo erat, qui illum reum, ac non millies condemnatum arbitraretur. me vero teste producto, credo te ex acclamatione Clodii advocatorum audisse, quæ consurrectio iudicum facta sit, ut me circumsteterint, ut aperte iugula sua pro meo capite P. Clodio ostentarint. Quæ mihi res multo honorificentior visa est, quam aut illa, cum iurare tui cives Xenocratem testimonium dicentem prohibuerunt; aut cum tabulas Metelli Numidici, cum hæ, ut mos est, circumferrentur, nostri iudices aspicere noluerunt. multo hæc, inquam, nostra res maior. itaque iudicum vocibus, cum ego sic ab his, ut salus patriæ, defenderer, fractus reus, et una patroni omnes conciderunt. ad me autem eadem frequentia postridie venit, quacum abiens consulatu sum domum reductus. clamare præclari Ariopagitæ, se non esse venturos, nisi præsidio constituto. refertur ad consilium: una sola sententia præsidium non desideravit. defertur res ad senatum: gravissime, ornatissimeque decernitur. laudantur iudices. datur negotium magistratibus. responsurum hominem nemo arbitrabatur. Ἔπειτα γὰρ μοι μάλιστα, ὅπως δὴ πρώτον περ ἔμπετε. nosti Caluum, ex Nanneianis, illum laudatorem meum, de cuius oratione erga me honorifica ad te scripseram. biduo per unum servum, et eum ex ludo gladiatorio, confecit totum negotium: accersivit ad se, promisit, intercessit, dedit. iam vero (o dii boni! rem perditam!) etiam noctes certarum mulierum,

atque adolescentulorum nobilium introductiones nonnullis iudicibus pro mercedis cumulo fuerunt. ita, summo discessu bonorum, pleno foro servorum, XXV. iudices ita fortes tamen fuerunt, ut, summo proposito periculo, vel perire maluerint, quam perdere omnia. XXXI. fuerunt, quos fames magis, quam fama, commoverit. quorum Catulus cum vidisset quendam, Quid vos, inquit, præsidium a nobis postulabatis? an, ne nummi vobis eriperentur, timebatis? Habes, ut brevissime potui, genus iudicii, et causam absolutionis. Quæris deinceps, qui nunc sit status reip. et qui meus. Reip. statum illum, quem tu meo consilio, ego divino confirmatum putabam, qui bonorum omnium conjunctione, et auctoritate consulatus mei fixus, et fundatus videbatur, nisi quis nos deus respexerit, elapsum scito esse de manibus uno hoc iudicio; si iudicium est, triginta homines populi R. levissimos, ac nequissimos, nummulis acceptis, ius, et fas omne delere, et, quod omnes non modo homines, verum etiam pecudes factum esse sciebant, id Talnam, et Plautum, et Spongiam, et ceteras huiusmodi quisquillas statuere, nunquam esse factum. sed tamen ut te de rep. consolet; non ita, ut sperarunt mali, tanto imposito reip. vulnere, alacris exultat improbitas in victoria. nam plane ita putaverunt, cum religio, cum pudicitia, cum iudiciorum fides, cum senatus auctoritas concidisset, fore, ut aperte victrix nequitia, ac libido pœnas ab optimo quoque peteret sui doloris, quem improbissimo cuique inusserat severitas consulatus mei. idem ego ille, (non enim mihi videor insolenter gloriari, cum de me apud

te loquor, in ea presertim epistola, quam nolo aliis legi) idem, inquam, ego recreavi afflictos animos bonorum, unumquenque confirmans, et excitans. insectandis vero, exagitandisque nummariis iudicibus, omnem omnibus studiosis, ac fautoribus illius victoriæ *παρρησίαν* eripui. Pisonem eos. nulla in re consistere unquam sum passus: desponsam homini iam Syriam ademi: senatum ad pristinam suam severitatem revocavi, atque abiectum excitavi: Clodium præsentem fregi in senatu, cum oratione perpetua, plenissima gravitatis, tum altercatione eiusmodi, ex qua licet pauca degustes. nam cetera non possunt habere eandem neque vim, neque venustatem, remoto illo studio contentionis, quem *ἀγῶνα* vos appellatis. Nam, ut idibus Maii in senatum convenimus, rogatus ego sententiam, multa dixi de summa reip. atque ille locus inductus est a me divinitus; ne, una plaga accepta, patres conscripti conciderent, ne deficerent: vulnus esse ejusmodi, quod mihi neque dissimulandum, neque pertimescendum videretur: ne aut ignorando stultissimi * iudicaremur. bis absolutum esse Lentulum, bis Catilinam: hunc tertium iam esse a iudicibus in comp. immissum. erras Clodi: non te iudices urbi, sed carceri reservarunt; neque retinere in civitate, sed exilio privare voluerunt. quamobrem patres conscripti erigite animos, retinete vestram dignitatem. manet illa in rep. bonorum consensio: dolor accessit bonis viris; virtus non est imminuta: nihil est

* Locum hiantem quidam explent sic: *aut timendo ignavisimi*. In Codd. Ambrosianis nullum supplementum inveni.

damni factum novi, sed, quod erat, inventum est. in unius hominis periti iudicio plures similes reperti sunt. Sed quid ago? pæne orationem in epistolam inclusi. Redeo ad altercationem. Surgit pulchellus puer: obiicit mihi, me ad Baias fuisse. falsum: sed tamen quid hoc? simile est, inquam, quasi in operto dicas fuisse. Quid, inquit, homini Arpinati cum aquis calidis? narra, inquam, patrono tuo, qui Arpinates aquas concupivit. nosti enim marinas. Quousque, inquit, hunc regem feremus? regem appellas, inquam, cum Rex tui mentionem nullam fecerit? ille autem Regis hereditatem spe devorarat. Domum, inquit, emisti. putas, inquam, dicere, iudices emisti? Iuranti, inquit, tibi non crediderunt. mihi vero, inquam, XXV. iudices crediderunt: XXXI. quoniam nummos ante acceperunt, tibi nil crediderunt. Magnis clamoribus afflictus conticuit, et concidit. Noster autem status est hic. Apud bonos iidem sumus, quos reliquisti; apud sordem urbis, et sæcem multo melius, quam reliquisti. nam et illud nobis non obest, videri nostrum testimonium non valuisse. missus est sanguis invidiæ sine dolore, atque etiam hoc magis, quod omnes illi fautores illius flagitii, rem manifestam illam redemptam esse a iudicibus, confitentur.

Hæc ad declarandam huius Orationis historiam ac pæne cursum sufficiant. Prodeant iam ex nostro Codice integrum Orationis Argumentum, et amplius Commentarius Scriptoris antiqui et inediti, non sine multis et nobilibus Partibus ipsius deperditæ Orationis. Scripta est autem hæc Oratio Consulibus Pisone et Messala, idest Ciceronis anno XLVI.

INC IN .P. CLAUDIUM

ARGUMENTUM

Aput Græcos huiusmodi genera orationum *ἡρώδης καὶ ὕμνος* (1) nominantur continentia ferme laudes et vituperationes. Non enim rei postulantur a Tullio vel .C. Curio vel .P. Clodius; sed quoniam habuerant in senatu quandam iurgiosam decertationem, visum Ciceroni est hanc orationem conscribere plenam sine dubio et asperitatis et facetiarum, quibus mores utriusque proscindit, et de singulorum vitiis quam potest acerbissime loquitur (2). Sed enim principium huius offensæ fertur a .P. Clodi incestu (3) descendisse. Nam visus est

(1) Nota I. in Codice scribi sic: » Aput Græcos . . . » nominantur » spatio relicto. Huiusmodi spatia vacua haud raro occurrunt in Codice, quæ replenda videntur modo voculis græcis, quas librarius, quia græce forte erat ignarus, omisit: modo latinis, quas idem librarius ideo forte non scripsit, quia exscribebat e codice corrupto aut mutilo.

II Siqua verba charactero diverso et maiore Commentariis antiquis interseruntur, ea esse nostra supplementa.

III. Visum esse nobis supplere *ἡρώδης καὶ ὕμνος*, Consulatur Aristoteles Rhetor, Lib. 1. cap. 27. Item Isocrates Panath. edit. Wolfianæ per Crispinum p. 557. A. Nisi quis malit supplere *ἡρώδης καὶ ὕμνος* ex Cicerone Orator xi. et Fortunatiano C. Rhet. Sch. Lib. 1. sub initio.

(2) Consonat Quintilianus Inst. iii. cap. 7. » Editi in Com- » petitoribus (in consulatus petitione Antonium et Cotilianum) » in L. Pisonem, IN CLODIUM ET CURIONEM Libri, vi- » tuperationem continent, et tamen in senatu loco sunt ha- » bitæ sententiæ ».

(3) Cod. evidenter pro incestu habet iratu.

in domo Pontificis Maximi .C. Cæsaris eiusdemque prætoris incestum fecisse cum eius uxore Pompeia, eo tempore (1) quo per Vestales virgines et matronas honestissimas in operto Bonæ Deæ sacrificium viris omnibus inaccessum fiebat. Unde elaboro tamen Clodio magna invidia percrebuit et infamia cærimoniarum, ut senatus decernere cogeretur, omni (2) diligentia consulum pervestigandum, siquod esset publicis religionibus inlatum flagitium. Accedebat huc etiam præiudicium quoddam .C. Cæsaris ipsius Pontificis, qui uxorem suam ilico repudiavit. Post quod reus de incesto factus est .P. Clodius, accusante .L. Lentulo, defendente .C. Curione Patre. Nam tres illis temporibus Curiones inlustri nomine extiterunt, atque ita in libris (3) adhuc feruntur; Curio Avus qui Servium Fulvium incesti reum defendit; et hic .C. Curio Pater, qui .P. Clodio adfuit; et tertius ille Curio tribunicius qui bello civili Pompeiano in Africa periit. Nam cum esset partium Cæsaris, oppressus est ab equitibus Iubæ regis. Sed hactenus de Curionibus dictum sit (4). Multum diuque habitis

(1) Cod. cum eo tempore.

(2) Cod. omnia.

(3) Nempe in eorum Orationibus, quæ adhuc supererant, cum hic Commentarius scribebatur.

(4) De primo Curione sic Cicero in Bruto xxxii. » Curio » fuit igitur eiusdem ætatis fore, sane illustris orator, cuius » de ingenio ex Orationibus eius existimari potest. Sunt enim » et aliæ, et pro Ser. Fulvio de incestu, nobilis oratio. No- » bis quidem pueris, omnium optima putabatur, quæ iam » vix comparet in hac turba novorum voluminum ». Tum » addit » Atqui hæc, inquam de incestu laudata Oratio pueri-

concertationibus ante iudicium, .P. Clodius a turbulenta multitudine, ne causam diceret, non sine impetu seditionis adiutus est: auctore huius conspirationis .Q. Fufio Caleno Tribuno Plebis⁽¹⁾, cuius mentionem creberrimam Tullius in Filippicis⁽²⁾ orationibus facit⁽³⁾, obstante vero pene⁽⁴⁾ universo senatu pro sanctimonia religionum adversus crimen incesti.

» lis est locis multis: de amore, de tormentis, de rumore,
 » loci sane inanes: vernantamen nondum tritis nostrorum
 » hominum auribus, nec erudita civitate, tolerabiles. Scripsit
 » et alia nonnulla, et multa dixit et illustra, et in numero
 » patronorum fuit: ut eum mirer... consulem non fuisse ».

Secundum Curionem dicit Consulem cum Octavio Cicero in Opere eodem ix. Huius vero laudi oratoriae vehementer nitretur capp. xix—xxi. Sic tamen concludit: » Orator, vis
 » vis eius aequalibus, proximus optimis numerabatur, propter
 » verborum bonitatem, et expeditam ac praevalentem quo-
 » dammodo celeritatem. Itaque eius orationes adspiciendas
 » tamen censeo etc. ».

De tertio Curione sic scribit cap. xxxxi. » Atque hic a
 » magistris parum institutus, naturam habuit admirabilem
 » ad dicendum: industriam non sum expertus: studium certe
 » fuit ». De huius nece V. Caesarem Bell. civ. ii. 42.

Curiones recenset inter Oratores etiam Auctor Dialogi de coeussis corruptae eloquentiae cap. xxxvii.

(1) Ascovius ad Orat. pio Mil. p. 157. Edit. Lugd. Batav. anni mxcxv. qua nos semper utimur, narrat: » per hunc Fufum
 » seu Fusum illa tempore, quoniam de incestu P. Clodii actum
 » est, factum, ne a senatu asperius decerneretur ».

(2) Sic Filippicis. Retineo autem antiquam orthographiam, de qua Cicero Orator xviij. haec ait: » Purum semper En-
 » nius, nunquam Pyrrhum. Vt potest fecerunt Fruges: non
 » Phryges, ipsius antiqui declarant libri. Nec enim graecam
 » litteram adhibebant: nunc autem etiam duas: et cum Phry-
 » gum, et cum Phrygius dicendum esset, absurdum erat
 » aut tantum barbaris casibus graecam litteram adhibere, aut
 » recto casu solum graece loqui: tamen et Phryges, et Pyr-
 » rhum aurium causa dicimus. V. etiam Quintil. Inst. lib. i.
 » cap. v. ».

(3) Vide praesertim Octavam: tum Decimam, Undecimam et Duodecimam.

(4) Pene hoc loco, at alibi fere semper scribitur pene.

Iudices tamen ad extremum dati sunt. Et primo quidem ab senatu præsidium petiverant, ut de Clodio potentissimo homine liberius iudicaretur. Verum ita res cecidit, ut in eum multi grave testimonium dicerent, quorum in numero Marcus ipse Tullius interrogatus, ait: ad se salutatum venisse ipsa die Clodium, qua se ille contenderat Interamnæ (1) fuisse, millibus passuum ferme LXXX. ab Urbe disiunctum; quo scilicet videri volebat, incesti Romæ committendi facultatem non habuisse. Et post hæc ab ludicibus xxv. damnatus est. Prævaluit tamen ad eius victoriam maior eorum numerus qui absolverunt. Nam xxx. et una pro eo sententiæ latæ sunt. Inde igitur kapitalis (2) inimicus in M. Tullium cœpit efferri. Et cum illo anno potestate quæstoria fungeretur, apud populum creberrimis eum contionibus lacessebat. Minas quin inmo prætendens, ad familiam se plebeiam (3) transitorium, ut tribunus plebis fieret, denuntiabat. Quibus minacissimis territus vocibus, vehe-

(1) Hoc Clodii mendacium ridet Cicero etiam in Orationibus pro Domo sua xxx. et pro Mil. xvii. Porro Codex habet corrupte, *Interamne*. Contra superius item mendose, *equitibus*, *cecidi*, pro *equitibus*, *cecidi*. Nimirum diphthongorum ratio valde est in hoc Codice perturbata.

(2) Ita Cod. litterâ græcâ *Kapitalis*. Sic inferius occurrit *kaput*. Cicero ipse Orator xlviii. scripsit *Kartagine*. Sic apud Veteres non raro occurrunt *kalendæ*, *kalumnia*, *karissimus* etc. V. Quintil. Lib. i. cap. 7. et in Putsch. Terentianum p. 2400. Valer. Prob. p. 1515.

(3) Id reapse præstitit Clodius, quum, ut a Fonteio adoptaretur, curavit. Vide pro Domo sua xlii-mv. et de Haruspicum Resp. xxvii.

menter et acerrimo spiritu hac oratione Cicero respondit, duorum tam ipsius quam Curionis (1).

INCIPIIT ORATIO

STATUERAM .P.C. QUOAD REUS ESSET .P. CLODIUS NIHIL DE ILLO NEQUE APUD VOS NEQUE ALIO ULLO IN LOCO DICERE.

Facere videtur hoc *in argumentum* (2) gravitatis ac modestiæ suæ; verum summa cum asperitate, quamvis absolutus sit Clodius, tamen incestum vere commisisse adhuc adseverat. Hoc enim testificando, se omni et humanitate et patientia .P. Clodio pepercisse, sine dubio confirmat veritatem sui testimonii, ut omnia de illo cum fide dixerit, cui per illud tempus reatus parcendum putaverit.

AC FURIOSIS CONTIONIBUS INDIXERAT.

Opportune et acriter furiosum .P. Clodium dicit, ut in eum suspicio conveniat incesti, cuius ingenium furore iactetur (3).

(1) Sentus videtur huiusmodi » Quibus minacissimis terribus vocibus duorum tam ipsius, quam Curionis, vehementer etc. » Vel potius » hac Oratione Cicero respondit Oratoribus duorum etc. »

(2) Spatium est in Codice, quod nos ita replevimus.

(3) Furiosam Clodii naturam pingit Cicero de Harusp. Resp. xviii. » A Diis quidem immortalibus quæ potest homini » maior esse pœna furore atque amentia? Tu (Clodi) com » furiales in concionibus voces mittis, cum domos civium » evertis, cum lapidibus optimos viros pellis etc. cum hac » charis, cum foris; tum das eas pœnas, quæ solæ sunt hominum » minum sceleris » Diis immortalibus constitutæ... ». Duorum » tele in impiorum mentibus figuntur ».

QUOD SIMUL AB EO MIHI ET REIP. DENUNTIABATUR.

Et suæ dignitati plurimum dedit, et .P. Clodium vehementius accusavit. Nam gloriæ Ciceronis accedit, quod seiungi a rep. non potest: invidiæ autem .P. Clodii adstruitur, si odisse videatur in Cicerone remp.

NIHIL ME ADDERE AD ALTERIUS PERICULUM:

Satis agit, ut in testimonio non existimetur esse mentitus.

SIN ESSET IUDICATUM NON VIDERI VIRUM VENISSE, QUO ISTE VENISSET.

Amaritudo stomachi est in hac sententia, qua perstringit mores .P. Clodi scilicet impudicos, ita dicendo: « non videri virum venisse » quo iste venisset ». Quasi hoc pronuntiaverint qui cum sententiis suis liberaverunt, non ut incestum sibi probari non potuisse dicerent, sed ut ipsum virum negarent.

UT ILLE IUDICIO TAMQUAM E NAUFRAGIO NUDUS EMERSIT (1).

In loco et ipsorum Iudicum perstringit infamiam, quorum sententiis fuerat absolutus. Nam partim trecena millia, partim vero, secundum opiniones aliorum, quadringena acceperisse dicuntur.

(1) Simili locutione de Clodio utitur Cicero in *Orat. de Haruspicio Resp.* xviii. « Te Iudices emisere excussum et exhaustum: suo iudicio absolutum, omnium condemnatum ».

SYRIAM (1) SIBI NOS EXTRA ORDINEM POLLICERI.

Diximus in Argumento (2), per illud tempus Clodium fuisse quæstorem. Opimas igitur provincias cupiditati suæ blandiente dicit in animo habuisse: quasi hoc ab senatu consequi posset, quod ipse rapinarum meditatione gestiret.

CREDITORIBUS SUIS SPEM OSTENTARE PROVINCIÆ VIDERETUR.

Et defæneratum (3) hac in parte significat.

AUGMENT MAGNUM QUENDAM CUMULUM ÆRIS ALIENI.

Quod non posset, nisi omnium provinciarum spoliatione dissolvi.

INGEMUIT GRAVIUS TIMIDIOR QUIDAM CREDITOR.

Ne quæsieris eius personam (4), de quo videtur hoc dicere. Nam generatim fingit, ut desperatio pecuniæ recuperandæ consternerit creditores eius, metuentes scilicet revertendi tarditatem.

(1) Clodius Gabinio Syriam tandem regendam dedit, postquam eo Consule Ciceronem pepulit in exilium. V. *Pro Domo sua* xxvi. et *de Provinciis Consul.*, *pro Sextio*, atque in *Pisonem* passim. Denique Plutarch. in *Cicerone*.

(2) Solimne est Asconio in Commentario provocare ad ea quæ dixit in Argumento Orationis. Sic facit ad *Orat. pro Mil.* p. 194. 195. 198. 302. Sic igitur et noster Interpres hic et inferius ad *Orat. pro Planeio* n. 36.

(3) Nempe *fænoriliter exhaustum*.

(4) Simili prorsus modo et locutione utitur Asconius ad *Act. 1. in Verr.* p. 30. Dixerat Cicero » A quodam Senatore » ad equitem rom. » Commentatur Asconius: » Horum nomina » quidam inepte quærant: quasi certum sit quod dicitur, et » non de industria fingatur » Tullio ad invidiam adversario- » rum a.

CONFIRMAT SE COMITIIS CONSULARIBUS ROMÆ FUTURUM.

Aculeus est asperitatis. Nam plerisque in locis in perversas ab eodem Clodio criminatus est pecunias candidatorum.

: TANTO PRIUS AD ÆRARIUM VENIT, UT IBI NE SCRIBAM QUIDEM OFFENDERET.

Aput ærarium sortiri provincias et quæstores solebant (1) et scribæ, ut pro certo appareret in quam provinciam, vel cum quo præside proficiscerentur. Ardorem quendam nimiae cupiditatis volens exprimere, festinasse ad ærarium dixit, ut etiam scribarum præveniret adventum.

QUI OMNIA SACRIFICIA NOSSET.

Ut incestum significaret, mediam (2) suspendit elocutionem, non ut religionem prætenderet, sed ut crimen.

CUM SE AD PLEBEM TRANSIRE VELLE DICERET, SED MISERE FRETUM TRANSIRE CUPERET.

Quoniam patriciis non licebat *tribunatum* accipere, idcirco se Clodius denuntiaverat in plebeiam familiam transiturum, ut adeptus

(1) Ob hanc locutionem *solebant* cave putes, idcirco nostrum Interpretem abesse multum a temporibus Ciceronis, quia videatur de usibus eius notatis tamquam diu præteritis aut etiam antiquatis loqui. Quippe ita loqui moris est Asconio in iis Commentariis, qui sub eius certo nomine circumferuntur. Vide sis ex gr. pp. 34. 37. 47. 48. 52. 64. 65. 69. 70. 77. 83. 91. etc.

(2) Cod. corrupte *significare* medes suspendit elocutionem. Porro ad loci intelligentiam, confer similem in hac Orat. inferiori p. 24. Notemus verborum *mediates* elegantissimo ab Oratore suspendi. Et eundem nostrum Interpretem ad Orat. pro Plancio N.º 26.

hanc potestatem, de suis inimicis vindicaretur. De freto autem quod ait, illud (1) significat quo Sicilia ab Italia separatur: in qua se provincia sub .C. Vergilio (2) gratularetur idem futurum esse quæstorem.

HANC LOQUACEM SICILIAM NON DESPEXIT.

Loquacem videtur Siciliam dicere quod plerosque de pecuniis repetundis (3) accusaverat, et (4), ut scimus, ipsum .C. Verrem.

ACCESSERUNT ITA PAUCI, UT EUM NON AD CONTIONEM, SED SPONSUM DICERES ADVOCASSE.

Ære alieno gravatum et supra dixerat Clodium. Solebant autem versuram facientes quasi ad fidem (5) futuræ solutionis sponsores dare. Verum hic volens eius perfidiam denotare, ait: non aliter paucos ad rostra venisse, quam si convocasset eos qui pro se sponderent. Multos

(1) Cod. *illud*, quod vidi et in aliis antiquis Codd. Sic interdum *alius* pro *aliud*, contra *inquit* pro *inquit*.

(2) C. Vergilius Siciliam obtinebat prætor etiam cum Cicero in exilium profectus est. Namque ita de suo illo itinere scribit Cicero *pro Plane*, xl. « Siciliam petivi animo, quæ » et ipsa erat mihi, sicut domus una, coniuncta: et obtinebatur a C. Vergilio: quocum me uno vel maxime cum » vetusta amicitia, tum mei Fratris collegia, tum respublica » sociarat ». Vide etiam Plutarch. in *Cicerone*.

(3) Cod. *repetundis*.

(4) Cod. *accusaverant, sed ut scimus* etc. Cicero lib. ii. in *Verr.* cap. iii. ait: in neminem Civitates Siculas ante Verrem testimonium publice dixisse. Quod ibi confirmat Asconius scribens in *Commentario*: « Recte: quis Lepidus legibus tantum interrogatus, necdum etiam cœperat accusari ». Verum Causa Verrina acta est anno fere decimo ante hanc Clodianam. Ergo ut Cicero et Asconius hic sibi uterque consent, dicunt Siciliam loquacem et accusatriem multorum post Causam Verrinam.

(5) Cod. videtur habere *ad diem*.

enim fefellerat cum periculo spousionis adstringeretur.

CUIUS SATISDACTIONES SEMPER INDICUNTUR INDUCI.

Satisfactiones dicit rescindi sententia prætoris. Et hoc in loco significat viros, qui stulte (1) pro Clodio mutuante pecuniam spondeant, cum sæpenumero experti sint, multos sponsores eius hoc nexu liberatos, cum se (2) circumventos illius fraude docuissent.

PRIMUM HOMO DURUS AC PRISCUS INVECTUS EST IN EOS QUI MENSE APRILI APUT BAIAS ESSENT (3).

Consuetudo erat multis ineunte verno ad aquarum quæ sunt in Campania velut fomenta salubria convenire. Igitur intulit personam Clodii quasi priscæ severitatis et continentiae viri, cui displiceant et quæ non ad delicatam voluptatem, sed ad valetudinis optinendæ curam fieri soleant, cum sit ipse omnium libidinum cupiditatibus deditus. Et hinc fiet gradus ad ipsius Ciceronis Puteolanas possessiones, in quas devertere ad oblectamentum solebat. Removit ergo inpudentiam reprehendentis a moribus suis, ne vel superbus vel nimium delicatus (4) habeatur.

(1) Cod. *stulte timerant*. Sed *timerant* videtur omittendum.

(2) Cod. *si*.

(3) Recole epist. xvi. lib. 1. ad Att. » Surgit pulchellus » puer: obiicit mihi, me ad Baias fuisse. Falsum: sed tamen » quid hoc? Simile est, inquam, quasi dicas in Operto fuisse «

(4) Cod. *delictus*.

PER QUEM HOMINIBUS MAIORIBUS NATU NE IN
SUIS QUIDEM PRÆDIIS, TUNC CUM ROMÆ NIHIL
AGITUR, LICEAT ESSE VALETUDINIQUE SERVIRE.

Congesta et copiosa defensio est in ipsa
propositione: ut eorum moribus nihil oporteat
exprobari (1), qui certo tempore anni salubres
aquas petant. Vel quia ætate proveci sint,
quæ ferme valetudo parum fida est: vel quia
in suis prædiis demorentur, quod est legitimæ
honestatis: vel quia eo tempore, quo sint Ro-
mæ omnia quietissima, nequis hoc ad fugien-
dum laborem civilium rerum facere videatur:
vel quod sit omni modo valetudini servien-
dum, quæ non minus ipsis senatoribus, quam
reip. necessaria sit, ut fortius possint obire
munia, quæ gerenda sunt.

ITA FUIT CÆCUS, UT FACILE APPARERET
VIDISSE EUM QUOD FAS NON FUISSET (2).

De Appi enim Cæci familia genus trahebat.
Et præcipitem volens significare atque teme-
rarium, resculpit infamiam illius incesti, quod
fecisse in Operto Bonæ Deæ videbatur, quo
viris ingredi non liceret: quasi pœnam crimi-
nis sui luere iam cœperit nihil providendo
quod dicat.

(1) Sic Cod, sed melius dices *exprobari*. Vide tamen
et p. 36.

(2) Hunc locum illustrat Cicero de Harusp. Resp. xviii.
qui loquens de eodem hoc stupro Clodii, sic ait: » Aut quod
» oculos, ut opinio illius religionis est, non perdidisti. Quis
» enim ante te sacra illa vir sciens viderat, ut quisquam por-
» nam, quæ sequeretur illud scelus, scire posset? An tibi
» luminis obesset cæcitas plusquam libidinis? Ne id quidem
» sentis, conniventes illis oculos atavi tui magis optandos
» fuisse?

ILLUM PATRONUM LIBIDINIS SUÆ.

.C. Curionem qui de proscriptione Syllana fundum emerat in Campania qui Marii nuper fuerat et ipsius Arpinatis. Quo se exemplo facillime Cicero purgavit, non esse id in se reprehendendum, quod municipi suo .C. Mario consulari numquam fuerit infame (1).

NAM RUSTICOS EI NOS VIDERI MINUS MIRANDUM EST, QUI MANICATAM TUNICAM (2) et relicum.

Mixta responsio et facetiis urbanitatis et asperitatis *aculeis* non sine lenitie (3). Definit enim rusticos et urbanos ita, ut in se ingenium sobriæ virtutis, in Clodio iudicia scditatis et dedecora proscribat.

(1) Hinc iam explicatur Ciceronis locus 1. ad Att. xvi. cuius sensum nondum Interpretes assecuti fuerant. Ait ibi Cicero Clodium sibi obiecisse delicias. Quid, inquit, homini Arpinati cum aquis calidis? Narra, inquam, patrono tuo, qui Arpinates aquas concupivit. Curio Clodii patronus emerat fundum, qui Marii Arpinatis fuerat. Quid mihi Arpinati, inquit Cicero, balneis obicis? obice potius patrono tuo Curioni, qui Arpinatis hominis fundum et aquas concupivit. Hæc explicatio felicior adhuc videbitur, si Ciceronis locum sic legere liceat. Narra inquam patrono tuo, qui Arpinatis aquas concupivit. Et quidem Cod. Ambrosianus A. 47. pl. inf. habet *Arpinati aquas*, ex quo facile efficitur *Arpinatis*. Commentario nostro quum carerent Interpretes alii *patronum* Clodii intellexerunt Clodium sororem, ut Corradus, Iunius, Gronovius. Alii ignotum quemdam, ut Malaspina. Casaubonus etiam turpícula quædam in hunc locum inexit, *Arpinates aquas* explicans *εὐνοίας*.

(2) Tunica manicata exprobrantur viris etiam Æneid ix. v. 615. Et tunicae manicas, et habent redimicula mitræ. Tum Thebaid. vii. v. 657.

Brachisque in manicis, et pictæ vincula plantæ.

(3) Codex habet: Mixta responsio et facetis urbanitatis et asperitatis video lenitie non sine. Et nota vocabulum *lenitie*, nisi locus mendosus est.

TU QUI INDUTUS MULIEBRI VESTE FUERIS (1).

Videtur enim Clodius habitu muliebri sexum mentitus penetrasse domum .C. Cæsaris, ut incestum sub hac fraude committeret. Id describitur (2), ut omnia linimenta turpitudinis detegantur.

CUM CALAUTICA (3) CAPITI ACCOMMODARETUR.

(4) *Operimenti* genus, quo feminæ capita velabant hoc nomine ferebatur. Et Afranius meminit in Consobrinis ita dicens: « CUM MITHRIS, CALAUTICIS (5) ». Inpudico igitur habitu erubescendi decoris quædam figura describitur. Atque ita se et in historia temporis huius commemoratio habet. .C. Cæsaris Pontificis Maximi Prætoris domi sacrificium sollemne pro populo fiebat. Huc vir ornatu muliebri quod introierat, sacrificium instauratum est. Res ad senatum delata est. Patres Conscribti decreverunt, ut de ea re non aliter quam de incestu quæreretur. Eo crimine reus factus est

(1) Clodium ita indutum graphice describit Cicero etiam in Orat. de Harusp. Resp. xxi.

(2) Spatiolum relinquitur in Codice.

(3) *Calautica* non *Calantica* hic et inferius habet Codex noster antiquissimus. Et quidem ita etiam Ulpianus in Digestis Florentinis. Vide Vossium in Ethymol. et Vinetum in notis ad Auson. Perioch. v. Odysseæ. Porro Glossarii veteris expositio *calautica*, ut sit τὸ δὲ ζώνης, plane refellitur a nostro Commentario, ubi feminæ dicuntur hac velavisse capita.

(4) Spatium est in Codice, quod replendum putavimus vocabulo *operimenti*, vel, si quis malit, *ornamenti*, aut voce aliqua græca.

(5) Afranius Terentii pæne æqualis, elegantissimus fuit Togatarum scriptor. In eius fragmentis quæ supersunt, laudantur aliquot loci ex Consobrinis: verum hic erat adhuc ineditus. Codex autem evidenter habet *mithris*, non *mitris*.

.P. Cl. Pulcher, delatore .L. Lentulo, qui Consul fuit post eum .M. Marcello: subscriptibus .Gn. et .L. Lentulis. Aurelia Cæsaris mater testis in iudicium accita est (1). Ea pro testimonio dixit, suo iussu eum esse dimissum. Idem dixit Iulia Soror Cæsaris. Et tamen post hæc absolutus est.

SED CREDO POSTQUAM SPECULUM TIBI ADLATUM EST, LONGE TE A PULCHRIS ABESSE SENSISTI.

Festivissime simul et nobilitatem generis infamatam, et mores femineos in speculi contemplatione detexit, quo ferme ad explorandam curæ suæ diligentiam mulieres uti solent. Ergo et inliberalem (2) figuram probro dedit, et Maiorum suorum dissimillimum contestatus est. Nam fuit hoc Claudiae Familiae cognomen illustre. Quippe antiquitus .P. Claudius Appi Cæci filius primus ex isto genere Pulcher appellatus est. Hic consul apud Drapanam (3)

(1) Cod. *In iudicio ita est.* Forte igitur scribendum: « Aurelia Cæsaris mater testis in iudicio, ita est, dixit pro testimonio etc. »

(2) Inliberali figura præditum Clodium diserte sicut hinc Cicero et noster Auctor Commentarii, qui idem repetit ad Orat. *de ore alieno Milonis.* Itaque Clodius ironice dicitur *pulchellus puer* Epist. xvi. libri 1. ad Attic. Fallitur ergo ad eum epistolæ locum Paulus Manutius, qui videtur credere Clodium fuisse pulchrum, ex eo quod Plutarchus in Cæsare et Cicerone scribat, ut ipse ait, *facie puellæ similem fuisse.* Verum si diligentius loci Plutarchi legantur, patebit, in Cicerone dici Clodium tantum imberbem ob adolescentiam. In Cæsare imberbem, et cultu sumpto psaltriam ad Pompeiam accessisse Clodium referentem specie iuenculam, quia nondum scilicet erat barbatus, et veste se exornarat muliebri.

(3) Cod. sic *Drapanam*, et inferius *confisit*, quod emendavimus *confisit*.

adversus auspicia Pœnis classe conflixit. Ea pugna Romanorum naves perierunt cxx. (1). Ob id factum dies ei dicta perduellionis a Pullio (2) et Fundanio Tr. Pl. Cum comitia eius rei fierent et centuriæ introducerentur, tempestas turbida coorta est. Vitium intercessit (3). Postea Tr. Pl. intercesserunt, ne idem (4) homines in eodem magistratu perduellionis bis eundem accusarent. Itaque actione mutata, iisdem accusantibus multa inrogata populus eum damnavit æris gravis cxx. millibus.

AT CUM, INQUIT, ABSOLUTUS NOVO QUIDEM HERCLE MORE, CUI UNI ABSOLUTO LITES ÆSTIMATÆ SUNT.

Victoriam quoque iudicii Orator convertit in dedecus, inopinata inlata huiusmodi responsione. Lites autem damnatis reis æstimabantur, cum taxatio pecuniæ fiebat, quæ illis adfigeretur. Quoniam e reo non probatione innocentiae sed corruptis iudiciis fuerat Clodius absolutus, idcirco ait absolutolites æstimatas(5): hoc est pœna quidem liberatum, sed pecunia

(1) Vide Polybium ad annum xvi. primi belli punici (Edit. Amstel. 1670. T. 1. p. 74-75) qui tamen ait periisse naves romanorum tantum xciii. Classis utique Claudii constabat navibus cxx. ut scribit Orosius Lib. iv. Cap. 10.

(2) Ita Cod. a Pullio. Sed Tullium eo anno unum e tribus profert Pighius. Iunius Pullus erat eodem anno Collega Claudii in Consulatu.

(3) V. Valer. Maxim. Lib. viii. Cap. I. 4. Hinc illa formula apud latinos *servare de caelo*. Sic Cicero Philipp. v. cap. iii. Quam legem se augur Antonius dicit tulisse, non modo tonante love, sed prope caelesti clamore prohibente, hanc dubitabit contra auspicia latam confiteri?

(4) Cod. ita idem pro idem, solitâ crasi, lotacismi vitandî causa.

(5) De litis æstimatione vide, si lubet, Asconium ad Act. 1. in Ferr. p. 59-60.

quodammodo multatum, quam Iudicibus pro absolute numerasset.

QUASI EGO NON CONTENTUS SIM QUOD MIHI QUINQUE ET XX. IUDICES CREDIDERUNT. QUI SEQUESTRES ABS TE LOCUPLETES ACCEPERINT ... et relium.

Notemus verborum medietates elegantissime ab Oratore suspendi (1). Nam cum præferret Clodius victoriam iudicii quod liberatus sententiis pluribus videretur, ait Tullius ad confirmandum testimonii sui religionem, XX. et quinque sibi Iudices credidisse, illos videlicet qui eum damnaverant. Sed etiam illos, qui pro reo sententiam dixerint, ipsi Clodio nihil credidisse, quando ab Senatu auxilium petierint, et apud sequestres idoneos illam deponi pecuniam voluerint, ne frustrarentur ea spe, quam, reo paciscente, præsumserant (2). Et has ergo sententias, quæ videbantur Clodio aliquid honestatis acquirere, in vituperationem convertit, ut pars Iudicum damnarit incestum, pars vero privatum lucrum præposuerit religioni. Et hic subest, postulasse Iudices ab senatu præsidium, non ut fortiter et libere iudicarent, sed ne illam sibi pecuniam reus absolutus eriperet (3).

(1) Recole similem locutionem superius p. 16.

(2) Confirmat hoc Tullius 1. ad Attic. Epist. xvi. ubi ait :
 » Clodium in tribubus pronuntiare nummos solitum esse, et
 » non dare ».

(3) Confirmat Cicero de Harusp. Resp. xvii. » Suspicio
 » de tuorum Iudicum manifesto periurio dicitur quibus olim
 » erepti essent nummi, nisi a senatu præsidium postulassent ».

DIVORTIUM PONTIFICIS MAXIMI.

Præferuntur (1) argumenta, quibus incestum .P. Clodii potuerit facillime probari, nisi pecunia interoessisset. Nam .C. Caesar Pontifex diebus illis repudiarat uxorem. Feminae quoque, quæ illi sacrificio interfuerant, de interventu virili testimonium dixerant. Servi etiam, cum peterentur in quæstionem, alienati fuerant, et in diversas provincias ab Domino missi. Quinque etenim servi, in quos maxime suspicio congruebat, partim missi sunt ad Appium Claudium, qui Frater eiusdem .P. (2) Clodii fuerat, et in Græcia tunc agebat; partim ad vilicum Diogenem nomine, qui trans Alpes morabatur. Nec non etiam ancillæ in tormenta sunt postulatae, quæ propiores (3) ministerio fuerant Pompeiæ uxoris Cæsaris, quarum fuit e numero Hibera (4) quædam nomine, cuius in cellam .P. Clodius confugisse arguebatur. De stupro autem scelerato quod ait, illud videtur incestum significare, cuius infamia circa Sororem Clodiam pervolgabatur (5).

(1) Codex ita præferuntur, sed forte melius diceretur præferuntur.

(2) Codex pro .P. habet de.

(3) Codex propiores, quod, si placet, retineatur.

(4) Plutarchus in Cicer. vocat Αὔρα, quod forte hic addendum, nempe » Hibera quædam nomine Aura s. Nisi hic forte Hibera sit nomen proprium, non gentile.

(5) De Clodii turpi consuetudine cum Sorore tam saepe loquitur Cicero in Orationibus, ut locos laudare supervacuum sit.

QUATTUOR (1) TIBI SENTENTIAS SOLAS AD
PERNICIEM DEFUISSE.

Nequam habeat Clodius absolutus innocentiae dignitatem, facta comparatione numeri, ostendit prope eandem proportionem fuisse, quae damnavit incestum: nec illi integritas sua, sed cuiusdam perexigui numeri felicitas patrocinata sit.

NAM .L. QUIDEM COTTA.

Hic fuit auctor iudiciariae legis Aureliae, qua senatoribus abrogata est summa potestas iudicandi, et communicata cum tribunis (2) aëriis, ita ut in iudiciis esset minor numerus senatorum.

UT POSTHAC LEGE AURELIA IUDEX ESSE NON
POSSIT. (3)

(1) Quoniam Clodium Iudices xxv. damnaverant, xxvi. absolverant, petet eorum summam fuisse lvi. cuius dimidium xxviii. Quum igitur xxv. damnaverint, quattuor defuerunt sententiae ad excedendum dimidium partis adversae, nempe ad xxix: quae si edfuissent, Clodii damnatio et perniciēs esset secuta.

(2) Cod. *romanis* sed omnino corrigendum fuit *tribunis*. Nam Asconius ait ad *Divinat.* p. 19-20. » Aurelius Cotta legem fert, ut Senatores et Equites romani, ac Tribuni » aërii simul iudicent ». Et ad *Orat. pro Cornel.* p. 140. » Aurelia lege communicata iudicia inter Senatores et eques- » trem Ordinem, et Tribunos aërios ». Idem dixerat ad eandem Orationem p. 130. qua pagina etiam scribit Asconius: *Hic est Cotta de quo iam saepe diximus.* Item vero de eo dicitur etiam in hoc Commentario, quem nos esse Asconii autumamus.

(3) Tullius hic, et Interpres in fine commentarii dicere videntur, Iudices Clodianos, si pecunia date spoliarentur, iam non posse esse Iudices lege Aurelia, quia censu omni careant. Certe idem Tullius, ad Attic. xvi. eos inopia causa deridet: » Non enim unquam turpius in ludo talaris consensus fuit, » maculosi senatores, tribuni non tam aëti, quam, ut appei-

Pæne quidem verisimile non est, quod præsetulisse .P. Clodium dicit, pecuniam se recepturum qua sententias emerat eorum, qui se crimine liberassent. Quid enim esset hoc stultius, cum semetipsum hac prædicatione damnandum fuisse confiteretur, nisi Iudices corrupisset? Sed non abhorret a fide hoc dixisse Clodium eo tamen proposito, quo significaret innocentem se principum vi et inimicorum potentia laborasse: et ea propter pecuniam dedisse Iudicibus, ut quoquomodo illorum manibus eriperetur, qui se opprimi vellent. Id ergo hic negat Tullius (1), Iudices illos pecuniam quam acceperint reddituros, ne postea in numero Iudicum lege Aurelia esse non possint. Sive quod se, pecuniam reddendo, faterentur esse corruptos; sive quod amissis trecentis vel quadringenis millibus quæ a reo acceperant, in egestatem revolverentur ac propterea in Iudicum

Cetera desiderantur.

• Iantur, ærarii &c. Et quidem Pompeius secundo Consolato legem promulgavit, ut ex amplissimo censu et centuriis lecti Iudices, æque tamen ex iisdem tribus ordinibus (senatorio, equestri, plebeo) Iudicaret. V. Antonium Augustinum de Legib. in *Aurelia Iudiciaria*.

(1) Codex • Id ergo hic negat Iudices illos Tullius pecuniam etc. &

ORATIONIS TULLIANÆ
ANTEHAC PRORSUS INCOGNITÆ NEDUM INEDITÆ
DE ÆRE ALIENO MILONIS
PARTES ALIQUOT
CUM ANTIQUO COMMENTARIO
ITEM INEDITO
QUI VIDETUR ASCONII PEDIANI

EDITORIS MONITUM

*Orationis Tullianæ de ære alieno Milonis non modo nullæ reliquæ ad hanc usque diem cognitæ erant, sed ne memoria quidem supererat. Tantum ex Argumento Asconii ad editam Milonianam constat, Milonem ingentes largitiones fecisse ut consulatum consequeretur. » Dum Milo quam primum
» Comitia confici vellet, conficeretque cum bono-
» rum studiis, qui obsistebant Clodio, tum etiam
» populi, propter effusas largitiones, impensas
» quoque ludorum scenicorum, ac gladiatorii mu-
» neris maximas, in quas tria patrimonia effu-
» disse eum Cicero significat ». Item Milonis dam-
nati et exulis, scribit Asconius ad Orat. pro Mil.
p. 205 bona venisse semuncia propter alieni æris
magnitudinem. V. quoque Cic. II. ad Attic. Epist. 7.
Milonis magnificentiam munerum liberalitatemque
naturæ narrat Cicero etiam II. ad Famil. Epist. 71.
et Lib. II. de off. XVII. Quare haud dubium, quin,
quum consulatum peteret, ingenti ære alieno Milo
premeretur. Ceterum occasio et materia Orationis
de ære alieno Milonis diserte explicantur in Ar-
gumento, quod ei noster Interpres præponit. Nos
igitur huius Orationis Argumentum, et Comimen-
tarium in eandem, licet sæpe mutilum, cum in-
terspersis Ciceronis Particulis, nunc primum edimus.
Patet autem ex ipso Argumento quo anno dicta
sit hæc Causa, nempe anno U. C. DCCII. quo item
anno et Clodius deinceps occisus est, et scripta
etiam ea defensio Milonis interfectoris quæ in Edi-
tionibus extat,*

INCIPIT DE AERE ALIENO MILONIS FELICITER

ARGUMENTUM

In eundem annum. Consulatum petierunt Annulus Milo, et (1) .Q. Metellus Scipio, et Hypsæus. Quo anno etiam .P. Clodius Pulcher inimicus eius in præturæ candidam venerat (2). Idem cum petitioni Milonis adversaretur, et comitia multo et vario ambitus genere turbaret, quo magis Hypsæus et Scipio consules designarentur, Milo autem repulsam ferret; per hos dies senatus convocatus est: apud quem .P. Clodius (3) invectionem sibi non tantum contra Milonem verum etiam contra ipsum .M. Tullium contumeliosam atque asperam depoposcit, ut ambitum moveri ab eo diceret, quoniam multis erga remp. meritis prævaleret. Vim moliri etiam per armatos homines crimineretur.

(1) Desunt prima Argumenti verba in Codice, relicto spatio. Hæc nos supplevimus ex Argumento Asconii ad Milonianam, ubi eadem narratur consularis petitio.

(2) Confirmat Asconius in supradicto Argumento ad Milonianam: « In eundem annum Consulatum Milo, Clodius Præturam petebat: quam debilem futuram Consule Milone in- » telligebat ».

(3) P. Clodius videtur aliqua eloquentiæ laude floruisse, Nam (præter eius Conciones hic et in Orat. superiore » nobis edita, et in Commentario quem nos item nunc edimus ad Orat. pro Plancio n. 77. commemoratas) narrat Asconius ad Orat. in Toga Candida p. 145. ab eo adolescente accusatum Catilinam. Tum Velleius Paternulus Lib. II. cap. 45. scribit: » P. Clodius, homo nobilis, disertus, audax, quique dicendi » neque facendi nullum nisi quem vellet, novet modum ».

Ad extremum longe minus quam haberet æris alieni esse professum. Nam sestertium sexagies (1) in ære alieno se habere professus Milo secundum veterem consuetudinem fuerat. Cum igitur obnixè contenderet Clodius non oportere qui magno ære alieno defæneratus prædæ videretur habiturus esse remp., contradixit eius insectationi M. Cicero, qui familiaritate præcipua Milonem diligebat ob id maxime meritum, quod restitutionem suæ dignitatis ab eodem tribuno plebis meminerat adiutam. Quanto (2) autem odio habuerit .P. Clodium iam compertum est ex orationibus illius plurimis, quibus eius vitam moresque dilacerat (3). Ex iurgio itaque quod inter se moverant oratio ista composita est, cuius inscriptionis titulum, priusquam commentari adgrediar, explanandum puto: non ab re existimans futurum nostris lectoribus, si orationis titulum non indocte perspexerint. Quippe inscribitur INTERROGATIO DE ÆRE ALIENO MILONIS. Interrogationis autem non una species erat, sed varia: ut alia significaret accusationis denunciationem, qualis illa præscriptio est orationis eius, qua usus fuit in eum .P. Clodius *cum* legibus interrogasset. Legibus enim

(1) *Sestertium sexagies*, valet libras gallicas 1,200,000 nempe aureos venetos circiter 100,000. Vide Romé de l'Isle *Métrologie* p. 147.

(2) Ita Codex *quanto*.

(3) Vide superiorem Orationem in Clodium et Curionem a nobis editam: tum *pro Domo sua*, *de Haruspicio Resp.*, *pro Mil.* In aliis etiam sæpe hunc suum inimicum carpit Cicero,

sic interrogabatur inquirente accusatore an omnia secundum legum præscripta gesserit is, cui crimen intendebatur (1). Erat alia præterea interrogatio testium, sicut ipse .M. Tullius .P. Vatinius testem interrogavit. Proprio namque interrogatio dicebatur, qua testes redarguebantur. Tertia hæc est interrogandi species, ut Sinnio Capitoni (2) videtur, pertinens ad officium et consuetudinem senatoriam. Quando enim aliquis sententiam loco suo iam dixerat, et alius postea interrogatus quædam videbatur ita locutus, ut refutari (3) posse iustissime viderentur, postulabat ille qui iam sententiam dixerat, ut sibi liceret interrogare, hoc est illum redarguere, cuius sententia in multis quasi mendax et calumniosa redargui posset. Quoniam ergo dixerat Clodius et minus professum æris alieni Milonem

ORATIO.

..... ADVERSARIUM.

Nunc ad aliud transit: an Milo per vim facere conetur. Et hoc similiter refutavit, ut omnis ista suspicio et invidia in Clodium retorqueatur. Ita enim *argumenta* excurrent,

(1) Confer hunc locum cum Asconio ad 1. Act. in Verr. p. 44. et ad Lib. 11. in eundem Verr. p. 113.

(2) Sinius Capito sæpissime in re grammatica citatur apud Festum. Eius Epistolas laudat Gellius Lib. v. cap. xx. et xxi. Et quidem cap. xxi. dicit de eo: « Siniis Capitonis doctissimi viri Epistolæ sunt uno in libro multæ, opinor, posite in templo Pacis ».

(3) Cod. *refutare*.

quibus et Milonem purget et adversarium prægravel.

ECIENDUS EST EX URBE CIVIS AUCTOR SALUTIS.

Copiosissima et vehemens executio, ut supra dixi, reum de vi constituens .P. Clodium, cuius res gestæ omnes nihil unquam tranquillitatis habuisse videantur, sed statim cœperit *ab adolescentia furere* (1). Exilii sui mentionem quam subtiliter et consulte, non specialiter nec nominatim, sed per hanc generalitatem intulit! Quoniam erat aliquid cum sua laude dicturus, eiciendus est, inquit, ex urbe civis auctor et custos salutis otii dignitatis fidei. Hæc quoniam *sibi honorifica* (2) erant, quasi de alio (3) loqueretur induxit, ne pro insolenti et iactantissimo haberetur.

INCLUDENDUS INTRA PARIETES.

Videtur et .Gn. Pompeio idem Clodius insidias paravisse (4). Itaque oratorie laudem subiecit hoc inferendo:

QUI POPULI .R. IMPERIUM NON TERRARUM REGIONIBUS, SED CÆLI PARTIBUS TERMINAVIT (5).

Hoc enim ita . . . superiectum est, ut et Pompeio blandiretur et Clodium quasi hostem publicum denotaret, qui virum tam necessarium reip., ipsi eripere conatus sit.

(1) Hæc videntur supplenda.

(2) Spatium in Codice, quod videbatur sic explendum.

(3) Cod. de aliquo.

(4) Id prorsus adfirmat Cicero *pro Mil. vii.*

(5) Idem dicitur de Pompeio in *iii. Catilinar. cap. x* » Fines vestri imperii non terræ, sed cæli regionibus terminaret ».

NEC VERO TUM TIMENDUM FUIT CUM CESSIMUS.

Bene elocutus est de exilio suo, quod maluit discessionem vocare quam pœnam. Et in aliis Orationibus (1) similiter coloravit, neque metu neque ulla conscientia criminum se maluisse discedere, sed præcavisse potius, ne ad arma per seditionem veniretur.

EOSDEM AD CÆDEM CIVIUM DE APPENNINO DEDUXISTI (2).

Quasi hæc omnia in Catilinam socium dicerentur, ita mentionem attulit Appennini, quem nuper ille (3) cum exercitu obtinuerat.

LAPIDIBUS DUO (4) CONSULES CÆCIDERUNT.

Gn. Domitium Calvinum et M. Valerium Messallam. Nec alia fuit causa cur senatus convocaretur, quam illa præcipua, quod P. Clodius inmissa seditiosorum manu comitia turbaverat, quæ habebantur de consulibus creandis, cum esset etiam Milo candidatus.

QUI MULTIS INSPECTANTIBUS KAPUT (5) FERIEBAS, FEMINA PLANGEBAS.

Gestum furiosi hominis . . .

. . . BER ANIMOSE CONFIDENS.

In Clodium convertitur, ut huiusmodi ob-

(1) Vide præsertim *pro Sextio* vii-xv. ubi de exilio suo, in quod sponte profectum se dicit, copiosissime agit Cicero. Vide etiam *pro Domo sua* xxxvi. *pro Mil.* xiv. *Paradox.* iv.

(2) Confirmat id de Clodio Cicero *pro Mil.* ix. et Servos et agrestes et barbaros ex Appennino deduxerat.

(3) Nempe Catilina, qui Roma eiectus, montes Hetruriae cum suis copiis occupavit. V. Sallust. *Bell. Catil.*

(4) Duo pro duos. Porro Clodium in comitiis, lapides incendiis carasse, testis est Cicero *pro Mil.* xv.

(5) Kaput pro Caput. V. Superius p. 12. N. 2. et præterea Martianum Capellam Lib. iii. cap. de mutis.

sequia humilitatis plenissima in eum verius et probabilius conferantur, qui abiecta omni dignitate ordinis sui Pompeium demissis precibus oraverit, ut ab eo in gratiam reciperetur (1).

NON PUDET? SED QUID PUDEAT HOMINEM NON MODO SINE PUDORE, VERUM OMNINO SINE ORE?

Multa cum acerbitate insurrexit, et impudentiam sive infamem turpitudinem sive deformitatem voltus volens exprobare (2), non tantum sine rubore verum etiam sine ore .P. Clodium dixit. Nam traditur forma inliberali is fuisse (3).

SIC ENIM HOMINES EGENTES ET TURBARUM CUPIDI LOQUEBANTUR: O VIRUM USUUM (4)!

Rumigerantium sermones rettulit, qui cum summum vigorem constantiae Clodio adscribissent, quod audacius Pompeio repugnaret; post, eundem humili satisfactione depositum contentui ducerent.

(1) Relapsus est, ut videtur, Cicero ad causam illam antiquiorem Clodianam de stupro in Operto Bonae Deae. Et quidem illud stuprum saepissime Clodio obiecit Cicero, ut iam notavimus ad Orationem superiorem in Monito. Ceterum haec Particula sine dubio pertinet ad Orationem *de aere alieno Milonis* nam tituli in margine Codicis id evidenter demonstrant.

Quod autem dicit Tullius a Clodio humiliter exoratum Pompeium, revocanda in memoriam est Epistola xiv. lib. 1. ad Atticum, ubi scribit Cicero, Pompeium in senatu sententiam dixisse, ut senatusconsultum de religione violatum esse. Tum addit: « Cum decerneretur frequenti senatu » (contra pugnante Pisone, ad pedes omnium singillatim accedente Clodio) ut consules populum cohortarentur ad rogationem accipiendam etc. « Sed enim de recentiore reconciliatione Clodii cum Pompeio loquitur Dio Lib. xxxix. 39. ad annum U. C. dcclxxxviii.

(2) Ita Cod. *exprobare*. Recole p. 19. N. 2.

(3) De Clodii deformitate vide Orat. in Clod. et Cur. p. 22.

(4) Cod. sic evidenter *usum*.

MALEDICERE AUTEM, IMMO VERO DOMO (1)
PRINCIPEM CIVEM VI ET METU CONTINERE.

... Sub eadem figura (2) verbum retraxit
per quamdam correctionem. Notissimum (3)
autem est .P. Clodium *insidiatum* esse Pom-
peio. Idipsum testificatur et in aliis quidem
retro habitis orationibus, et multo plenius ac
manifestius pro Milone (4).

UT QUAS HABERET IN VESTIBULO TABULAS
REFIGERET.

Post eiectionem Ciceronem, velut criminum
eius ellogia (5) perscriberat Clodius, et eas-
dem tabulas in vestibulo domus suæ fixe-
rat, de quibus nunc loqui videtur: easque
contendit, quoniam falsæ sint et calumniosæ,
pro nihilo esse ducendas, nec ullam sibi ex
iis invidiam re pertimescendam, qui et in se-
natusconsultum (6) nihil mentitus sit, et re-
stitutionem meruerit.

(1) Sic Cod. *domo* pro *domi*, ut Plautus Amph. 2. 2. 7.

(2) In Cod. sic: ... *in sub eadem figurat* ... relictis spatiis.

(3) Cod. *novissimum*: quod mendum pro *notissimum* oc-
currit mihi alibi quater aut quinques in hoc Commentario.

(4) Cap. VII. » Caruit foro postea Pompeius caruit senatu:
» caruit publico: ianua se ac parietibus, non iure legum iu-
» diciorumque textit ». Vide etiam Asconium p. 198.

(5) Cod. *et loca* pro *scriberat*.

(6) Cod. *senatusconsultus*. Porro censeo corrigendum » qui
» et senatusconsultum nullum mentitus sit ». Hoc patet ex
ipso Cicerone, qui in Orat. pro Domo sua XIX. refellens eam
legem qua proscriptus fuerat a Clodio, ait: » Quid, si iis ver-
» bis scripta est ista proscriptio, ut se ipsa dissolvat? est
» enim: Quod M. Tullius falsum senatusconsultum retulerit.
» Si igitur retulit falsum senatusconsultum, tum est rogatio:
» si non retulit, nulla est. Satis ne tibi videtur a senatu in-
» dictum, me non modo non mentitum esse auctoritatem
» eius ordinis, sed etiam unum post urbem conditam dili-
» gentissime senatui paruisse?

ETENIM TRIA, UT OPINOR, HÆC IN MILONIS PERSONAM QUESTUS ES, DE AERE ALIENO, DE VI, DE AMBITU (1). DUO PRÆTERISTI: NIHIL DE RELIGIONIBUS VIOLATIS, NIHIL DE INCESTUS STUPRIS QUESTUS ES.

Facta supra *divisione* (2) per eas species, quibus insectatus Milonem Clodius fuerat, subdit Orator etiam duo hæc posteriora, sive in ipsum procul dubio adversarium con . . .
... lium nomina.

EST ENIM QUOCUMQUE VENIT ET REORUM CRIMEN ET IUDICUM.

Quod pertinet ad reos, illud est: inutiliter loquens adfert illis periculum damnationis. Quod autem refertur ad iudices, hic intelligere (3) debemus magnam illis invidiam simul et infamiam comparari ab litigatoribus, si corrupti pecunia existimarentur. Quoniam hoc falso iactaverit Clodius pretium sententiarum iudicibus essetribuendum, cum tamen eandem pecuniam ipse intercepturus acciperet (4).

TUAM QUÆ . . . NON TU OMNE DIFFERAS.

Hoc in narratione Milonianæ defensionis (5) plenius ostendit, Clodium petitem fuisse præturæ. Cumque animadverteret comitia non sic

(1) Revera et ipse Pompeius post necem Clodii factus consul, statim Milonis causa duas leges promulgavit *de vi*, et *de ambitu*. V. Asconium in Argumento Milonianæ p. 187. Et de his capitibus Milo accusatus est. V. p. 190. eiusdem Asconii.

(2) Cod. *Facto supra . . . per eas etc . . .* spatio interiecto.

(3) Sic Cod. *pro intelligere* V. ad Orat. pro Tullio p. 25. N. 1.

(4) Etiam hic resculpit Cicero illam corruptionem iudicum in *Causa de stupro*. Et recole omnino extremum Fragmentum *Orationis in P. Clodium et Curionem* cum eius Commentario.

(5) Cap. 12.

procedere, ut Kal. Ianuariis posset inire præturam, maluisse desinere a petitione. Hoc ergo Tullius arripuit, omnibus esse miraculo, quod non differat etiam præsentī anno petitionem, quod iam semel fecerit. Solebant autem impediri comitia per dissensionem Magistratum.

NEC SUFFRAGIA DABIS QUIBUS OSTENTAS.

Comminatur et (1) denuntiat se actionibus eius adversarium futurum nec in . . . onem cum Pompeio discessurum. Laturus autem de suffragio libertinorum .P. Clodius legem videbatur (2), ut et istorum in censum (3) æqualiter perveniret. Nec vero illa . . . libertate . . . cis me . . . oratione quæ habita est pro Milone, nuper *occiso Clodio*.

DE NOSTRORUM OMNIUM NON AUDEO TOTUM DICERE. VIDETE QUID EA VITII LEX HABITURA FUERIT, CUIUS PERICULOSA ETIAM REPREHENSIO EST (4).

(1) Codex » comminatur se et denuntiat actionibus eius etc. »

(2) Ait Asconius p. 203. ad Orat. pro Milone xxxii. *Invidabantur iam domi leges, quæ nos nostris servis addicerent.* » Significasse iam puto uos, fuisse inter leges P. Clodii, quas » ferre proposuerat, eam quoque qua libertini, qui non plus » quam in urbanis tribubus suffragium ferebant, possent in » rusticis quoque tribubus, quæ propriæ ingenuorum sunt, » ferre &c. Ego, ut sæpe dixi, me Asconii Commentarium invenisse autumo; et en locum in quo Asconius se ante significasse inquit eam legem, quam ferre Clodius proposuerat de libertinorum suffragio: significaverat enim, ut mihi plane persuadeo, in Commentario ad hanc Orationem de *Re aliena Milonis*, quæ tum materia, tum tempore proxime præcedit Orationem olim editam pro Milone.

(3) Dubiæ lectionis in Codice sunt ea verba, quibus puncta subscribimus.

(4) Semper lex de suffragio dando libertinis, ab optimatibus saltem, perniciosa existimata est. Primus eam tulit Appius

Opinio erat legem . . . prætura serum . . .
te . . .
. . . liarum.

QUIS NON MEMINERIT PUERITIAM TUAM?

Interrogatio asperitatis invidiæque plenissima; cum descriptione personæ qua mores eius inluminat, quem non magis timeri oporteat, quam despici tot vitiorum sæditatibus inquinatum. Cetera hic explananda non sunt, quæ satis in præcedentibus diximus.

ITERUM A PIRATIS REDEMPTUM (1). QUO ENIM NOMINE APPELLEM EOS, QUI TE PRETIO ACCEPTO LIBERAVERUNT?

Significat Iudices eos qui accepta pecunia reum de incesto absolverant Clodium, ut et ipsi piratæ turæ.

Claudius Censor anno U. C. cxxii. Tum antiquata est, tum vicissim relata. V. Sigonius *de antiq. iur. civ. rom.* Lib. ii. cap. xiv. Tullius quoque eam hic vituperat.

(1) Narrat Dio Lib. xxxv. 17. P. Clodium in bello piratico, cum præfectus esset classi in Cilicia a Marcio eius sororis viro, captum a piratis fuisse. V. eundem Dionem Lib. quoque xxxviii. 30. Eam captivitatem Clodio obicit Tullius etiam in *Orat. de Harusp. Resp.* xx. 42. quo in loco, prorsus ut hic, ab eius pueritiæ vitiis ad hanc probrosam captivitatem progreditur. » Qui post patris mortem primam illam ætatem suam ad scuriarum locupletum libidines detulit: quorum intemperantiâ expletâ, in domesticis est germanitatis » stupris volutatus: deinde iam robustus provinciæ se ac rei » militari dedit, atque ibi piratarum contumelias perpesus. » etiam Cilicum libidines Barbarorumque satiavit. » Iterum ei Tullius captivitatem eandem exprobat 1. ad Attic. xvi. » Narra, inquam, patrono tuo, qui Arpinates aquas concupivit: nostri enim marinas. » Quo extremo orationis membro Clodio marinam calamitatem exprobat.

NISI VERO LINIAMENTA HOMINIS ET NOMEN (1) FIGURIS POSITUM, NON NATURIS PUTAS.

Definiti hominis proprietatem non liniamentis corporum, sed animorum qualitatibus æstimandam.

TUM HÆVISTI QUASDAM FORMIDINES, QUÆ (2) QUASI CORNUA QUÆDAM EXCIDERUNT IMPLETA (3).

... quæ .P. Clodio ad feræ alicuius belluæ similitudinem adscripsit (4). Etiam hoc in exitu posuit cornua illi, quæ habuisse quondam videbatur, nunc esse dilapsa: ut nimirum sensus ille sit, magis iam contemni Clodium quam timeri.

NON ENIM VIDERUNT, QUOS IPSI EXTURBARANT, EOS IN CIVITATEM RESTITUTOS (5).

.C. Gracchi et Saturnini exempla intulerat, quorum alter in Adventino (6) interfectus est, alter Capitolio deductus cum Glaucia prætore iugulatus. Post quorum necem restitutos in civitatem significat .P. Popilius qui Graccho cesserat, et .Q. Metellum Numidicum, qui ut

(1) Codex » hominis nomen et figuris ».

(2) Supplevi quæ.

(3) An hæc similitudo petitur a luna, cuius cornua tum decidunt, cum ea plena sit? Sed enim noster Interpres similitudinem probabilius refert ad feram.

(4) Codex » Quæ P. Clodium ad fere alicuius belluæ similitudinem adscripsi ».

(5) Hunc locum Ciceronis, cuius tantum particulam servavit noster Interpres, puto fuisse simillimum loco de *Harusp. Resp.* xx. 41, ubi item sermo est de Gracchis et Saturnino: et is locus ibi consequitur proxime alium locum similem item fragmento, quod mox exhibuimus p. 40. de Clodio a piratis capto.

(6) Codex in *Advento*.

violentiam .L. Apulei subterfugeret, exolaverat. Gloriatur ergo suo nomine, quod vivente inimico suo Clodio restitutus sit.

QUI ARMIS CESSISSEM VEL TUIS URBANIS (1),
VEL, UT OPINIO TUM ERAT, ALIENIS (2).

Acerbitas est qua... invidiam... iamdiu... Milo...

infirmior fides reconciliatæ gratiæ. Sed hic oratorie valde, nequis existimaret quasi bonum virum (3) iudicatum a Pompeio *eum*, cum quo exercere desierit similitates (4); invigilavit Tullius, ut eum virum cautissimum diceret, qui non magis de fide Clodii et innocentia, quæ nulla sit, quam de providentia habeat securitatem vitæ, cum eius insidiis decipi possit.

Explicit Oratio (5).

(1) Codex videtur habere *utmonis*.

(2) Forte Cæsarem indicat Tullius, qui, ut narrat Plutarchus in *Cicer.*, Clodium adiuvit ad Ciceronem expellendum.

(3) Codex *z* quasi bono viro iudicasse Pompeium cum quo etc. *z*

(4) Acta est hæc causa de *Ære alieno Milonis*, ut dixi, eo ipso anno quo Clodius deinde occisus est. Iam vero Pompeium eo tempore non prorsus fuisse animo alieno a Clodio, patet ex Asconii Argumento *Miloniæ* præposito, ubi dicitur Cicero potuisse offensionem inimicæ multitudinis declinare, redimere etiam Gn. Pompeii animum, si paululum ex studio defendendi Milonis remisisset. Et Pompeius ne olim quidem adversus Clodium adjuverat Ciceronem, quum hunc ille tribunus in exilium compelleret. V. Plutarchum in *Cicer.* Immo Pompeius Clodio olim faverat V. 1. ad *Famil. epist.* ix. Et recole superius p. 35 extremam partem Notæ 1.

(5) Certum est hic explicere *Orationem de Ære alieno Milonis*. Nam in eadem *Columna* subiunguntur verba: *Pro A. Licinio incipit feliciter. Nempe pro Archia.*

**ORATIONIS TULLIANÆ
DE REGE ALEXANDRINO**

PARTES INEDITÆ

CUM ANTIQUO COMMENTARIO

ITEM INEDITO

QUI VIDETUR ASCONII PEDIANI

*Ptolemæus Auletes Ægypti rex, quum sibi timeret a suis, Romam aufugit, ibique effusis largitionibus agere cœpit, ut sub Imperii romani tutela in regnum reduceretur. De re actum est in Senatu, ibique etiam Cicero sententiam dixit, ut ex Epistolis pluribus (in Lib. I. ad Famil.) ad Lentulum Ciliciæ Proconsulem cognoscere licet. Lentulo enim Cicero in Senatu contendeat, ut Ptolemæi regis reductio decerneretur: quod patet etiam ex Epist. II. Lib. II. ad Q. Fratrem. Idque prorsus videtur fuisse argumentum huius Orationis Tullianæ de Rege Alexandrino: cuius apud Aquilam voc. Antisagoge, et Capellam cap. de Sententiarum Figuris, unica et brevis hæc Particula extabat: **DIFFICILIS RATIO BELL GERENDI; AT PLENA FIDEI, PLENA PIETATIS.** Et quidem Aquila et Capella dicunt hanc Orationem de Rege Ptolemæo. At Fortunatianus, qui bis eam nominat in Partitione et in Hypophoris, de Rege Alexandrino nuncupat, ut et noster Codex Ambrosianus. Nos plures huius Orationis ineditas Particulas, mutilo Commentario item inedito infusas, in lucem producimus. Constat autem ex Dione Lib. XXXIX. 12. et ex Ciceronis Epist. I. Lib. I. ad Famil., hanc Causam Alexandrinam actam esse anno U. C. DCLXXXV. C. Cornelio Lentulo Marcellino et L. Marcio Philippo Coss.: ad quam bene cognoscendam multum intererit, conferre eiusdem Tullii Orationem pro Rabirio Postumo.*

ORATIO

DE REGE ALEXANDRINO

... privatis erubescendum.

UT RAPIAT, UT LATROCINETUR.

Vehementibus et invidiosis verbis utitur. Non dixit, ut exposcat hereditatem, ut sibi vindicet; sed quo vel maxime pudor consterneretur audientium, ut rapiat. inquit, et latrocinetur. Quæ sine dubio non iuris verba sed sceleris, ab huiusmodi cupiditate deterreant.

SI HERCLE IN NOSTRIS REBUS TAM AD RES, TAM AD PECUNIAS (1) ADTENTI, TAM AVARI SOLEREMUS ESSE.

Dicere quidem generaliter videtur, etiamsi in privatis pecuniis avari homines essent, in publicis tamen disceptationibus non oportere tantam cupiditatem pecuniæ profiteri. Sed procul dubio nihil aliud (2) agit, quam ut .M. Crassi mores denotet, de quo præter historiam (3) præterque exitum mortis eius, in

(1) Cod. * Tam ad res, ad pecunias tam adtenti, tam avari etc. s. Porro notissimum est quantam vim pecuniæ profunderit Romæ Ptolemæus, ut sibi senatum conciliaret.

(2) Cod. *alut.* Recole ad Orat. in *Clod. et Curion.* p. 17. n. 3.

(3) Confer Plutarchum in *Crasso*, Appianum *de bello Parth.* Dionem Lib. xi. 12. Quamvis hæc cunctæ historiæ posteriores sunt Commentario, quem modo nos edimus, siquidem is est Asconii. Et Crassum quidem de Causa Ptolemæi dixisse in senatu sententiam, patet ex Ciceronis 1. ad Famil. Epist. 2. * Crassus tres legatos decernit s.

quam (1) praeceps quodammodo ruit, cum ad diripiendas Parthiae urbes opulentissimas Euphratem (2) transisset; etiam ipse Tullius auctor est libro tertio de Officiis (3), cuius verba inferam, quo magis quid de moribus eius iudicarit, appareat. Sic enim mihi textum recorder. « Itaque si vir bonus habeat hanc vim
 « ut si digitos concrepuerit, possit in locuple-
 « tum testamenta nomen eius inrepere, hac vi
 « non utatur, ne si exploratum quidem habeat,
 « id omnino neminem umquam suspicaturum ». Deinde subicit: « At dares hanc vim M. Cras-
 « so, ut digitorum percussione heres (4) posset
 « scriptus esse, qui revera non esset heres, in
 « foro, mihi crede, saltaret ». Sed tamen (5), quae sunt nostra iudicia, temptaverat Crassus adseverare, non semel de hac Aegypti severitate (6), sed frequentissime praedictatum.

AC PRIMO QUIDEM ILLO TEMPORE, QUO PECUNIA REPETITA ESSE AB TYRO, ET (7) ADVECTA

(1) Cod. in qua.

(2) Ita sine adspirata. Vide dicta ad Orat. in Clod. et Curion. p. 11. n. 2.

(3) Cap. xix.

(4) Heres, hereditas vidi semper sine diphthongo in antiquis Codd.

(5) Puto haec verba Asconii potius, quam Ciceronis. Celestem Andreas Patricius ism nos monuit, saepe in Asconio male discerni Asconii verba a verbis Ciceronis. V. Edit. Lugd. Batav. Asconii anni 1675. p. 284. Vide idem monitum etiam in calce Edit. Paris. anni 1730.

(6) Foite in expellendo Rege.

(7) Cod. Aptirei sed, corruptissime. At hunc locum mirifice declarat ipse Tullius in Orat. ii. adversus Rullum xvi. ubi agit de regis Alexandri, qui mortuus est exul Tyri, testamento, quo Populum Romanum regni haeredem scripse-

ROMAM VIDEBATUR, SEPOSITA IAM NUPER AB ALEXA (1) REGE. OCCURRENDUM EST IGITUR UT HÆC REFUTENTUR ET IN IPSA PROPOSITIONE (2).

Insigniter factum est, quod his verbis ingredi cœperit, *quæ* debent esse modestissima.

QUONIAM QUIDEM EST HOC SUMMI IMPERII NOSMET IPSOS DE NOSTRIS REBUS IUDICARE (3).

Nam vult Orator intellegi, pene impudenter senatum de causa sua iudicare voluisse, cum sit naturale, ut unusquisque non possit æquitatem tueri, de lucro suo potissimum cogitans,

rati quod tamen regnum Romani, ne avidiores viderentur, Ptolemæo Anletæ permiserunt. » Video qui testamentum factum esse confirmet: auctoritatem Senatus extare hæreditatis aditæ sentio, tum, quando Alexandro mortuo legatos Tyrum misimus, qui ab illo pecuniam depositam nostris recuperarent. Hæc Lucium Philippum sæpe in Senatu confirmasse memoria teneo. Eum (*Ptolemæum Anletem*) qui regnum illud teneat hoc tempore, neque genere, neque regio animo esse, inter omnes fere video convenire. Dicitur contra nullum esse testamentum: non oportere Populum Romanum omnium regnorum appetentem videri &.

(1) Petavins de Doctr. Temp. Lib. x. cap. xlviii. x loquens de Fratre Ptolemæi Lathuri Alexandro, patre utriusque Alexandri, qui post Ptolemæum Lathurnum secundo regnantem regnaverunt, hæc ait: » Nonus ergo regnavit Alexander, quem Alexandrum Epiphanium, Chronicon Alex., Cedrenus, et alii nominant &. Quibus adde iam Ciceronem. Nisi forte Cicero hic vocat *Alexam* etiam Alexandrum iii. huius filium qui Tyri exul extractus est quem tamen in Agraria superius citata *Alexandrum* dicit.

(2) Puto huc usque esse verba Ciceronis, nam postea relinquitur spatium, tum incipit *Insigniter* etc. Ceterum libenter verba *et in ipsa propositione* transferrem in Commentarium sic: » Et in ipsa propositione insigniter factum est etc. Vide superius p. 46, n. 3.

(3) Nempe nunc testamentum Alexandri regis, quo Populum Romanum scripserat regni hæredem, ratum habendum sit, nec ne. Recole notam 7. pag. præc.

quod plerumque cogitatur (1) etiam cum improbitate deposcere.

QUI EX HEREDITATE TANTA UNUM SOLUM NOMEN (2) AGNOVERIMUS.

Cito rapuit pro se argumentum, iudicasse quodammodo

. . . . (3) ut bellum gerendum esse censeret, qui mentionem pecuniæ fecerat (4).

SIC EST IUSTA CAUSA BELLI, SICUTI CRASSUS COMMEMORAVIT CUM IUGURTHA FUISSE (5).

Notissimum est Micipsa rege Numidiæ mortuo, trifariam inter Atherbalem et Hiempsalem et Iugurtham regnum esse divisum, quos tamen duos ipse Iugurtha partim vi, partim vero insidiis interfecit. Hæc illi fuit causa præcipua bellum gerendi adversus Populum .R. Qui tamen post multos imperatores graviter adflictos, ad extremum .C. Mario imperatore superatus est.

NON PATIAR HANC EXAUDIRI VOCEM HUIUS IMPERII: EGO TE NISI DAS ALIQUID, HOSTEM;

(1) Forte corrigendum est *cogatur*.

(2) Nomen hoc loco est *caput rationum*. Dicit Cicero: ex hæreditate integri regni eam uosm pecuniam percepimus, quæ de thesauro Alexandri mortui Romam Tyro advecta est. Regnum quippe Romani permiserant Auletæ.

(3) Puto hic esse lacunam. Certe est initium alius folii.

(4) Suspicio hoc etiam dictum adversus Crassum avarissimum hominem. Certe is bellum quoque parthicum, una pecuniæ auiditate, invitis ipsis Romanis, nullam causam præbentibus. Barbaris, suscepit: ut luculeuter testatur Plutarchus, Appianus, et Dio.

(5) Recta Cicero in Causa regis Ptolemæi, qui largitionibus sententias senatorum emebat, meminuit et Iugurthæ qui idem olim fecerat, ut scribit Sallustius.

SIQUID DEDERIS, REGEM ET SOCIUM ET AMICUM
IUDICABO.

Ad tuendam rationem pudoris exsequitur non decere populum .R. has potestates regias nundinari, ut obiecta quadam senatui facie turpitudinis, id vel maxime faciendum esse persuadeat, quod sit congruens honestati.

CUM ILLE REX (1) SIT INTERFECTUS, HUNC PUERUM (2) IN SYRIA FUISSE.

Hæc sumuntur de locis coniecturalibus, qui sunt primi videlicet in huius status divisione a voluntate et facultate. Nam quod peritiam (3) facit meliorem voluntatis, est non potuisse Ptolemæum kapitalibus odiis dissidere, quem puerilis infirmitas ab huiusmodi obstinatione revocaret. Facultatis est autem quod ait in Syria fuisse, ut absens moram non habuerit illius interficiendi, quem dicebatur interemisse.

ATQUE ILLUD ETIAM CONSTARE VIDEO REGEM ILLUM CUM REGINAM SOROREM (4) SUAM,

(1) Alexander II. rex Ægypti, de quo Appianus Bell. civ. Lib. 1. p. 690.

(2) Ptolemæum, qui dictus est Aulates. Hunc autem puerum fuisse in Syria dicet statim etiam Interpres.

(3) Cod. *peritiam*.

(4) Alexander II. Ægypto rex datus a Sylla, statim duxit uxorem Berenicem, quod indicat et Appianus Bell. civ. Lib. 1. p. 690. Hæc erat eius soror patruelis, quia filia Ptolemæi Lathuri, teste Pausania in Attic. cap. ix. Ipse autem Alexander II. filius Alexandri I. fratris Lathuri. Hanc sororem et uxorem occidit Alexander II. ut hoc loco confirmat Cicero: et quidem recentem a nuptiis; nam ipse quoque Alexander decimo nono die, ex quo regnum eâ sibi copulatâ inierat, a populo Alexandrino concitato interemptus est. V. iterum Appianum loco paulo ante citato. Successit Alexander III. frater ut videtur Secundi, isque regnavit annis XVI. Tum pulsus regno

CARAM ACCEPTAMQUE POPULO MANIBUS SUISTRUCIDASSET, INTERFECTUM ESSE IMPETU MULTITUDINIS.

Congestis valde præparationibus fidem facit, ut hanc cædem a populo (1) magis Alexandrino factam probaret, non Ptolemæo iubente commissam. Notemus enim gradatim fieri argumenta, quæ prægravent suspicionem ad populares impetus pertinentem. Nam cœpit ad hunc modum » atque illud etiam constare video « ut de veritate non sit ambigendum, si constet apud omnes. Dein subdidit » cum reginam sororem suam « ut atrocitas parricidii, et multo maior in exitio reginæ omnibus fuerit horrore. Post hæc adiecit eandem « caram

Reliqua desiderantur.

ab Alexandrinis. Tyrum secessit, ubi condito testamento, quo Ægypti hæredem Populum Romanum faciebat, extinctus est. Interea nihilominus regnavit Alexandrinæ Ptolemæus Auletes, is qui deinde Romam profugit, et de quo scilicet habita est hæc Oratio Tulliana.

Alexandrum III. plerique Scriptores confundunt cum IV. Sed eos vide satis accurate distinctos apud Petavium de Doctr. Temp. Lib. X. cap. 4^a. Et quidem quum Appianus loco nuper laudato dicat Alexandrum regem Alexandri regis filium occisum die XIX. post initum regnum; constet autem aliunde Alexandrum, qui ultimus hoc nomine appellatus est, mortuum esse Tyri in exilio; restat ut ille occisus sit Alexander II., hic exol III.

(1) Cod. » A populo .R. magis Alexandrino » Sed .R. additum est mendose a librario, ex consuetudine scribendi de Populo Romano.

I N
ORATIONEM EDITAM TULLIANAM
PRO .A. LICINIO ARCHIA
COMMENTARIUS ANTIQUUS INEDITUS
QUI VIDETUR ASCONII PEDIANI

EDITORIS MONITUM

Ad Orationes Ciceronis pro Archia, pro Sylla, pro Plancio, et in Vatinius nulli extabant antiqui Commentarii. Nos integrum ad Primam Commentarium cum Argumento; ad Secundam et Tertiam mutilum quidem, sed satis spatiosum; ad Quartam denique mutilas et paucas, sed tamen aliquas Commentarii reliquias, felici Invento e tenebris eruimus.

PRO .A. LICINIO INCIPIT FELICITER

ARGUMENTUM

.A. *Licinius Archias* (1) se studiis poeticis deditit, et adprime, ut videbatur, excelluit in hoc genere litterarum. Amicitia igitur etiam viris inlustribus familiariter copulatus est, ut ipse .M. Tullius in Orationis huius narratione confirmat (2). Interim satis longo intervallo cum esset cum .L. Lucullo in Siciliam (3) profectus, et cum ex ea provincia cum eodem .L. Lucullo regrederetur, Heracleam venit, quæ tunc erat civitas fœderata, et adscriptus est in ordinem Heracliensium civis. Tunc Silvanus et Carbo Cos. legem tulerunt, ut omnes qui essent ex fœderatis populis civitatem romanam consequerentur: si modo illo tempore quo lex lata esset, domicilium in Italia haberent, et intra diem sexagesimum (4) professi apud prætorem fuissent. Quæ cum Licinio Archiæ ad ob-

(1) Spatium vacuum in Codice, quod replevi nominibus Poetæ.

(2) Quæ sequuntur in Codice ita sunt oblitterate, ut legi nequeant usque ad *duhctur*, quod nos fecimus *deretur*, ut fieri posset *regrederetur*. Reparavimus autem lacunam verbis ipsius Narrationis Tullianæ cap. iv. Neque multum amissimus in loci oblitteratione, quæ non plus spatii in Codice occupat, quam nos verbis Tullianis explavimus.

(3) Aut *Ciliciam*, ut alii malunt.

(4) Ita in Cod. *sexagesimum*.

tinendum ius civitatis romanæ argumenta deessent, quoniam neque tabulis Heracliensium probare poterat adscriptum se in ordinem civium; quippe tabularium Civitatis illius exarserat bello sociali, nec bona sua in censum detulerat; reus factus *est* lege Papia quæ lata fuerat ad eos coercendos, qui temere et illicite civitatem romanam usurpassent. Fit ergo quasi coniecturalis (1), an adscriptus sit in ordinem (2) Heracliensium, et an fecerit omnia quæ is facere debuerit, qui esset e numero fœderatorum. Et deficitur quidem multis probationibus; testimonio tamen Heracliensium, et vel maxime, quibus tota occupatur oratio, poeticæ facultatis et doctrinæ iucundissimæ gratia nititur. Est etiam, ommissa coniectura, disceptatio per ipsam qualitatem personæ, *ut* civis romanus debeat adoptari, etiamsi in præteritum non sit adscriptus (3).

ORATIO

Verburgii
Edit. in fol.
Amstelædami
1724. N. 3.

CUM RES AGITETUR (4) APUD PRÆTOREM
P.R. RECTISSIMUM VIRUM.

Hanc enim causam lege Papia de civitate romana apud Quintum Ciceronem dixit Archias huius M. Tulli fratrem (5). Quapro-

(1) Nisi *maius coniectura* sit, quod minus placet.

(2) Codex in eodem.

(3) Cod. *adsocius*.

(4) Codex *agitatur*.

(5) Hoc anno Urbis dcccii. (seu potius dccciii.), quo causa pro Archia perorata est, notavit ism Fabricius in Hist. Cicer. ex Epist. xii. Lib. 2. ad Attic. Quintum Ciceronem

ter (1) utitur *deprecatione*, ne minus civiliter loqui existimeretur, recedens videlicet aliquantum a forense genere dicendi. Quod ipsum ne pro inepto accipiat, iam præloquitur, a modo præsentis causæ non abhorre, et personæ vel maxime, pro qua dicendum esset, convenire.

HOC DENIQUE PRÆTORE EXERCENTE IUDICIUM. Edit. N. 4.

Non vacat quod mentionem facit Prætoris ipsius, id est Fratris sui .Q. Ciceronis, qui iudicio præerat. Opportunissimum quippe, ait, de laudibus poetæ boni apud eum dicere qui studiis huiusmodi delectetur. Fuit enim .Q. Tullius non solum epici, verum etiam tragici carminis scribtor (2).

ITAQUE HUNC ET TARENTINI ET RHEGINI ET NEAPOLITANI CIVITATE CÆTERISQUE PRÆMIIS DONARUNT.

N. 5.

Utiliter præparavit ad causam, iam pridem hunc Archiam poeticæ facilitatis gratia celebrem a plurimis Italiæ nobilissimis populis in numerum civium cooptatum. Quod nimirum argumento esse debeat, etiam Heracliensibus nuper adscriptum, robustiorem iam fama, et ingenti dignitate maiorem (3). Fuerunt autem

fuisse prætorem. Non iam ex nostro Interprete apparet, Marcum apud ipsum Fratrem prætorem hanc Orationem dixisse.

(1) Codex *Quia propter*.

(2) Q. Ciceronis extant versus epici viginti de *Signis celestibus*, quo quodque tempore illustre sit. Adde etiam, si placet, Epigramma de mulierum levitate, quod edi solet in calce Petronii, et a quibusdam Q. Ciceroni tribuitur. Sed et iam in nostro Commentario memoria etiam tragici Carminis eiusdem Auctoris.

(3) Cod. *maiore*, quod utique retinuissem, nisi Codex passim mendis laboraret. Memini enim quid Quintilianus de M finali a Veteribus subtracta scribat Lib. ix. cap. iv. » Et

urbes istæ de quibus loquitur a quibusdam Græcis (1) tribubus conditæ.

QUORUM ALTER RES AD SCRIBENDUM MAXIMAS, ALTER CUM RES GESTAS, TUM ETIAM STUDIUM ATQUE AURIS ADHIBERE POSSET.

.C. Marium Iugurthinum, qui ad consulatum septimum proventus est, non ignoramus a doctrinæ studiis alienum (2), et sola rei militaris scientia floruisse. Quintum vero Catulum non mediocriter litteris liberalibus informatum. Sed eleganter utique Archiam facere potuisse in hac parte narrationes ostendit, quia præstiterat .C. Marius eas res, quæ satis uberrimam materiam scribentibus darent. Catulus autem et rebus gerendis floruerat, et habilis auditor erat.

N. 6. ERAT TEMPORIBUS ILLIS IUCUNDUS .Q. METELLO ILLI NUMIDICO, QUI DE IUGURTHA TRIUMPHAVIT, ET EIUS PIO FILIO.

Hic Metellum *patrem in exilium pulsant pie luxit, ac pro eo revocando populum deprecatus est* (3).

AUDIEBATUR A .M. ÆMILIO.

.M. Æmilius Scaurus hac in parte significat et ipsum multæ eruditionis, ut historia de illo habet (4).

» illa Censorii Catonis: *Die' hanc*, M. littera in E mollita. quæ
» in veteribus libris reperta, mutare imperiti solent: et dum
» librariorum insectari volunt incertiam, suam confitentur a,

(1) Cod. *græcis*.

(2) Cod. *in doctrinæ studiis*. Sed Codex scetet mendis.

(3) V. Cicero. *de Orat.* II. cap. XI. *Post Red. ad Quir.* III. in *Sen.* xv.

(4) Codex *De illis haberet*. Porro ait Cicero in *Bruto* XXIX.
» Huius (Scauri) et Orationes sunt, et tres ad L. Fufidium

CUM QUINTO CATULO PATRE ET FILIO.

Ambo Cinnæ et Syllæ bello civili impliciti sunt (1).

A. L. CRASSO COLEBATUR.

Ea ætate hic etiam cum maxime in studiis eloquentiæ floruit (2).

LUCULLOS VERO.

Significat *Marcum* et *Lucium*, quorum *alter iudiciis exercendis, alter bello Mithridatico illustris fuit* (3).

ET DRUSUM.

Significat *M. Livium Drusum Tribunum pl.* « qui cum senatus partes tuendas suscepisset, postea eo licentiæ est progressus, ut « nullum in iis modum servaret (4) ».

* libri scripti de vita ipsius acta, sane utiles, quos nemo legit *. Obiter etiam moneo exstitisse librum logistoricum Varronis inscriptum *Seaurus*. V. Fabricii Bibliothecam lat. in *Varrone*.

(1) Q. Catulus pater princeps fuit Syllanæ factionis, ut ait Asconius ad 1. in Verr. p. 108. Mario iubente ipse se vita privavit. V. Appianum Lib. 2. Bell. civ. p. 663. Locus in Codice obliteratus sic habet * Ambo Cinnæ minati Q . . . » sunt *.

Q. Catulus filius Lepidum acta Syllæ rescindere conantem, bellumque patriæ inferentem, armis repulit. V. Livii Epitomen xc. et Appianum Bell. civ. Lib. 1 p. 695. De hoc Sallustius in Oratione Macri ait: * Sulla mortuo, qui scelestum * imposuerat servitium, finem mali credebatis. Ortus est longe * sævior Catulus *.

(2) De L. Crasso oratore plurima scribit Cicero in Libris *de Orat.* et in *Bruto*.

(3) De Marco V. Fragmenta Orationis Ciceronis *pro Tullio* a nobis nuper edita p. 25. De Licio Plutarchum in *Lucullo*. Codicis locus obliteratus sic habet: * Significat * (suppl. *Marcum*) et *Lucium* quorum . . . dem . . . Antonia . . . » ri . . . da . . . arant *.

(4) Explevimus lacunam ex Asconio ad Orat. pro Cornel. p. 131. quoniam locus in Codice integer legi nequit. Sic enim so habet: * Nobilis . . . Drusi exi . . . senatus . . . qui postea . . . » ta do . . . est *.

ET OCTAVIOS.

Alter est .Gn. Octavius Octavi filius, quem post bellum civile nuper Collegam suum .L. Cinna victor occidit (1) *Alter vero .Gn. Octavius .M. Octavio* patre qui consulatum cum Scribonio Curione gessit.

ET CATONEM ET TOTAM HORTENSORIUM DOMUM.

Patrem Catonis significat eius, qui se post civile bellum Uticæ interfecit. .L. Hortensio (2) autem *filius fuit .Q. Hortensius* qui temporibus .M. Tulli, quamvis ætate provector, non (3) tamen famosior, oratoris nomen obtinuit. Densitas igitur hæc exemplorum, quæ ad personas nobiles refertur, multum præsentī negotio patrocinator, ut Archias tot Amicis et tam illustribus nixus perquam facile ad honorem civitatis romanæ potuerit pervenire.

EGIT N. 1. HIC TU TABULAS DESIDERES (4) HERACLIENSIVM, QUAS INTERISSE SCIMUS OMNES.

Id quod derivat in aliam causam, qua effectum sit ne exhiberi veræ possent, id est propter incendium, quod evenerat bello sociali.

N. 2. GABINII QUAMDIU INCOLUMIS FUIT.

Aulus Gabinus damnatus fuerat de pecuniis repetundis, quod acceptis decem millibus

(1) Idem narrat Asconius ad Orat. pro Scauro p. 174.

(2) Cod. Sic: *Hortensio . . . autem Q. Hortensius* etc. relicto spatio. Sed supplendum fuit, ut fecimus. Patrem autem Oratoris fuisse Lucium testatur Cicero III. in Verrem. XVI.

(3) *ro non*, abest a Codice, sed videtur supplendum Nam Tullius revera, quamvis iunior, Hortensio famosior evasit.

(4) Sic Cod. *desideres*.

talentum ab Rege Ptolemæo, duxisse romanum exercitum in Ægyptum diceretur.

CENSUS NOSTROS REQUIRIS.

Edit. N.

Etiam hoc argumento deficiebatur Archias: nec poterat is probare, cum cæteris civibus romanis aput præcedentium temporum censores bona sua professum. Et hoc coloratur absentiae adlectione (1), quod euni constet illis censoribus et Romæ non fuisse, ac propterea censum non detulisse.

CUM .L. LUCULLO APUD EXERCITUM FUISSE.

In Asia scilicet tempore belli Mithridatici.

ET TESTAMENTUM SÆPE FECIT NOSTRIS LEGIBUS.

A partibus ad totum. Rebus gestis quamplurimis Archiam signa edidisse Civis .R. quæ non poterat habere peregrinus.

QUANTUM DENIQUE ALEÆ QUANTUM PILÆ (2).

N. 13.

Sunt enim hæc, ut vulgo comperimus, genera ludorum.

QUIS ANIMO TAM AGRESTI ET DURO FUIT, UT ROSCI MORTE NON MOVERETUR?

N. 12.

Quintum Roscium Gallum dicit illis temporibus inlustrem comici operis auctorem, quem familiarissime Cicero dilexit, qui non ita (3) pridem vita excesserat.

(1) Codex sic *adlectione*, nec male.

(2) Pro hoc textu Codex habet: *Quia eloqui pila*, corruptissime.

(3) Cod. *qui non a pridem relicto spatiulo*. Visum est supplendum *ita*.

Edit. N. 20. ILLE MARIUS IDEM (1) EXIMIE .L. CLO-
DIUM (2) DILEXIT.

Hic primus Romæ studia latina docuit.

N. 22. ERGO ILLUM QUI HÆC FECERAT RUDINUM
HOMINEM.

Natione Rudinus fuit (3) Ennius, quem
superior Africanus dilectum familiarissime
etiam communicato sepulchri honore in Ma-
jorum suorum numerum redegit. Sepulchrum
fuisse traditum extra portam Capenam mille
fere passibus ab Urbe seiunctum (4).

N. 24. QUID NOSTER HIC MAGNUS?

De .Gn. Pompeio dici manifestum. Et op-
portune, quoniam supra mentionem fecerat
Macedonis Alexandri cui hoc idem cognomen-
tum fuit, de Pompeio dicturus adiecit » hic
» noster «.

(1) Forte corrigendum *item*, ut editiones habent.

(2) Codex aperto L. Clodium. Et quidem Clodius (sed
cum prænominis S. avius) recensetur a Svetonio inter claros
Grammaticos gener Lucii Ælii item Grammatici, qui Q. Me-
tellum Numidicum in exilium comitatus est Ergo Clodius ad
Mariana tempora pertinet. Clodius Licinius historicus circa
eadem tempora memoratur a Livio Lib. xxxix Clodius Histo-
ricus item a Servio et Plutarcho V. Vossium de Historic. lat.

Sed vulgata lectio Ciceronis habet L. Plotium aut Plautium.
Porro L. Plautium primom Romæ docuisse latine, se puero,
testator Cicero in *Fragm. Epist. ad Titinius*. Ergo quom
noster quoque Ioterpres idem dicat ad hunc locum, videtur
omnino legisse L. Plotium aut Plautium, non L. Clodium.
Et quidem noster Codex est mendosissimus.

(3) Codex *Ratione Rudinus fuitque*.

(4) Revera anno demum post Ch. N. mcccxxx. decimo
Kal. Iunias Ioannes Baptista Viscontius romanarum Antiqui-
tatum Curator, Scipionum sepulchrum in Vineæ Saxia detexit
non longe a vetere porta Capena. Consule *Diarium romanum*
Cracas eius temporis, et eiusdem Cl. Viscontii *Epistolam in*
Anthologię romanę Tomo vii. p. 377.

EPIGRAMMA IN EUM FECISSET TANTUMMODO Edit. N. 29.
ALTERNIS VERSIBUS.

Ab exemplo adiudicando, non sine differentia tamen personarum, hæc argumentatio impletur; L. Syllam præter ceteros Archiæ daturum civitatem romanam fuisse poetæ nobilissimo, quoniam malos plerosque existimaverit honorandos. Alternos igitur versus dicit elegiacos, metris scilicet dissentientibus varios. Primus autem videtur elegiacum carmen scribisse Kallinos (1). Adicit Aristoteles præterea hoc genus poetas Antimachum Colophonium (2), Archilochum Parium, Mimnermum Colophonium, quorum numero additur etiam Solon Atheniensium legum scribtor nobilissimus.

EX HIS REBUS QUAS VENDEBAT IUSSIT ENIM (3)
PRETIUM TRIBUI, SED EA CONDICIONE, NEQUID
POSTEA SCRIBERET.

Non potuit expressius vitia poetæ declarare, quam dicendo datum illi non præmium laudis, sed mercedem silentii.

(1) Cod. mendose *Alinos*. Emendavi autem *Kallinos* græca forma servata pro *Callinus*. Et quidem huius poetæ nomen scribi corruptum etiam apud Pausaniam et Nicandri Scholiastam, iam notavit Vossius *Inst. poetic.* Lib. III. cap. 9. De Callino autem Elegiacorum poetarum principe V. Procli Chrestomasthiam apud Photium Cod. 259. Item in Putschio Mar. Victorio. p. 2555. Tum p. 2420. Terentianum Marum, qui ita scribit:

Pentametrum dubitant quis primus finxerit Auctor.
Quidam non dubitant dicere Callinonum.

(2) Pro *Colophonium* V. ad Orat. in *Clod. et Cur.* p. 11. n. 2.

(3) Sic Cod. enim. Tum *prætium* cum diphtongo, quod et alibi sæpe vidi in antiquis Codd. nec non *præcor*, *præcor*, *deprehendo*.

EDIL. N. 26. ETIAM CORDUBÆ NATIS POETIS PINGUE QUID-
DAM SONANTIBUS.

De versiculis nec egregio cultu, nec amœna
varietate, nec eminentibus figuris carmen in-
structum.

N. 27. DECIMUS QUIDEM BRUTUS (1).

Hic Brutus Gallæcus fuit cognomento ob-
res in Hispania non minus strenue quam fe-
liciter gestas. . . Eius etiam nomini *dicatus* (2)
poetæ tragici extat liber, cuius (3) plurimos
versus, quos Saturnios (4) appellaverunt, vesti-
bulo templi Martis superscripsit Brutus.

HUNC AD PERFICIENDUM ADORAVI (5).

(1) Velleius Patere. Lib. II. cap. V. ait: « Ante tempus ex-
cisæ Numantini præclara in Hispania militia A. Bruti fuit: »
« qui, penetratis omnibus Hispaniæ gentibus, ingenti vi ho-
« minum urbiumque potitus numero, aditis quæ vix audita
« erant, Gallæci nomen meruit ». Porro pro *A. Bruti* legen-
dum esse *Decimi Bruti*, vehementer affirmant Paterculi in-
terpretes, quorum sententiam Codex etiam noster veram esse
demonstrat.

(2) Locum oblitteratum reparavi verbo *dicatus*.

(3) Cod. *qui*.

(4) Quinam sit versus Saturnius declarat Asconius ad Act. I.
in Verr. p. 54-55. « Antiquum Nævii est:

Fato Metelli Romæ fiunt Consules.

Cui tunc Metellus Consul iratus versu responderat senario
hypercatalecto, qui et Satornius dicitur:

Dabunt malum Metelli Nævio poetæ.

Horat. Lib. 2. Ep. 1. v. 157. « Sic horridus ille Defluxit au-
« merus Satornius ». Et Festus in *Saturno*: « Versus antiquis-
« simi, quibus Faunus fata cecinisse hominibus videtur, Sa-
« turnii appellantur ».

(5) Editiones habent *hortatus sum*. At noster Interpres le-
git *adoravi*, quod mira quadam explicatione declarat: nisi
forte locus in insigni aliquo mendo cubat. Ceterum Asconius
ad Lib. 1. in Verr. cap. XXVI. *POSCUNT MAIORIBUS* mire
item exponit « Sunt, qui producta scilicet O littera *poscunt*
« legunt, quasi *sæpe* *potant*. Sed *poscunt*, *provocant* intelli-
« gendum est ».

Hoc verbum adoravi significat cohortatus sum; adoravit autem orare et petere significat.

QUI VOS QUI VESTROS IMPERATORES, QUI Edit. N. 31.
.P.R. RES GESTAS SEMPER ORNAVIT.

Epilogus valde conveniens personæ Rei, quo devotionem Licinii Archiæ commendat in rebus romanis (1) omnesque ingenii vires occupatas.

Explicit Oratio.

(1) Cod. in rebus tram.



IN
ORATIONEM EDITAM TULLIANAM
PRO SYLLA
COMMENTARIUS ANTIQVUS INEDITVS
QVI VIDEIVR ASCONII PEDIANI
CVM INSERTO FRAGMENTO INEDITO ORATIONIS
.C. GRACCHI
DE LEGIBVS PROMVLCATIS



PRO SYLLA

.... videatur adsciscere, ait se non periculum Ad Verbur-
communicare sed laudem, nec ut plures peri-^{gii} Edit. N. 9.
clitentur, sed ut multi æqualiter glorientur.

IN AUTRONIUM TESTIMONIUM DIXISTI, IN- N. 10.
QUIT, SYLLAM DEFENDIS. Et relicum.

Acutissimum torquet prope ad vim dialecticorum, ut adversarii propositio utrinque conclusa teneatur. Dixisti, inquit, in Autronium testimonium, et quodammodo nunc deficiis a constantia tua, qui .P. Syllæ patrocinaris. Huic ita factæ propositioni (1) opponitur, ut animadvertis, acuta responsio. Si minus integre, inquit, testimonium dixi; nec defensionis meæ, quam nunc adgredior inesse debet auctoritas: si vero fides constitit mihi testimonium dicenti, cur non ab eadem fide etiam defensionis huius æquitas descendat? Et hic iam se animis Iudicum latenter insinuat, ut præsens defensio in testimonii vicem cedat.

VIDEOR ENIM IAM NON SOLUM STUDIUM AD DEFENDENDUM CAUSAS, VERUM ETIAM OPINIONIS ALIQUID ET AUCTORITATIS ADFERRE.

Cavet (2) valde ne odium quoddam nimis

(1) Codex » Huic ita facta propositione a.

(2) Spatium aut litteram Codicis opplevi verbo *cavet*.

huius adseverationis (1) incurrat. Facit enim periculum inpudentiæ, qui cum patronus sit, velit testis videri.

Edil. N. 11. DUÆ CONIURATIONES ABS TE, TORQUATE, CONSTITUUNTUR.

Coniuratio diversi generis infertur geminata propositione: et fila .M. Tullio consultissima et non incuriosis lectoribus admiranda discretio; ut solum tempus ipse defendat coniurationis eius, quæ se consule deprehensa sit. Illud vero superius Hortensio patrocinate fateatur dilucide peroratum. Ita nec fit ulla iactura defensionis, quod illud superius tempus omittat, quoniam defendit Hortensius. Et cum hoc sibi potissimum velut privatim et peculiariter vindicet ad diluendum, magis existimetur testimonio niti quam probatione, defendens ea scilicet quibus ipse consul interfuit.

N. 12. ERGO ISTIUS CONIURATIONIS CRIMEN DEFENSUM AB EO EST QUI INTERFUIT.

Non contentus sibi uni vindicare testis auctoritatem, etiam in illo præcedentis coniurationis tempore, quoniam se non potest, vel ipsum testem constituit Hortensium. Sic contra iniuriam temporis utriusque non defensiones duorum, sed testimonia videntur opponi.

NON MODO ANIMO NIHIL COMPERI, SED AD AURIS MEAS ISTIUS SUSPICIONIS FAMA NON PERVENIT.

Obnixè negando de illa superiore coniura-

(1) Codex *adseverationis*.

tione nihil se comperisse, hoc persuadere con-
ninitur, omnia sibi in consulatu suo fuisse
manifesta.

MULTA CUM ESSEM CONSUL DE SUMMIS REIP. Edit. N. 14.
PERICULIS AUDIVI, MULTA QUÆSIVI, MULTA
COGNOVI: NULLUS UMQUAM DE SYLLA NUNTIUS
AD ME, NULLUM INDICIUM, NULLÆ LITTERÆ
PERVENERUNT, NULLA SUSPICIO.

Hæc vero non patroni magis quam testis
oratio est. Quibus enim verbis, præterquam
his, uti posset qui testimonium rogaretur?
mire (1) *sibi optinens ut fides adhibeatur*,
quasi expectandum iam non sit ut probet,
quoniam credi debeat reip. conservatori.

SED EGO NONDUM UTOR HAC (2) VOCE AD
HUNC DEFENDENDUM.

Moderate et consulte facit, quo magis me-
reatur obtinere testis auctoritatem, quam sibi
ipse non vindicet.

QUÆ ENIM FUIT AUTRONII CAUSA? QUÆ N. 15.
SYLLÆ EST?

Dissimilitudinem duorum .P. Syllæ et Au-
tronii facta comparatione prosequitur, ne hu-
ius prædamnatio sit illa sententiâ, quæ in
Autronium dicta est necessario. Igitur ostendit
numquam similes fuisse, ut per hoc facilius
Syllam persuadeat innocentem.

ILLUM ALLOBROGES MAXIMARUM RERUM VE- N. 17.
RISSIMI INDICES.

Oratoria suptilitate adserit hic et confitetur

(1) Cod. *mira* ... *optinens* ... *quasi* etc. *relictis spatiis*,
ita ut sensus loci hiaret.

(2) *Supplevi utor hæc ex editis.*

Allobrogum fidem, quos verissimos indices dicit, a quibus Syllam nominatum non esse constabat.

HIC CONTRA ITA QUIEVIT, UT EO TEMPORE OMNI NEAPOLI FUERIT.

Quoniam videri poterat .P. Sylla damnatus conscientia detecti criminis sui ab oculis omnium secessisse, et Urbem Romam reliquisse, trahit Orator ad verecundiæ argumentum, dicens, ea propter sub oculis esse civium noluisse, quod erubesceret in aliquo vitæ suæ *articulo* (1) honorem defloratum dignitatemque mutilatam. Nec moverit nos quod ita loquatur de Sylla Cicero, quasi damnatus de crimine ambitus habuerit Romæ demorandi facultatem. Habuit enim secundum legem Calpurniam. Nam superioribus *temporibus* (2) damnati lege Cornelia hoc genus pœnæ ferebant, ut magistratum petitione per decem annos abstinerent (3). Aliquanto postea severior lex Calpurnia *lata est* (4), et pecunia multa fuit, et in perpetuum honoribus iussit carere damnatos. Habebant tamen licentiam Romæ morandi. Postea iam damnatis Sylla

(1) Supplevi *articulo*.

(2) Supplevi *temporibus*.

(3) Hæc lex dicitur *Cornelia Fæbia*, quia lata est a P. Cornelio Cethego et M. Bæbio Tamphilo, qui Consulatum gesserunt anno v. c. dxxxiii. Eius legis meminerunt Livius lib. xx. 15. Florus lib. xlvii. Sed pœnam uterque reticuit, quam noster Interpres expressit.

(4) Supplevi *lata est*. De hac lege scribit Asconius ad Orat. *pro Cornel.* p. 132. • Tolerat eam ante biennium C. Calpurnius Piso Consul. in qua, præter alias pœnas, pecuniaria • quoque pœna erat adiecta •.

et Autronio, pœnam de ambitu graviorem consules .C. Antonius et Cicero sanserunt, ut præter hæc veteribus legibus constituta, etiam exilio multarentur (1).

ET LOCUS EST IPSE NON TAM AD INFLAMMANDOS CALAMITOSORUM ANIMOS, QUAM AD CONSOLANDOS ACCOMMODATUS.

Dicit Neapolitanam Civitatem procul fuisse ab omni contagio illius coniurationis, ac propterea delectam .P. Syllæ, ut ibi non sceleratus lateret, sed miser conquiesceret.

VENIEBAT AD ME, ET SÆPE VENIEBAT, Edit. N. 11.
AUTRONIUS.

Salubriter institit huic parti. Multis et impensis precibus, commemoratis amicitiae veteris officiis, Autronium postulasse, multosque alios ad hoc impetrandum pro se deprecatores adhibuisse, nec tamen extorsisse ut patronus et defensor adsisteret. Ne hoc dicere adversarius posset: idcirco Autronium non defendisti, quod non satis egerit, ut a te defenderetur. Sed si hoc impensissime deprecatus est, nec impetravit, videri iam potest idcirco ad defendendum Syllam venire, quod de eius innocentia certus sit.

QUOD TANDEM, TORQUATE, REGNUM? CONSULATUS CREDO MEI, IN QUO EGO IMPERAVI NIHIL.

N. 21.

(1) Snam legem de ambitu commemorat Tullius pro *Murena* III. et XXXII. pro *Scatio* XXIV. in *Volus.* XV. Memoratur etiam a nostro Interprete ad *Orat. pro Planeio* N. 13. et a *Dione* lib. XXXVII. 29.

Cumulaturus invidiam Torquatus in personam .M. Tullii, et hoc dixerat: quodam illum spiritu velut regiae potestatis exposcere, ut Sylla innocens iudicetur. Itaque (1)... statim... *addit*... consulatum suum talia edidisse moderationis et continentiae et virtutis exempla, ut non ipse rex, sed aliis regnum affectantibus esset inimicus. Qua executione simul et invidia liberat auctoritatem suam, et impetrabilis facit quod ad Syllae victoriam (2) locuturus est.

AN TU (3) IN TANTO IMPERIO TANTAQUE POTESTATE NON DICES ME FUISSE REGEM; NUNC PRIVATUM REGNARE DICIS?

A maiore ad minus. Ut quod nunc privatus in defendendo reo innocentissimo faciat, non sit regiae superbiae sed fidei religiosae, qua non putet innocentes esse damnandos. Nec eadat suspicio regiae cupiditatis in privatum senatorem, quae non ceciderit in consulem.

SI FALSUM DIXERIM, TE IN EOSDEM DIXISSE; SI VERUM, NON ESSE HOC REGNARE, CUM VERUM IURATUS DICAS PROBARE (4).

In altero *accusatio adversarii* est, in altero *sui defensio* (5). Aut invidiae mecum particeps,

(1) In his spatiis evanidae prorsus litterae.

(2) Codex *ad Syllam* victoriam.

(3) Sic Cod. *tu*. At in edd. *tum*.

(4) Hinc forte clarescit locus qui interpretes diu vexavit.

(5) Cod. sic: *in altero... est in altero... aut etc.* quæ spatia replenda videbantur, ut fecimus. Porro nosler Interpres satis bene declarat hunc locum, qui recentiores criticos non parum torseit.

inquit, videberis, si quid in eo regaliter feci, quod in sceleratos homines testimonium dixi, quoniam et te in eosdem dixisse manifestum est; aut si fides et religio incorrupta in illis omnibus testimoniis fuit, non potest rex videri qui testimonio adserit veritatem. In parte igitur percussit Torquati verecundiam, in parte diluit regalis animi proprietatem.

UTER TANDEM REX EST, IS NE CUI INNO- Edit. N. 221
CENTES HOMINES NON RESISTUNT, AN IS QUI CALAMITOSOS NON DESERIT?

Praemiseraat enim Torquati propositionem valde insolentissimam, et liberæ civitatis odio dignam: nisi tu defendisses P. Syllam, nemo defenderet. Cui statim in forma concessiva occurrit (1). Ut, inquit, alios concedam patrociniū denegaturos fuisse, in quem iustius derivabitur animi regalis cupiditas, in me qui protego innocentes, an in te qui subveniendum non putas innocentibus? Non tantum ergo se liberavit, sed Torquatum multo acerbius proscidit.

AT HIC ETIAM FACETUS ESSE VOLUISTI, CUM TARQUINIUM ET NUMAM ET ME TERTIUM PEREGRINUM REGEM ESSE DIXISTI.

Novitatem Ciceronis multi quidem per illa tempora contumeliis agitare voluerunt, ut Catilina et Clodius (2), et ipse quamvis Collega fuerit

(1) Codex in *formam concessiva* currit.

(2) Magnam de sua nobilitate opinionem et superbiam Claudii familiae insitam testatur Tacitus Annal. Lib. 1. 4. et Tibullum Neronem, maturum annis, spectatum bellis: sed

.C. Antonius (1). *Nam quia* (2) virtutibus obtrectare non poterant, eius humilitatem natalium maledica insectatione carpebant. Notissimum est autem fuisse Ciceronem natione Vulscum Arpino municipio, unde illi quædam peregrinitatis ab invisoribus concinnabatur infamia. Nec in præsentis causæ iudicio Torquatus pepercerat, facta mentione regum peregrinorum Tarquinii et Numæ. Fuerat enim Popilius Curibus Sabinis ortus. Tarquinius vero Priscus Demarathi Corinthi filius, qui fugiens dominationem Cypseli, in Italiam se Tarquinius contulerat, ibique liberos procreaverat. Animadvertamus tamen quantis aculeis asperitatis tallionem .M. Tullius referat hic Torquato, quem partim despiciendo plus abicit et humillimum facit, partim maiore insectatur invilia, quod in exemplis Maiorum illius hereat (3) invidia tyrannidis.

EDIT. N. 23. HOC DICO, INQUIT, TE ESSE E MUNICIPIO. FATEOR. ET ADDO ETIAM EX EO MUNICIPIO, UNDE ITERUM IAM SALUS HUIC URBI IMPERIOQUE MISSA EST.

» veterem atque insitam Claudiæ familiæ superbiam. Eandem in Appio Pulchro P. Clodii Fratrem exagitat Cicero ad Famil. lib. III. Epist. VII. Et P. quidem Clodius cum per iussum dixisset Ciceronem non regem sed Iovem, mordacissimam ab eo responsionem retulit, quam vide in Orat. pro Domo sua XXXIV.

(1) De Catilina et Antonio confirmat Asconius ad Orat. in Toga candida p. 153. » Huic Oratio: i Ciceronis et Catilina » et Antonius contumeliosè responderunt: quod solum pote- » rant, inveni in novitatem eius.

(2) Supplevi *Nam quia*.

(3) Sic Cod. *herent* sine diphthongo.

Magna cum gloria subdidit consensionem, amplectens municipii sui Arpinatis egregiam nobilitatem, unde et .C. Marius extiterit bellorum maximorum strenuissimus victor, et Ipse cuius consulatus ad opprimendam Catilinæ coniurationem salutaris inluxerit.

NEMO ISTUC .M. CATONI SENI, NEMO TIBERIO CORUNCANIO, NEMO MARIO (1) CURIO.

.M. Cato ille Censorius et Tib. Coruncanius (2) fuerunt e municipio Tusculano. Manius porro Curius qui de Samnitibus triumphavit, Sabinis oriundus videtur, ubi etiam foculo adsidens aurum quod sibi hostes optulerunt repudiavit, confessus votum sibi esse præcipuum, non ut ipse opibus adflueret, sed ut pecuniosis hostibus imperaret (3).

EST ENIM IPSE MATERNO GENERE MUNICIPALIS. Edit. N. 25.

Quo sin totum destruere non potuit, ex parte destruxit. Nam familiæ Manliæ veteris egregia nobilitas eminebat, sed maternum genus humilitare (4) conatus est. Quasi non sit illi ad originem parentis utriusque dignitas vetustatis æqualis.

(1) Sic Cod. *Mario*. At inferius *Manius*, quod verum Curii prænomen hic usurpat Plutarchus in *Pyrrho*, et diserte asserunt Interpretes Aurelii Victoris ad Caput xxxiii. *de Viris illustr.* Porro hoc Curii Dentati prænomen non in nostro tantum Codice, sed in aliis multis Veterum scriptis aut corruptum aut varium est. Vide ad Aurelii Victoris locum citatum.

(2) Cod. *Tib. Conuncanius*. Sed mendum corrigitur a textu superiore. Catonis autem Censorii et Ti. Coruncanii res gestæ passim celebrantur apud romanæ historiæ Scriptores.

(3) Idem de Curio narrant Cicero *de Senect.* xvi. Valerius Maximus Lib. iv. Cap. xiii. 5. Aurelius Victor *de Viris illustr.* Cap. xxxiii.

(4) Nota novum verbum *humilitare*,

HONESTISSIMI GENERIS SED TAMEN ASCULANI.

Asculum civitas est in Piceno, unde etiam principia belli socialis arserunt (1).

NISI FORTE REGIUM TIBI VIDETUR ITA VIVERE. Et relicum.

Decore et hoc cum sublimitate maximæ laudis impletur: ea ostendens inesse moribus suis, quæ non congruentia sed contraria sint regiæ cupiditati.

Edit. N. 26. EGO TANTIS A ME BENEFICIIS IN REP. POSITIS, SI NULLUM ALIUD MIHI PRÆMIUM AB SENATU POPULOQUE .R. NISI HONESTUM OTIUM POSTULAREM, QUIS (2) CONCEDERET?

Gloriose in hunc locum decurrit Orator laudibus suis, plurimis demeritis (3) erga remp: tribuens, quod tantis iam perfunctus periculis honeste posset ab omni labore requiescere, nisi animus nullo posset otio consenescere. Et hic, quantum mea opinio est, imitatus est .C. Gracchum (4). Sic enim et ille DE LEGIBUS

(1) Rem narrat Appianus 1. Bell. civ. p. 633.

(2) Edd. *quis non concederet?* Sed *no* non, abest a Codice. Et clausula quidem fragmenti Gracchani, quod comparationis gratia affertur infra, favet Codicis lectioni.

(3) Nota nomen substantivum, ut videtur, *demeritum*.

(4) Huius Oratoris laudes magnifice persequitur Cicero in Bruto xxxiii. » Sed ecce in manibus vir, et præstantissimo ingenio et flagranti studio, et doctus a puero, C. Gracchus. » Noli enim putare quemquam, Brute, pleniorum et uberiorum ad dicendum fuisse... Grandis est verbis, sapiens » sententiis, genere toto gravis ». Huius eloquentiam mire laudant etiam Dio in Fragm. Peiresc xc. Plutarchus in *Gracchiis*. Tum C. Gracchum anteposit Catoni illi seniori Auctor *Dialogi de Causis corruptæ eloquentiæ* Cap. xviii. a quo tamen dissentit Cellius Lib. x. Cap. iii.

PROMULGATIS (1), ut ipsius etiam verborum faciam mentionem.

SI VELLEM, inquit, APUT VOS VERBA FACERE, ET A VOBIS POSTULARE, CUM GENERE SUMMO ORTUS ESSEM, ET CUM FRATREM PROPTER VOS AMISISSEM, NEC QUISQUAM DE P. AFRICANI ET TIBERI GRACCHI FAMILIA, NISI EGO ET PUER RESTAREMUS (2), UT PATEREMINI HOC TEMPORE ME QUIESCERE, NE A STIRPE GENUS NOSTRUM INTERIRET, ET UTI ALIQUA PROPAGO GENERIS NOSTRI RELIQUA ESSET; HAUD SCIO (3) AN LUBENTIBUS A VOBIS IMPETRASSEM.

ETENIM IN QUA CIVITATE REM TANTAM GES- Edit N. 20.
SERIM MEMINI, IN QUA URBE VERSER INTELLEGO. PLENUM FORUM EST EORUM HOMINUM, QUOS

(1) Leges C. Gracchi agrariæ, frumentariæ, et de magistratibus notiores sunt, quam ut descriptione egeant. V. tamen certe Livii Epitomen libri 12. Orationem autem Gracchi de legibus promulgatis memorat Gellius Lib. 12. 14. et 1. 3. aliquot eius Fragmentis prolatis. Citat eandem Orationem etiam Festus voc. *Ostentum*. Nostra tamen Particula, quod sciamus, adhuc erat inedita.

(2) Tiberius Sempronius Gracchus de Cornelia P. Africaei maioris filia duodecim suscepit liberos: ad tota soboles mature cum Patre vita fuocata est, excepta Filia, quam Scipio Africanus minor uxorem duxit, et filiis duobus Tiberio et Caio. Occiso in Tribunatu Tiberio, solus e masculis superfuit Frater Caius cum Tiberii filiole, de quo Gellius Lib. 11. cap. XIV. in fine. Atque huic puerum forte hic commemorat Caius. Ceterum Plutarchus in *Gracchis* narrat, ipsi etiam Caio fuisse filiolum, quem nimirum uxor Licinia manu tenebat, cum viro occurrit ad eam dimicationem prodeunti, in qua miserrime perit.

(3) *Scio* supplevi.

EGO A VESTRIS CERVICIBUS DEPULI, IUDICES,
A MEIS NON REMOVI.

Figura (1) quidem in orationibus plurimis frequentata Ciceroni, qua velut divino quodam mentis instinctu imminentem sibi providebat invidiam, et ex ea periculum quod evenit. Verum mihi altius consideranti hanc omnem quam localiter intulit *figuram* (2) occurrit vehemens, et ad causam .P. Syllæ salubriter pertinens virtus. Nam cum in præsentī executione testetur, extinctis iam plurimis hostibus patriæ, superesse tamen innumerabiles qui sibi nocere votis ardentibus cupiant, hoc sine dubio relinquit Iudicum tacitis cogitationibus, numquam se ad defendendum Syllam processurum fuisse, si eum vel tenui aliquo argumento sensisse cum hostibus reip. suspicaretur, cui minuendus esset illius coniurationis numerus, ne plures in posterum sibi reservaret (3) inimicos.

Edit. N. 31. QUOD CUM IS TRIBUNOS (4) PL. FACIT, QUI UNUS VIDETUR EX ILLIS AD LUGENDOS CONIURATOS RELICTUS, NEMINI MIRUM EST. DIFFICILE EST ENIM TACERE CUM DOLEAS.

Insectatur invidia maiore Torquatum: et cum sit ab illo ipse reprehensus, quasi mutato proposito voluntatis, qui Catilinæ oppresserit coniurationem, reis tamen eiusdem criminis

(1) Spatium in Codice, quod replevi verbo *figura*.

(2) Iterum spatium, quod replevi ut supra.

(3) Codex *reseret*.

(4) Archaismus pro TRIBUNUS.

patrocinetur; versa quodammodo vice ipsum Torquatum quasi defensorem coniurationis insinuat, et dicit imitari eum Tribunum Pl. qui moleste pœnas hominum publicorum ferat. Significat videlicet L. Calpurnium Bestiam (1), sive [nam et hoc suspicari possumus] Q. Metellum Nepotem (2). Post quod exemplum in fine sententiam posuit, quod genus in Tullianis orationibus rarum est. Difficile est, inquit, tacere cum doleas. Dolor enim quibusdam tormentis animi laborantis effusus ad impatientiam vocis erumpit.

QUI FILIUM SUUM VITA PRIVAVIT, UT IN Edit. N. 32.
CETEROS (3) FIRMARET IMPERIUM.

De familia Torquatj mutuatur exemplum, quo validius ad consensum adigeretur, puniendos a rep. fuisse hostes intra mœnia deprehensos, cum per contextum sui generis recordetur (4) extitisse qui Filium capite puniret. Et hoc in loco Manlium significat qui

(1) L. Calpurnius Bestia recensetur a Sallustio inter coniuratos cum Catilina. Huic Bestie tribuuo Pl. mandatum erat a Lentulo item coniurato, ut Romæ concione habita, quereretur de actionibus Ciceronis. V. Sallust. Bell. Catil. Edit. Paris. anni 1674. pp. 14. et 34.

(2) Q. item Metellum Nepotem de coniuratorum pœna cooquestum refert Dio Lib. xxxvii. 42. Iam idem Metellus Tribunus Ciceronem consulu ab untem concionem habere prohibuit, atque ei tantum ut iuraret vitæ more permisit. V. Plutarchum in Cicero, et Dionem, tum Asconium ad Orat. in Pison. p. 159. Contra Metelli Concionem, qui Ciceronem apud populum maledictis proscederet, extant ipsius Tullij Fragmenta Orationis cuiusdam, quæ vide sis in Edd.

(3) Edd. in ceteris. Sed melius Codex.

(4) Codex recordatur.

cum .P. Decio functus est consulatum. *Hic* (1) ex virtute cognomen Torquati habuit, quod uno de Gallis hostibus interfecto, torquem sibi velut spoliū superati hostis induerat. Ab hoc comperimus Filium non ob aliquod criminōsum, sed gloriosum et militare facinus interemptum, quod contra Patris inperium cum hoste, quamvis feliciter, dimicasset.

Edit. N. 34. ATQUE ETIAM ILLUD ADDAM NEQUI (2) FORTE INCIPIAT INPROBUS SUBITO TE AMARE, TORQUATE.

Ista dicit insidiosa quadam benignitate perstringens adversarium.

N. 36. AB (3) ALLOBROGIBUS NOMINATUM SYLLAM ESSE DICIS. QUIS NEGAT? SED LEGE INDICIUM ET VIDE QUEMADMODUM NOMINATUS SIT.

Facta ab indicio Allobrogum et inlata propositio, ne sensio (4) in contrarium vergeret... Vigilantissime ipsius indicii modum tractare adgressus est, et ostendere (5) quæsisse Gallos de

(1) Supplevi *Hic*.

(2) *Nequi* pro *nequis* evidenter habet noster Codex. Sic paulo infra N. 39. *aliqui* pro *aliquis* semel Cicero et semel Interpres. Itidem ad Orat. pro *Plancio* N. 69. *signi* pro *signis* scribit Interpres. Huiusmodi autem terminationes pluribus exemplis ex Plauto, Cicerone, Gellio, Paulo, Apuleio, Tertulliano propugnat Vossius de *Grammat.* Lib. vi. cap. 8. concluditque: « Multa huius generis in antiquis sunt codicibus, » quæ imperiti librarii mutarunt: quemadmodum inter alios » testantur Petrus Victorius Castigat. in *Cæli* Epistolas ad » Ciceronem, et Obertus Victorius Ind. *Lucret.* voce *Qui* 4. Noster etiam Codex antiquissimus rege luculenter confirmat. Quare haud scio quo iure Forcellinus ad vocab. *Aligui*, locorum omnium, qui pro hac sententia afferuntur, incertam lectionem pronunciet.

(3) Recte in Codice additur præpositio *ob*, quæ deest in Editione saltem Verburgii.

(4) Nota nomen *sensio* pro *sententia*, ut in *Isid. Glossar.*

(5) *Cod. ostendens*.

L. Cassio Longino quemadmodum Sylla esset animatus. Et hoc eos fecisse, non quo de eius moribus et proposito voluntatis aliquid audissent, sed quod facta mentione .P. Autronii, quem consortem fuisse præcedentis illius de ambitu damnationis audierant, existimasent aliquid etiam de coniuratione quærentium. Deinde vincenter (1) subicit responsum Cassi illud unum respondentis, nihil se de .P. Sylla scire pro certo. Ibidemque statim, quod nos a pari dicimus, defensionem complectitur, dicens huiusmodi responsum Cassi (2) pro eo habendum atque si negasset .P. Syllam sceleris huius esse participem: quoniam is qui de omnibus instructissimus fuerit, de hoc ideo nihil scripserit (3), quod Sylla innocens esset.

SI RESPONDISSET IDEM SENTIRE ET SECUM FACERE SYLLAM.

Ad formam concessivam revocans argumentationem, etiamsi (4) quærentibus Gallis respondisset .L. Cassius .P. Syllam huius initi contra remp. sceleris esse participem, valere non debuisse pro crimine, quando facile crederetur illum, quo spem robustiorem Gallis daret, de nobilissimo viro non dubitasse mentiri. Quæ concessio (5) multum proficit ad

(1) Nota adverbium *vincenter*.

(2) Codex *cassum*, quod forte retineri poterat.

(3) Ita Cod. *scripserit*, sed ex præcedentibus videtur corrigendum *sciverit*.

(4) Codex *etiam*.

(5) In Codice vel spatium est vel oblitteratio. Supplevi concessio ex præcedentibus.

illud quod negaverat Cassius se comperisse quid animi Sylla haberet, ut tale genus responsionis absolute purgaverit innocentiam.

Edit. N. 37. NISI FORTE VERISIMILE EST .P. SYLLÆ NOMEN IN MEMORIA CASSIO NON FUISSE.

Verisimilia contrahit argumenta per qualitatem personæ, quam generis nobilitas inlustrabat, ut se etiam non quærenti Cassio potuerit efferre, nec tamen aliquid ille se dixerit comperisse.

N. 39. SED EGO IN QUÆSTIONIBUS ET INDICIIS (1) NON HOC QUÆRENDUM ARBITROR NUM PURGETUR ALIQUI, SED NUM ARGUATUR.

(2) Et perquam exercitata respondendi facultate propositioni accusatoris occurrit, non illud expectandum in iudiciis an defensio sit aliqui (3), sed an nominatus, quoniam videri possit etiam stulta defensio id quod non accusetur velle purgare.

N. 40. EXCLUSUS HAC CRIMINATIONE TORQUATUS RURSUS IN ME INRUIT, ME ACCUSAT, AIT ME ALITER AC DICTUM SIT IN TABULAS PUBLICAS RETTULISSE. O DII INMORTALES! Et relicum.

Iuxta (4) dignitatem personæ in excessum locus totus effunditur cum indignatione vehementi. Fit enim coniectura incidens an

(1) Sic *iudiciis* hic et infra, non vero *iudiciis*, quam nostram lectionem alii etiam Codd. confirmant.

(2) Aut et relinquitur spatium, quod replere non est necessarium.

(3) Cod. *aliquid*, sed deleti ab ipso amanuense d. quare remanet *al-qui* pro *aliquis*, ut paulo ante,

(4) Cod. *justa*.

.P. Syllæ nomen subtraxerit Cicero, et id egerit ne in tabulas publicas referretur. Non debuit ergo humiliter et timide hanc defensionem, sed cum impetu flagrantissimæ indignationis implere, quasi monstri simile sit, in tanto consule aliquid potuisse fraudis existere (1). Hæ sunt defensiones quæ in personis inlustribus quendam spiritum laudis imitantur.

INSTITUI SENATORES QUI OMNIA INDICUM Edit. N. 41.
 DICTA, INTERROGATA, RESPONSA PERSCRIBERENT. AT QUOS VIROS? NON SOLUM SUMMA FIDE SED ETIAM QUOS SCIEBAM MEMORIA SCIENTIA CELERITATE SCRIBENDI FACILLIME QUÆ DICERENTUR PERSEQUI POSSE.

Ad diluendam quæstionem, quæ, ut diximus, incidens nata est, an falsum consul in tabulas publicas rettulerit, inferuntur hæc exempla validissima, quod ad scribendum omne, quod indices pronuntiarent, idoneos admo-
 verit senatores. Et vigilanter duo illis præcipua, et quæ ad strumentum fidei necessaria sunt, adscribit, animi integritatem et velocitatem scribendi, ut fides non deceperit *veritatem*.

O MISERUM INFELICEM ILLUM DIEM!

N. 91.

Oratorie deplorat etiam illud tempus, quo

(1) Falsum senatusconsultum a Cicerone fuisse relaturn columnatus est etiam Clodius. V. *pro Domo sua* xix. Item eundem Ciceronem mentitum esse in Senatusconsultum. V. *de are aliena Milonis* p. 37. cum n. 6.

damnatus est ambitus crimine (1), ut in eo desinat invidiosus esse, in quo miserandus existimetur.

Edil. N. 92. VOS REIECTIONE INTERPOSITA NIHIL SUSPICANTIBUS NOBIS REPENTINI IN NOS IUDICES CONSEDISTIS, AB ACCUSATORIBUS DELECTI AD SPEM ACERBITATIS. Et relicum.

Sensus quidem multæ obscuritatis est, cuius intellectus sic aperiatur. Per illud tempus cum esset alius præter Syllam reus, qui causam de vi lege Plautia (2) diceret, omni labore conisus est .L. Torquatus, ut ante iudicum reiectio (3) fieret ad eam cognitionem, quæ de illo quoque futura erat, qui huiusmodi reatu petebatur. Et hoc nimirum eo consilio et ea calliditate peregit, ut melioribus et iustioribus ad illam causam iudicibus electis, qui superessent inmitiores et asperi iudices, quique ab illorum numero fuissent reiecti, de .P. Sylla iudicaret, pro naturæ suæ videlicet asperitate hunc vel innocentem damnaturi. De reo metuens Orator in orationis exitu præcaveret (4) et invigilat, ut iudicibus, quorum asperitatem metuit, incutiat

(1) De Sylla crimine ambitus damno V. Asconium ad Orat. pro C. Cornelia p. 137. Et in Toga candida p. 148.

(2) De hac lege sic Iulianus lib. XLIV. Digestorum » Lex » Plautia et Iulia ea demum vetuit longa possessione capi, » quæ vi possessa fuissent; non etiam ex quibus vi quis de- » iectus fuisset ».

(3) De iudicum reiectione Inquitur Asconius ad Act. 1. in Verr. p. 47-48. Iterum in Verr. de Præf. urb. p. 69. Et in Argum. Miloniarum p. 191.

(4) Cud. præcaveret.

verecundiam priusquam ad ferendas sententias eant : ut metuentes invidiam nimiae duri-
tiae , si reum poenae addixerint , iam pro illo sen-
tire cogantur. Et ne hoc ipso tamen animos
eorum læderet , communicavit fortunam tem-
poris sui et Consulatus , in quo et ipse con-
traxerat quasi nimis acerbae severitatis invi-
diam (1). Dicitque in commune omnibus con-
sulendum , ut severitatem nimiam , quam
temporis necessitate susceperint , præsentī hu-
manitate mitificent.

Explicit Oratio.

(1) Invidiam et pericula in quæ incurrerat ob severum
iudicium de coniuratis exercitum , commemoravit ipse Cicero
superius in hac Oratione N. 28.



IN
ORATIONEM EDITAM TULLIANAM
PRO PLANCIO
COMMENTARIUS ANTIQVUS INEDITVS
QVI VIDETVR ASCONII PEDIANI

PRO PLANCIO

ATINATES, AN TUSCULANOS?

Edit. ver-
burgii N. 15.

Ne hanc laudem nude impertiri Atinatibus arbitreris, quos ita extollit, ut illorum malevolentiam deprimat.

QUIBUS E MUNICIPIIS VIX IAM QUI (1) CARNEM LATINIS PETANT REPPERIUNTUR.

N. 11.

Oppida commemoraverat Lavicabum et Gabinium et Bovillas prope iam vacua et populi exiguitate deserta, quæ Laterensem non tantopere suffragiis suis potuerint adiuvere. Quod vero mentionem petendæ carnis fecit, pertinet ad consuetudinem sacri anniversarii. Nam latinæ feriæ a quo fuerint institutæ dissentiant plerique auctores. Alii ab .L. Tarquinio Prisco rege romanorum existimabant (2), alii vero a Latinis priscis. Atque inter hos ipsos causa sacrificii non convenit. Nam quidam id initium ex imperato Fauni contendunt. Nonnulli post obitum Latini regis *et* Æneæ, quod ii nusquam comparuerant (3). Itaque ipsis diebus ideo oscillare instituerunt, ut pendulis machinis agitentur, quoniam eorum corpus in terris non esset repertum, ut animæ velut in aëre quærentur. Feriarum latinarum

(1) Supplevi qui ex editis.

(2) Cod. ita existimabant, sed videtur potius scribendum existimant.

(3) Cod. comparaverant.

sacrificio solebat hoc observari, ut Hostia (1) et civitates adiacentes portiunculas carnis acciperent ex Albano monte secundum veterem superstitionem. Tam exiguum in illis civitatibus numerum hominum significat, ut desint etiam qui carnem petitem de sollemni more mittantur.

Edit. N. 23. ADIUNGAMUS, SI VIS, ID QUOD TU HUIUS OBESSE (2) ETIAM PUTAS, PATREM PUBLICANUM.

Transitus fit ad quæstiunculam, qua humilitas generis obiciebatur Plancio, ut (3) ea propter elargitus pecuniam videretur, quoniam consequi ædilitatem familiæ suæ dignitate non posset. Publicanorum itaque Tullius ordinem necessario adserit, qui tunc ex equestri ordine accedebant ad vectigalium redemptionem.

N. 24. QUOD FUERIT PUBLICANUS, VEL QUOD AB SOCHS UNICE DILIGEBATUR, VEL QUOD DILIGENTISSIME ROGABAT, VEL QUIA PRO FILIO SUPPLICABAT.

Cumulavit gratiam suffragantis de paterno etiam favore, cui publicanorum Societas adfuerit, ut filius eius ad optinendam ædilitatem potius adiuvaretur.

ALIQUID PRÆTEREA [TIMIDE DICAM, SED TAMEN DICENDUM EST] ALIQUID ADTULIMUS ETIAM NOS.

(1) *Hostia* urbs Latil scribitur interdum cum aspiratione. Sic apud Gruterum ccccliv, 10. *Colonia Hostiensis*. Vide etiam Forcellinum voc. *Ostia*.

(2) Codex *obesse*. Sed mendum, nam Cicero n. 21. repetit *obesse*.

(3) Codex *ut ut*.

Necessario temperavit, gratiam suam non mediocriter Plancio profuisse, quando vir consularis testimonium (1) beneficiorum in se consularum perfidens, Candidato multum potuerat promovere. Hoc vero ne esset insolens *et* superbum, præmisit adlegationem verecundæ timiditatis.

ULTRO MEHERCULE SE MIHI ETIAM OFFERENTES, ULTRO POLLICENTES ROGAVI.

Admirabiliter nec humilem se fecit in precibus, nec tamen plurimum adiuvisse testatus est. Sic et pro reo satis causæ facit, et dignitatis suæ ornamenta custodit: dicendo non defuisse preces suas, quibus populus verecunde obsecutus sit, ultro se etiam offerens gratiæ referendæ ad eum promptissime designandum, cui vir tam bene de Rep. meritis suffragaretur.

NEC SI VIR AMPLISSIMUS, CUI NIHIL EST QUOD Edit. N. 25. ROGANTI CONCEDI NON IURE POSSIT, DE ALIQUO, UT DICIS, NON IMPETRAVIT.

Sagacissime animadvertit quid a parte diversa posset opponi. Non mirum si nihil pro Plancio Tullius valuisse videatur, cum pro alio sibi coniunctissimo Candidato Vir potentissimus nihil promoverit, cum illi designando stude-
ret. Significare autem Candidatum videtur .T. Ampium (2), suffragatorem vero .Gn. Pompe-

(1) Forte corrigendum *testimonio*.

(2) T. Ampius prætor fuit in Cilicia, ut videtur, Pisone et Gabinio Cons. V. Epist. in. lib. 1. ad Famil. Ad hunc exulem partium pompeianarum causa, exstat Ciceronis Epistola XII. Lib. VI. ad Famil.

ium: de quibus tam se quam Pompeio sic vult accipi Tullius suspicionem, ut ipse quidem pro Plancio valuerit miserabiliter et demisse petendo; Pompeius non item pro Tito Ampio, utique pro sublimitate nominis et potentiae superbius hoc sibi apud populum vindicans (1).

ROGATIO HÆC SEMPER EST GRATIOSISSIMA.

Quoniam *ambiguum* (2) verbum est, et interdum potest rogationem, id est *legem nondum perlatam* (3), significare, idcirco hic admonendum lectorem putavi, *per* (4) rogationem a Tullio cum maxime petitionem significari, quæ facta sit pro Candidato.

Edit. N. 16. AN MINTURNENSIIUM COLONI, QUOD .C. MARIUM E CIVILI FERRO (5) ATQUE EX IMPIIS MANIBUS ERIPUERUNT.

Iam narratum a me hoc exemplum plenissime scio de .C. Mario (6), qui Syllanis armis cedens cum filio in Minturnensium paludibus latuit. Inde emissus, quoniam non potuisset occidi, navigio inpositus in Africam pervectus ad usque dirutæ Kartaginis fines.

(1) De Pompeio trudente Candidatum comitiorum tempore, omnibus invitis, vide etiam 1, ad Attic. Epist. xvi.

(2) Spatium in Codice forte explendum verbo *ambiguum*.

(3) Spatium in Codice quod explevi ex coniectura. Et quidem tatus locus videbatur corrigendus sic: » et interdum » potest rogatio *legem nondum perlatam* significare.

(4) Supplevi *per*.

(5) *Ferro* habet Codex melius, quam Edd. *errore*, aut *Ursius cruore*, quæ menda sunt.

(6) Forte Asconius narraverat hoc de C. Mario ad Orat. in *Pisonem* cap. xix. qui locus est similis huic loco Orationis pro *Plancio*. Sed quoniam Commentarius Asconii ad Orat. in *Pisonem*, est mutilus, fieri potest, ut perierit ea narratio exempli de C. Mario, ad quam noster Interpres, quem putamus Asconium, nunc provocat.

Iude armis Cionanis in Italiam restitutus, et adeptus denique septimum consulatum.

QUOD ME VEL VI PULSUM VEL RATIONE CEDENTEM.

Prudenter hoc suspendit, ne aut damnatus aut exul fuisse umquam videretur. Et vis enim prior est iniuriæ quam accusationis. Et ratio, qua se dicit maluisse Urbe recedere, respectum habuisse potest utilitatis publicæ, ne periculosa multis seditio moveretur.

HIC EST QUI ADULESCENTULUS CUM AULO Edit. N. 274 TORQUATO PROPECTUS IN AFRICAM SIC AB ILLO GRAVISSIMO VIRO DILECTUS EST.

Anteacta (1) vitæ officia recensentur quadam subiecta *narratione* (2) numerante Oratore quibus locis quibusque temporibus, et cuiusmodi virorum iudicio .Gn. Planci mores comprobati sint. Quod ipsum statim vigilanter erga personam Torquati facit, cuius gravitatem et sanctimoniam non otiose testificatus est, sed quo magis Plancius ornaretur, quem familiariter ille dilexerit (3). Et quoniam Torquatus idem præsens non erat, in eius patruelem conferendam putavit vicem testimonii, ut perinde haberetur, atque si adesset is, cuius validior esset auctoritas.

FUIT IN CRETA POSTEA CONTUBERNALIS SATURNINI PROPINQUI SUI, MILES HUIUS .Q. METELLI.

(1) Melius diceretur *anteacta*.

(2) Spatium in Codice, quod supplendum verbo aliquo latino aut græco ex coniectura. Dic v. g. *narratione*.

(3) Cod. *siixerit*.

Quoniam gratis (1) fuisse videri poterat, si adseveraret eum Saturnino propinquo suo placuisse; maluit ad iudicium .Q. Metelli confugere, ut vere cognitis virtutibus Planci existimaverit adulescentem per omnia spectatissimum. Significat autem .Q. Metellum, qui Creticus cognominatus est, bello apud Cretam feliciter gesto. Omnia hæc sunt (2)...

Edit. N. 28. TRIBUNUS PL. FUTIT NON FORTASSE TAM VEHEMENS, QUAM ISTI QUOS TU IURE LAUDAS, SED CERTE TALIS, QUALES SI OMNES SEMPER FUISSENT, NUMQUAM DESIDERATUS VEHEMENS ESSET TRIBUNUS.

Nihil egerat in tribunatu suo Plancius aliqua præstanti laude dignissimum. Quin immo etiam videbatur hac potestate segnius functus. Quoniam nullas ergo virtutes eminentissimas habuit, quas de illo prædicaret, idcirco aliquid ei volens acquirere ad suspicionem ignaviae repellendam, non tam vehemens, inquit, tribunus fuit quam ceteri. Et vivaciter conclusit: quales si omnes semper fuissent, numquam desideratus vehemens esset Tribunus. Id volens intelligi, per seditiosos et turbulentissimos...

Ad N. 33. ... hoc factum est ... nec videlicet, quod sæpius iterat, valde inpiam Laterensis propositionem, qui Candidato plus impedimenti ex persona patris esse debuisse dixerit, quam favoris privilegio (3) naturæ. Quod autem de patre dicit,

(1) Codex tantum *gratisque*.

(2) Spatium trium vel quatuor verborum in codice replendum ex coniectura.

(3) Codex *pro regio*.

illud est: cum princeps esset publicanorum .Gn. Planci pater, et Societas eadem in exercendis vectigalibus gravissimo damno videretur adfecta, desideratum est in senatu nomine publicanorum, ut cum iis ratio putaretur lege Sempronia (1), et remissionis tantum fieret de summa pecunia (2), quantum æquitas postularet, pro quantitate damnorum quibus fuerant hostili incursione vexati (3). Aduit igitur Cæsar causæ publicanorum. Cæsaris desiderii contradixit pro vigore duriæ suæ .M. Cato, et diem totum prolixitate orationis suæ occupavit, ut senatus decernendi spatium non haberet (4). Et id tempus ergo Laterensis

(1) Utrum intelligatur hic lex Sempronia *de ære alieno*, an potius *de fœnore*, an *agraria*, an alia ex tot Semproniis legibus, id Eruditis disquirendum permittimus. V. tamen inferius ad N. 35. huius Orationis.

(2) Codex *pecunia*, sed scribe, si mavis, *pecunia*.

(3) Præsertim in bello Mitridatico. Hanc autem Publicanorum petitionem, cui contradixit Cato, refert etiam Dio Lib. xxxviii. 7.

(4) Catonis Orationem *ἡμερησίαν* memorat Plutarchus in *Reip. ger. Præcep.* Edit. Xilaudri T. ii. p. 804. Κατὼν περὶ αὐτῶν οὐκ ἄλλοις πείσων, τῷ προκατεχέσθαι χάρισι καὶ σπουδαίᾳ τοὺς ὄντας τὴν βουλὴν, εἰλεγε τὴν ἡμέραν εἰλην ἀναστὰς, καὶ τὸν καίρον οὕτως ἐξέκρουε: Cato quum gratiæ ac studiis præoccupato populo aut senatu, causam se posse obtinere desperaret, totam diem dicendo exegit, atque ita *adversarii* rei gerendæ tempus eripuit.

Valerius Maximus Lib. ii. cap. x. 7. ait: « M. Porcium Catonem admiratio fortis et sioceræ vitæ adeo admirabilem senatui fecit, ut cum, invito C. Cæsare consule, adversus publicanos dicendo in Cuius diem extraheret, et ob id eius iussu a lictore in carcerem duceretur etc. » At noster Interpres narrat distincte altercationem Catonis cum Cæsare ante huius consulatum in causa Publicanorum, tum paulo inferius Cæsaris victoriam in Consulatu. Igitur aut Valerius,

denotaverat invidiosum Plancio esse debuisse; quominus fieret ædilis, quando pater eius quædam liberius et exertius adversus quosdam primores senatus in publicanorum allegatione dixisset. Id revocat Orator *ad* (1) defensionem, licuisse dicens unicuique de suis iniuriis libere conqueri.

EDIT. N. 33. EGO PUBLICANORUM IN .Q. SCÆVOLAM VIRUM OMNIBUS INGENIO IUSTITIA INTEGRITATE PRÆSTANTEM ASPERE ET FEROCITER DICTA COMMEMOREM? CONSULI .P. NASICÆ PRÆCO GRANIVS IN MEDIO FORO, CUM ILLE EDICTO IUSTITIO DOMUM DECEDENS ROGASSET GRANIVM, QUID TRISTIS ESSET: AN QUOD REIECTÆ AUCTIONES ESSENT? IMMO VERO INQUIT QUOD LEGATIONES.

Potentissime ab exemplis qualitas absoluta firmatur, licuisse Plancio seniori quædam liberius dicere pro societate publicanorum, qui etiam in .Q. Scævolam omni virtute præstantissimum virum fiduciam suæ libertatis erexerint. Inde transcendit ad exemplum famosi quondam præconis .Q. Granii et adprime dīcaciissimi, quem cum, edicto iustitio, id est prædicto in rep. tempore qui (2) nihil ageretur civilium negotiorum, Nasica consul compellavisset obvium sibi forte venientem, dixissetque ioculariter: Grani quid tristis es? An quod

et Capito etiam apud Gellium IV. 10., duas actiones confundunt, aut bis Cato diem in senatu extraxit contra Cæsarem dicens in Causa Publicanorum.

(1) Supplevi *ad*.

(2) Qui pro quo.

auktiones reiectæ sunt? Scimus enim præconibus auktionen fructui esse, quod per eos omnia distrahantur; illo autem iustitio nec ipsæ poterant exerceri. Huic .P. Scipioni e contrario non sine morsu stomachi respondisse Granium dicit: immo ideo tristis sum, quod legationis (1) reiectæ sint. Voluit autem pudorem Nasicæ consulis perstringere hoc amarissimo dicto. Nam legationes ab externis populis missæ ad senatum solebant ordinari pro voluntate Consulium: quas plerumque gratia, nonnumquam et accepta pecunia Consules ordinabant, ut introduci ad senatum possent.

IDEM TRIBUNO PLÉBIS POTENTISSIMO .M. DRUSO.

Et hæc dicacitas præconis istius non minus urbanitatis habuisse videtur quam asperitatis. Nam .M. Licinius Drusus cum multa seditiose in tribunatu suo contra quam esset reip. utile moliretur, adventantem Granium sic compellavit: Grani quid agis? Ad hoc ille isdem verbis sed cum magna asperitate respondit: immo tu Druse quid agis? hoc est, quæ et quam periculosa et quam patriæ metuenda conaris (2)?

NUNC USQUE EO EST OPPRESSA NOSTRA ADROGANTIA CIVITAS.

(1) *Legationis* pro *legationes* more antiquo, quod et alibi de similibus terminationibus notavi.

(2) De Drusi Tribunatu vide ad *Orat. pro Archia* p. 57. n. 4. Interpretem nostrum, seu potius Asconium a nobis eo in loco susceptum. Tum Ciceronem de *Orat.* l. cap. vii. Et quidem res est apud historicos notissima.

Factum est ita pronuntiando « nostra adrogantia » Quoniam si vestra adrogantia vel quorundam superbia dixisset non adfigendo sermoni suam societatem (1), aliquid offensæ apud quosdam præpotentis contrahere potuisset.

UT QUÆ FUIT OLIM PRÆCONI IN RIDENDO, NUNC EQUITI .R. IN FLORANDO NON SIT CONCESSA LIBERTAS.

Facta simul *comparatione* (2). Nam gravius deridere si hoc a præcone dictum sit (3), quam si ab equite romano. Gravius præconem cum inrisione, quam romanum equitem cum dolore dixisse: cum dolor excusatus sit impetu cogentis iniuriæ, risus immoderatam plerumque contumeliosæ audaciæ licentiam præferat.

Ed. N. 35. EGO QUIA DICO ALIQUID ALIQUANDO NON STUDIO ADDUCTUS, SED AUT CONTENTIONE DICENDI AUT LACESSITUS, ET QUIA, UT FIT, IN MULTIS EXIT ALIQUANDO ALIQUID, SI NON PERFECTUM, ATTAMEN FORTASSE NON RUSTICUM, QUOD QUISQUE DIXIT, ME ID DIXISSE DICUNT.

Et oratorie totum hoc explicat, invidiosius quasi de nimia libertate .Gn. Plancii senioris quosdam loqui, quam veritas ipsa patiatur, ad quod optinendum contra insimulationes inimicorum subnectit exemplum Cicero ipse de se, quem non ignoramus multum facetiis

(1) Codex » sermonem suæ societatem » quod forte corrigi potest etiam » sermonem suæ societatis ».

(2) Spatium unius verbi explevi vocabulo *comparatione*.

(3) Codex » Nam gravius deridere hoc præcone dictum » quam ab equite romano ».

et urbanioribus dictis indulsisse, id quod locis pluribus in Verrinis orationibus potuimus agnoscere (1). Hoc ergo ait: quoniam solea quædam non ingrata festivitate secundum sales urbanitatis dicere, idcirco plerique huiusmodi omne quod dicitur, etiam si ab alio dictum sit, in me conferunt. Quare nihil mirum est si quædam falso etiam de Plancii libertate iactentur.

NAM QUOD PRIMUS SCIVIT (2) LEGEM DE PUBLICANIS TUM CUM VIR AMPLISSIMUS CONSUL ILLI ORDINI PER POPULUM DEDIT, QUOD PER SENATUM, SI LICUISSET, DEDISSET.

Paulo supra locutus sum nihil obtineri potuisse per .C. Cæsarem, cum publicanis apud senatum patrocineretur, contradicente scilicet .M. Catone. Verum postea consul idem .C. Cæsar legem tulit ad publicanorum commoda pertinentem (3) cui favore promptissimo .Gn. Plancii pater sine dubio adstitit, quoniam res utilitatis suæ agebatur. Hoc ergo quidquid esset reprehensionis removetur in ipsum Cæsarem legis auctorem nuper latæ (4).

NEC ENIM QUICQUAM ALIUD IN HAC LEGE, Edit. N. 34.
NISI EDITICIOS IUDICES SECUTUS ES.

(1) Videtur hic indicare Auctor se commentatum quoque esse in Verrinis. Porro extant Asconii Commentationes in illas orationes: quod roborat opinionem, hunc anonymum Auctorem esse Asconium.

(2) Codex *seivi*.

(3) Confirmat Svetonius in *Cæs.* cap. xx. ubi de Cæsare Consule 1. ait: « Publicanos remissionem petentes. tertio mercedum parte relevavit: ac ne in locatione novorum vectigalium immoderatus liceretur, propalam movuit ».

(4) Codex *reperlatam*, quod forte retinendum sic, *re perlatam*.

Ad ea quæ sunt necessaria conclusis prioribus transit, et potuisse Laterensem de ambitu accusare significat, nisi maluisset idcirco reum lege Licinia facere, ut haberet Iudices editicios. De cuius forma *et* acerbitate iam sumus in Argumento (1) prælocuti. Differentia igitur accusatoris ostenditur ideo invadentis in legem Liciniam, quod ambitus probari non possit, de quo Iudices ex reiectione haberi soleant: æqualem scilicet numerum reicientibus tam accusatore quam reo. Verum specta licentius omnem contextum huius.... (2) ut intelligas oratorem more speciem quandam.... In modum præscriptivum facta senatus consulti mentione (3), quo secundum legem Liciniam quattuor edi tribus ab accusatore voluerit, ex quibus reo liceret unam repudiare, ut de tribus reliquis iudicium... (4) haberet editionem. Tamen ab accusatore sic fieri voluisse, ut eas ederet quas corruptas a Candidato criminaretur. Hic vero Laterensis noluerat ipsas edere, quibus dicebat pecuniam datam. Utique consulte, ne reo (5), a quo pecuniam sumpserant, favore (6) tacito patrocinaarentur. Quasi negare

(1) Interpretis nostri Argumentum Orationi huic præfixum amissum, nam accephalus est Commentarius. Verum locus satis patet ex ipso Cicerone, eiusq. recentioribus Interpretibus, quos vide.

(2) Hoc et sequens spatium vacuum in codice. Tum mendosa et corrupta lectio ac vix sanabilis.

(3) Codex mentionem quæ.

(4) Puto hic esse lacunam, quia pagina desinit *Iud.* præxima autem incipit *haberet*.

(5) Cod. *reu*.

(6) Cod. *pavore*.

itaque temptavit accusari (1) posse lege Licinia Plancium: quando sint aliæ tribus editæ, nec illæ potissimum quæ sumpsisse pecuniam dicerentur, et quas ideo vel maxime senatus edi voluisset (2), ut et iudicarent, et testimonium vel contra reum vel pro reo ex ipsa veritate perhiberent, qui sine dubio quid esset apud tribules suos gestum, optime scirent.

APUD EOSQUE ME, NE QUINQUE QUIDEM RE- Edit. N. 40.
JECTIS, QUOD IN PROXIMO REO DE CONSILII SENTENTIA CONSTITUTUM EST, COGAS CAUSAM DICERE.

Iam de Sodaliciis causam dixerat .P. Vatinus eodem defendente .M. Cicerone (3): cuius exemplo negat iniquitate (4) Laterensis esse Plancio permissum iudices reicere, quo manifesta sit improbitas obstinate conitensis inimici, ut reus innocens opprimatur conspiratione magis iniquorum iudicum, quam criminis veritate convictus.

NON ENIM SI AUT PLANCIVS ITA VIXIT, UT OFFENDERET SCIENS NEMINEM, AUT TU ITA ERRASTI, UT EOS EDERES INPRUDENS, UT NOS, INVITO TE, TAMEN AD IUDICES NON AD CARNIFICES VENIREMUS, IDCIRCO ISTA EDITIO PER SE NON ACERBA EST.

(1) Cod. *accusare*.

(2) Cod. *voluisset*.

(3) Hoc ipso anno, quo etiam Plancius defensus est. Nam Asconius ad Orat. *pro Scauro* testatur Ciceronem dixisse pro Vatinio, L. Domitio *Ænobarbo* et Appio Claudio Pulchro Coss. quorum in Consulatu Plancius defensus creditur. V. P. Manutium in Argumento huius Orationis *pro Plancio*.

(4) Cod. *iniquitatem*.

Periculosius aliquantum fuerat evectus, ut hoc dicendo, voluisti (1) Plancium, Laterensis, apud inimicos iudices accusari, offenderet animos eorum qui erant de causa pronuntiaturi. Vigilanter itaque illum quidem hoc animi habuisse testatus est, ut reus iniquis iudicibus uteretur. Sed fortunam multo prosperius secundasse, ut viri spectatæ humanitatis et incorruptæ religionis in hanc cognitionem venirent, quæ innocenti reo obesse non posset. Iudices ergo non læsit, et propositum malitiosi accusatoris ostendit.

EDIT. N. 41. AN VERO NUPER CLARISSIMI CIVES NOMEN EDITICIUM IUDICIS NON TULERUNT?

Adhuc (2) eandem, quantum rebus ipsis apparet, inculcat iniquitatem iudicii, quod Laterensis ut ex editiciis haberet, maxime laboraverat. Et hac in parte commemorationem videtur facere Tullius eius temporis quo ser...

Ad Ed. N. 43. partim malitiosis fraudibus deprehensum. Ideo tantum negavit ab se statim puniri, quod iratus esset. Quippe vir sapientia præditus altiore non putavit iudicii futurum quiquid fecisset iratus (3).

NON VEREOR NE MIHI ALIQUID, IUDICES, VIDEAR ADROGARE, SI DE QUÆSTURA MEA DIXERO.

(1) Codex videtur habere *solutis* ..

(2) Codex *Adhuc*.

(3) Hoc est illud celebre dictum: » Punirem, nisi essem iratus. » Hinc autem haud scio an aliquis lux affulgeat loco Ciceronis N. 43. subobscuro: » Iubes Plancium de vitis Laterensis dicere. Nihil potest, nisi eum nimis in se iracundum putabis fuisse. »

Ut se Laterensis ostenderet ædilitate fuisse Plancio digniorem, commemoraverat se apud Præneste ludos edidisse: Cyrenis etiam summa liberalitate in publicanos egisse: in Socios fuisse denique iustissimum. Quæ omnia iactantius ab illo dicta quam eleganter elevet et abiciat .M. Tullius consideremus. Persuadere vult namque omnia illa quæ foris gesserit, aput conscientiam populi .R. latere potuisse. Ac ne acerbius animum læderet audientis, de quæstura sua egit non sine figura *comparationis* (1). Quod cum Lilybæo (2) decedens Puteolos adventasset, omnes eum ignoraverint primo ex provincia, tum (3) deinde ex Sicilia, *ad* (4) extremum ex Lilybitana venire. Quibus ipse varia sciscitantibus novissime cum permistione quadam stomachi responderit, se ad aquas potius in Campaniam venisse, ut interrogationes ipsorum ab se respueret, quos moleste ferebat ignaros esse quæsturæ, quam se meminerat magna cum laude gessisse. Proficit ad illam responsionem multa Romæ ignorari quæ foris gesta sunt a senatoribus. Ac propterea Laterensem frustra in illis, quæ extra urbem gesserat, habuisse fiduciam. In extremo tamen fine huius capituli aliquanto obscurius dixit:

SED EA RES, IUDICES, HAUD SCIO AN PLURIS Edit. N. 66.
MIHI FUERIT, QUAM SI MIHI TUM ESSENT OMNES
GRATULATI.

(1) Spatiolum in Codice, quod sic replevi ex conjectura.

(2) Cod. *Lilybæo*.

(3) Cod. *tunc*.

(4) Cod. *de*.

Hoc ait, magis lætatus sum ignorasse multos ex qua provincia venirem, *quam* (1) si venienti mihi gratularentur. Perstringere enim voluit invidiam præsidum, qui spoliatis provinciis revertantur: ac propterea eos amici sui cum gratulatione suscipiant, quod divites evenerint.

Edit. N. 67. EADEM IGITUR, CASSI, VIA MUNITA LATRENSI EST, IDEM VIRTUTIS CURSUS AD GLORIAM: HOC FACILIOR FORTASSE, QUOD EGO HUC A ME ORTUS ET PER ME NIXUS ASCENDI.

Nota gratificationem molestam et cum magnis amaritudinis aculeis interpositam. Dicens namque non aliter ad honores adipiscendos perventurum esse Laterensem, quem (2) Tullius ipse . . (3) . de . . . Subiunxit testificando, se non generis nobilitate sed virtute ad omnis magistratus pervenisse. Laterensem hoc amplius adiumenti habiturum, quod nobili familia ortus in candidam veniat. Sibi ergo adiudicavit non lænocinia (4) generis sed præstantiam virtutis: illi vero spem de Maioribus dedit, quod suffragium scimus esse fortunæ.

N. 68. QUAMQUAM DISSIMILIS EST PEGUNIÆ (5) DEBITIO ET GRATIÆ.

(6) *Nunc* adgreditur quæ proficient et

(1) Supplevi *quam*.

(2) Codex *quem*, sed videtur corrigendum *quam*.

(3) Spatia vacua in Codice.

(4) Sic *lænocinia*.

(5) Cod. *FORTUNÆ*, sed corrigendum fuit *PEGUNIÆ*, nam sic habent Edd. et sic legit inferius noster Interpres.

(6) Spatium, tum sequitur *qui*, quod ego mutavi in *nunc*.

ad coniecturæ statum et ad illum compenlativum. Nam . . . (1) valebit gratia Ciceronis ipsius et eorum qui propter illum Plancio fuerint adiumento ad impetrandam ædilitatem. Nec non etiam per hoc . . . (2) idest compensatio exhibebitur, ut iudices reo maxime prodessent patiantur ad impunitatem præsentis huiusce discriminis ea beneficia quæ Ciceroni præbuerit exolanti, ut haberet in integro civem patriam (3) quem reposceret. Verbum hoc quoque non incuriose adnotemus, quod » DE-
» BITIONEM PECUNIÆ dixit.

GRATIAM AUTEM ET QUI REFERT HABET: ET Edit. N. 68.
QUI HABET, IN (4) EO IPSO QUOD HABET,
REFERT.

Locus etsi generalis de animi religione, qui debitam pro beneficio gratiam referat, tamen causæ præsentis plurimum patrociniabitur ad favorem copiosius ratiocinanti M. Tullio. Nec non etiam iuxta præcepta sapientium, qui animos ingratorum non parum cuidam crimini obnoxios arbitrantur, quando et parentibus et amicis et protectoribus salutis nostræ hoc testimonium debeamus, *ut* nos in quantum fieri potest gratos adprobare velimus (5). De Officiis idem Lib. 1. (6) sic ait: » Quod » si ea quæ utenda acceperis, maiore men-

(1) Spatium, tum sequitur *valebit* etc.

(2) Spatium.

(3) Forte scribendum *paria*.

(4) Desunt in codice verba *ET QUI HABET. IN*

(5) Codex » hoc testimonium debeamus, nos in quantum potest gratos adprobare possumus &

(6) Cap. xv.

» sura, si modo possis, iubet reddere Hesiodus, quidnam beneficio provocati facere debemus? « Accedit hoc etiam, quod genus maximi criminis apud Persas fuisse traditur, siqui extitisset ingratus, meminitque rei Xenophon ΚΥΡΟΥ ΠΑΙΔΕΙΑΣ (1) Libro primo (2) secundum hæc verba conscribens: ΔΙΚΑΖΟΥΣΙ ΔΕ ΚΑΙ ΕΓΚΛΗΜΑΤΟΣ, ΟΥ ΕΝΕΚΑ ΑΝΘΡΩΠΟΙ ΜΙΣΟΥΣΙ ΜΕΝ ΑΛΛΗΛΟΥΣ ΜΑΛΙΣΤΑ, ΔΙΚΑΖΟΝΤΑΙ ΔΕ ΗΚΙΣΤΑ, ΑΧΑΡΙΣΤΙΑΣ· ΚΑΙ ΟΝ ΑΝ ΤΙΝΩΣΙ ΔΥΝΑΜΕΝΟΝ ΜΕΝ ΧΑΡΙΝ ΑΠΟΔΙΔΟΝΑΙ, ΜΗ ΑΠΟΔΙΔΟΝΤΑ ΔΕ, ΚΟΛΑΖΟΥΣΙ ΚΑΙ ΤΟΥΤΟΝ ΙΣΧΥΡΩΣ· ΟΙΟΝΤΑΙ ΓΑΡ ΤΟΥΣ ΑΧΑΡΙΣΤΟΥΣ, ΚΑΙ ΠΕΡΙ ΘΕΟΥΣ ΑΝ ΜΑΛΙΣΤΑ ΑΜΕΛΩΣ ΕΧΕΙΝ ΚΑΙ ΠΕΡΙ ΓΟΝΕΑΣ, ΚΑΙ ΠΑΤΡΙΔΑ, ΚΑΙ ΦΙΛΟΥΣ.
... gatum velit emere beneficium, quod non acceperit confitendo.

Edi. N. 72. AT ID ETIAM GREGARI MILITES FACIUNT INVITI, UT CORONAM DENT CIVICAM, ET SE AB ALIQUO SERVATOS ESSE FATEANTUR.

Inductionem sollertissime facit ex iis militibus qui protecti a commilitonibus suis veluti testimonium gratiæ referant, iisdem coronam civicam dando, quam traditur de gramine fieri solitam (3). Et mire extenuavit, gregarium

(1) Tam hæc quam sequentia verba græca absunt a Codice, relicto spatio vacuo. Hoc mihi augeat suspicionem, librarium græcæ linguæ ignarum omisisse verba græca Commentarii hic et alibi, relictis spatiis, ut ibi scriberentur deinde a græce perito. Vide tamen inferius N. 87.

(2) Cap. II.

(3) *Civicam Coronam* dicit noster Interpres fuisse e gramine. Graminea fuit quidem *obsidionalis*, sed de *civica* scribit Plinius XVI. 5. » Civica iligna primo fuit, postea magis plantis ex esculo Iovi sacra. Variatumque et cum quercu est, » ac data ubique, quæ fuerat, custodito tamen honore plantæ.

militem dicendo invitum hoc facere, ut offerens coronam civicam debitorem beneficii se (1) constituat. Quod igitur anxie et moleste gregarius miles patitur, id, nullis acceptis beneficiis, onus verecundiæ suæ non imponeret (2) consularis.

NOLO CETERA QUÆ A ME MANDATA SUNT Edit. N. 74.
LITTERIS RECITARE.

Suffecerat enim de ea oratione dixisse, qua vel senatui vel populo gratias egit (3). Nunc autem et de versibus suis facere mentionem videtur, quos intempestivum sit in iudiciali dissertatione recitare. Non potuit tamen in totum de is (4) tacere. Nam de consulatu suo scripsit poetico metro, quæ mihi videntur Opera minus digna talis viri nomine (5).

* dis a. Quoniam aut ilignam fuisse *Civicam Coronam* testatur etiam Gellius V. 6. Sed nostri Interpretis, præsertim si is est Asconius, non levis auctoritas est. Ceterum etiamsi hoc loco Interpretes *Coronam civicam* minus recte *gramineam* dixisset, meminerimus errores nonnullos ipsius etiam Asconii a Criticis notari. Vide infra p. 110, n. 3. Errorum contrarium peccat Plinius lib. xvi. 5. dicens *frondeam coronam obsidionalem*, de qua ibi loquitur: quam tamen lib. xxii. 4. recte *gramineam* idem vocavit. Vide Paschaliū de *Coronis* Lib. vii. Cap. xvi.

(1) Supplevi *se*.

(2) *Loc. imponeretur.*

(3) Considerent hunc etiam locum ille recentiores Critici, licet summi, qui *Orationes post reditum in Senatu*, et ad *Quirites* Ciceroni abudicant.

(4) Alias monuisse me memini, Veteres lotacismi vitandi causam pronuntiasse sæpe unam i pro duobus. Vide Quintil. Inst. l. 5. ibique *Notas* itaque vides hic *is* pro *is*. Ceterum superius habes *isdem*, non *idem*, quod tamen ipsum alibi tibi occurrat.

(5) Haud ita loquitur noster Interpretes, quod forte putet spurium illud Ciceronis Poema. Nam ipse Cicero ex eo versus xxxviii. inseruit Libro I. de *Divinatione*, præter Servil

Edit. N. 75. NAM ISTIUS VERBI, QUOUSQUE, POTERAT
HÆC ESSE INVIDIA. DATUS EST TIBI ILLE: NON
FACIS FINEM.

(1) ... Unde quo minus impudens videretur
hæc compensativa defensio, dicente Laterense,
quousque vis servatos esse quos diligis? Et pro
Cispio causam dicente sic rogasti, et precibus
tuis ambitum pene movisti; opposuit acutis-
simam responsionem, merito hæc ab eo dici
potuisse *quem Urbs* Romulo comparasset (2).
Porro autem cum pro Cispio non optinuerit,
vel pro hoc optinere debere, qui et innocens
sit, et de salutis suæ conservatione beneme-
ritus. Animadvertite quo modestiæ temperamento
hæc exsequatur, ut nihil impudentiæ, multum
religionis habeat oratio.

N. 76. SIC ENIM DIXISTI: VIDI EGO TUAM LACRI-
MULAM.

Laterensis in Tullium dixerat epilogos eius
inridens, quos eum constat nimium flebiles et
miserationis plenos in iudiciis semper habuisse.
Et in Oratore suo eandem affectuum moven-
dorum sibi præstantiam vindicavit (3). Ad

auctoritatem ad Virgilii *Eclog.* viii. v. 106. Hoc tantum In-
terpres significat, non videri sibi opera poetica æque digna
Cicerone, ac ea quæ soluta oratione scripta sunt: quod fa-
cile quis concedet.

(1) Spatium in Codice.

(2) O litterata fere scriptura *potuisse* t... Romulo *com-*
parasset *et* Romulo autem comparatus est Cicero, cum ob
oppressam Catilinæ Coniurationem *Patris Patriæ* nomen ob-
tinuit. Nota, litteras, quibus puncta subscribimus, dubiæ
lectionis esse in Codice.

(3) In *Oratore* xxxvii - xxxviii. Ita de se Tullius: *Quid*
et ego de miseracionibus loquar? quibus eo sum usus pluri-

ne hæc lænocinia potius adhibere fallendis iudicibus, quam vere secundum animi sui motum facere existimetur, adseverat Cispium hoc suæ orationis adfectu non indignum fuisse, cum quo (1) post amicitiae reconciliationem ita participatu fortunæ suæ dolorem senserit, ut inpenso diligere mereretur (2).

SED ME CUM TANTUM IAM PLANCIO DEBEREM, *Edit. N. 77.*
RACILI BENEFICII (3) FUISSE CONTENTUM.

Extenuaturus merita Gn. Plancii quæ intulisse in .M. Tullium videretur, de .L. etiam Racilio quædam Laterensis commemoraverat, qui magis adiumento Ciceroni fuisse videatur, cum Plancius in tribunatu suo non tantopere sit pro eiusdem restitutione conisus. Ne hoc igitur ei deesset ad gratiam, confitetur, animo promptissimo etiam hunc Plancium erga restitutionem suam fuisse. Sed quoniam omnia per Racilium videbantur impleta, non expetisse se dicit, ut etiam ille ex superfluo laboraret, qui tantum sibi in quæstura Macedonica præstitisset. Extat autem Libellus eiusdem Cice-

» bos, quod etiam plures dicebamus, perorationem mihi
» tamen omnes relinquebant... Miseratione nos ita dolenter
» uti solemus, ut puerum infantem in manibus perorantem
» tequerimus: ut alia in causa, excitato reo nobili, soblato
» etiam filio parvo, plangore et lamentatione compleremus
» forum &c.

(1) Videtur corrigendum cum *is*. Nam Cispio exulis Ciceronis misertus fuerat, ut vides in hoc loco Orationis.

(2) Codex *meretur*.

(3) Nota lectionem diversam ab ante edita *beneficiis* vel *beneficio*. Nota etiam *contentum* cum genitivo, et novum hoc exemplum syntaxeos adice iis, quæ seo dubia seu certa laudat Forcellinos voc. *contentus* cum genitivo.

ronis, qui ita inscribitur: EDICTUM LUCII RACILII TRIBUNI PLEBIS (1), quod sub nomine ipsius Cicero inscripsit IN INVECTIONEM (2) .P. CLODI.

Edit. N. 78. ILLO .S.C. QUOD IN MONUMENTO MARII FACTUM EST.

In templo scilicet Honoris et Virtutis, in quo actum primum videtur de restitutione Ciceronis (3).

QUO QUIDEM ETIAM MAGIS SUM, NON DICAM MISER, NAM HOC QUIDEM ABHORRET A VIRTUTE VERBUM, SED CERTE EXERCITUS.

Hanc sententiam secundum illos philosophos intulit, qui existimaverunt semper beatos esse sapientes, numquam miseros (4) existimandos.

(1) Nota Opusculum deperditum, immo prorsus, quod sciam, inauditum Ciceronis. L. Racilius Tribunatus inquit cum Plancio aliisq. eo anno quo Cicero ab exilio revocatus est. V. II. ad Q. Fratrem Epist. 6. et ad Famil. I. Epist. VII. Tum Ciceronis Historiam per Franc. Fabricium ad annum U. C. DCCLXXXVI.

(2) Nempe Cicero opposuit hunc libellum Invectioni P. Clodii.

(3) Aedem Honoris extra portam Collinam memorat Tullius II. de Leg. cap. XXIII. Aedem sive templum Honoris atque Virtutis IV. in Verr. cap. IIV. Livius lib. XXVII. cap. XXV. Hoc templum Cicero de Natur. D. lib. II. cap. XXIII. renovatum a Marcello dicit. At quomodo noster Interpres dicit Marianum templum Honoris et Virtutis? Accedit, quod Valerius Maximus. I. cap. VII. §. alit: » In aeda Iovis Mariana » S. C. de reditu eius (Ciceronis) actum factum ». Et Cicero ipse de Prov. Consul. IX. alit: Q. Metellum Nepotem in templo Iovis Optimi Maximi (ubi agebatur de revocando Cicerone) secum absceotem rediisse in gratiam. Noster quidem Interpres tantae errationis est, ut non facile erroris damnandus sit. Recole tamen superius p. 106. n. 3. Et quidem ipsius Asconii nonnullos lapsus Viri *reputantes* notarunt. Vide in Editione Lugd. Batav. anni MDCCLXXV. pp. 209. 218. 225. 255. 262. 266.

(4) Codex » numquam non miseros existimandos ».

Ac siquid adversi prudentibus eveniret, non prœnam magis et calamitatem, quam exercitationem esse fortunæ.

HIC ETIAM ADDIDISTI ME IDCIRCO MEA LEGE Edit. N. 23.
EXILIO AMBITUM SANXISSE (1), UT MISERABILIO-
RES EPILOGOS POSSEM DICERE.

Varia cavillatione Laterensis exercuerat asperitatem stomachi sui in M. Tullium, ut etiam ea, quibus illius oratio maxime floruit, elevare... perseveraret. Nec ignoramus Auctore ipso Cicerone et C. Antonio Cons. legem severiorem de puniendo ambitu scriptam, cuius meminit pro Murena (2). Nam clementior aliquatenus videbatur lex fuisse Calpurnia. Hic ergo mutuatus est occasiunculam quandam amarius lacessendi, ut videretur atrociorẽm pœnam ea propter adversus ambitum decrevisse, ut pro reis multo lacrimosius peroraret. Non minus tamen urbane et ipse respondet, denotans nimiam Laterensis et inmoderatam contumeliosæ audaciæ insulsiatẽm dicendo:

SED HÆC NESCI QUOMODO FREQUENTER IN ME CONGESSISTI, SANEQUE IN EO CREBER FUISTI.

Ut hæc inmodica creber fuisti, et ab impudentiæ temeritate venientia (3).

RHODI ENIM, INQUIT, EGO NON FUI. ME VULT FUISSE.

N. 24.

Et verissime constat in prima adulescentia

(1) Hinc corriguntur Editiones, in quibus corruptissime legitur, *ex isto ambitu traxisse*.

(2) Recole Orat. pro Sylla cum nostro Interprete p. 71. ibique notam nostram 1.

(3) Locus mutilus, ut videtur.

Rhodium navigasse .M. Tullium, ut arte oratoria, in qua insigniter præstitit, erudiretur apud notissimum rhetora et magistrum illius ætatis Apollonium (1). *Hic* (2) est qui Molo cognominatus est.

IN EO ME REPREHENDISTI, QUOD NIMIUM MULTOS DEFENDEREM: UTINAM ET TU QUI POTES, ET CETERI, QUI DEFUGIUNT, VELLENT ME LABORE HOC LEVARE!

Mira cum verecundia et moderatione et ceterorum ingenia depressit, et suam in dicendo præstantiam omnibus anteposuit, quando graviores causas illi declinaverint, non sufficientes implendæ defensionis, ipse vero confidentissime suscepit: quo agente reus innocens indubitatam sibi spem victoriæ polliceretur.

ADMONEFECISTI ETIAM, QUOD IN CRETA FUISSES (3), DICTUM ALIQUOD IN PETITIONE TUM (4) DICI POTUISSE.

Ad Scolasticam levitatem et quasi mimicam spectat (5) huiusmodi locus. .M. Tullium vide-

(1) Rem narrat ipse Tullius in *Bruto* xci. v. Rhodum veni, v. meque ad eundem, quem Romæ audiveram, Molonem, v. applicavi, cum actorem in veris causis, scriptoremque præstantem, tum in notandis, animadvertendisque vitis, et v. instituendo docendoque prudentissimum. Is dedit operam v. (si modo id consequi potuit) ut nimis redundantes nos, v. et superfluentes juvenili quadam dicendi impunitate et licentia reprimeret, et quasi extra ripas diffluentes coerceret.

(2) Supplevi *hic*.

(3) *Cod. fuisse*.

(4) *Edd. tua pro tum*.

(5) *Codex Scolastica levitate quasi mimica spectante*. Porro quod attinet ad vocabulum *scolastica*, id sine aspiratione scribitur, sive mendose, sive etiam de industria. Cicero quidem *Orator* xlviii. ait: v. Quia ego ipse, cum scirem ita Ma-

batur denotasse Laterensis, quod multa quæ facilius dici possent cum aliqua figurandi sup-tilitate (1) non prætermitteret. Itaque hoc eum dicto perstrinxerat, habuisse materiam de vocabulo Cretæ insulæ aliquid in se ioculariter dicendi, nec tamen id excogitasse. Constabat enim Laterensem fuisse in Creta provincia. Et solebant omnes Candidati alba creta obliniri cervicem (2), ut populo notabiliores essent. Ergo dicit eum iocari potuisse, si ad hoc adiecisset ingenium, ut id inveniret quod poterat occurrere. Sed acute rapuit ex eo lem proposito validam responsionem, ut magis eum cupidum lacescendi ostenderet, qui sibi ea ultro suggereret quæ potuisse dici fateretur, nec tamen dicta sint.

TE AIEBAS DE TUIS REBUS GESTIS NULLAS LITTERAS MISISSE, QUOD MIHI MEÆ QUAS AD ALIQUEM MISISSEM, OBFUISSENT.

Hæc omnia non ad reum sed ad omnem (3) Ciceronem pertinent, quasi asperius a Laterense proposita. Nam significat Epistulam non mediocrem ad instar voluminis scriptam, quam Pompeio in Asiam DE REBUS SUIS IN CON-

* iores locutos esse, ut nusquam, nisi in vocali, aspiratione
 * uterentur, loquebar sic, ut pulcos, Cetejos, triumphos,
 * Kartaginem dicerem: aliquando, idque sero, convicio
 * aurium, cum extorta mihi veritas esset, usum loquendi
 * populo concessi, scientiam mihi reservavi & V. etiam su-
 perius p. 11. n. 2.

(1) Cod. suptilitati.

(2) Nota morem Candidatorum oblinendi cervicem creta: nam plerique Antiquarii togam utique sed non cervicem creta oblitam a petitoribus narrant.

(3) Ita perspicue Codex omnem.

SULATU GESTIS miserat Cicero (1) aliquanto, ut videbatur, insolentius scribam, ut Pompei stomachum non mediocriter commoveret: quod quadam superbiore iactantia omnibus se gloriosis ducibus anteponeret. Hoc igitur vult esse purgatum, dicens nuntiasse Gn. Pompeio patriæ conservationem, nec inscienter de semetipso gloriatum. Obfuerunt (2) autem revera: nam sic effectum est, ut ei Pompeius contra Clodianam vim non patrocineretur.

Edit. N. 16. QUORUM ALTER EXERCITUM PERDIDIT, ALTER VENDIDIT.

Post Ciceronis (3) perniciem, favente Clodio Tribuno pl. sortiti sunt Provincias Pisa Macedoniam, Gabinius Syriam. Sed hic alterum exercitum perditum a Pisone, alterum a Gabinio venisse significat: scilicet quod re-

(1) Hanc quoque longam Ciceronis Epistolam (seu Epistolam vetere orthographia) inioria temporum amisimus: sed eius certe notitiam ex nostro Interprete haurimus. Exstat tantum brevis Ciceronis Epistola ad Pompeium (lib. v. epist. vii. ad Famil.) qua ei in Asia degeoti gratulatur de Mithridate victo, et simul expostulat, quod eo litteris quas ad se misisset, nullam sibi rerum contra Catilinam eo suo consulatu gestarum gratulationem significasset. Nimirum Pompeius priorem illam Ciceronis gloriosam Epistolam moleste ferens, et simul etiam eiusdem gloriæ subinvidens (Vide 1. ad Attic. epist. xiv.) frigide admodum tum responderat, et nullum ei deinceps contra Clodianam vim patrociniū exhibuit. Cicero tamen in Philipp. cap. v. ait: « Maxime vero consulatum meum Gn. Pompeius probavit: qui ut me primum decedens ex Syria vidit, complexus et gratulans, meo beneficio patriam se visurum esse dixit ». Quod si vere narrat Cicero, id a Pompeio stomachante licet Ciceronis iactantiam, aut etiam gloriæ eius invidente, urbscitatis tamen causa factum fuit.

(2) Nempe litteræ ad Pompeium missæ.

(3) Locus paulo oblitteratur in Codice sic habet: *Dietas . . . Gabinio . . . Clodi . . .*

gem Ptolemæum, acceptis decem millibus talentum, per vim militarem exercitus romani restituisset in regnum suum. Et simul in hoc epiciremate (1) adhibet eundem colorem iam sibi in multis oracionibus frequentatum, idcirco decedere urbe maluisse, nequid seditionæ dimicationis cum multorum exitio moveretur.

QUEM QUIDEM SALTATOR ILLE CATILINÆ Edit. N. 17.
CONSUL PROSCRIPTIONIS DENUNTIATIONE TERREBAT.

ΙΔΙΩΤ (2) pro stomachi sui acerbitate Gabinium lacerat quasi famosæ impuditiæ: quem minitatum proscriptionem equestri ordini ea propter dicit, quod illius edicto (3) fuisset Lælius (4) eques .R., cui familiaris amicitia cum .M. Tullio fuerat, relegatus.

(1) Ita siue adspiratione pro *epichiremate*. Recole superius p. 112. notam 5.

(2) Dixi ad Orat. in *Clod. et Cur.* p. p. n. 1. scriptorem huius Codicis omittere græca verba: idque patet evidentius in hac ipsa Orat. p. 106. ubi totus textus Xeoiphontis prætermittebatur, relicto spatio. Hoc tamen loco mihi plane videor legere ἰδιῶς, quod adverbium hic ad rem facit.

(3) Cod. *dicto*. Sed correxi *edicto*, quom ad Orat. in *Pisonem* x. scribat Asconius: « L. Lamiam a Gabioio consule edicto » relegatum esse iam diximus 4. Ubi observa novum argumentum comprobans, interpretem hunc nostrum revera esse Asconium. Nam quod ad Orat. in *Pisonem*. memorat se iam dixisse, hoc videlicet in loco nunc vobis occurrit.

(4) Cod. evidenter *Lælius* non *L. Ælius*. Et quidem Cicero xi. ad Attic. 7. nomen huius viri scribit *Lælium*. At in *Pisonem*. xxviii. *L. Ælium*. Alibi sæpe memioit huius viri et facinoris Cicero, nempe *post Red. in Sen.* v. et *pro Sextio* xii. et ad *Pam.* xi. 16. 17. xii. 29. Quibus in locis vel *L. Lamiam*, vel *Lamiam* scribit. Asconius item loco laudato io nota superiore nuocupat *L. Lamiam*. Quoniam igitur prænomen *Lucii* sæpe huius viro tribuitur, nuncupetur sæpe iotegre *L. Ælius* Lamia. Et quidem facilis fuit illa separatio *L. Ælius* pro *Lælius*.

Edit. N. 89. JUSTISSIMOS OMNIUM METELLORUM ET CLARISSIMOS TRIUMPHOS GLORIÆ LAUDE SUPERAVIT.

Cum semetipsum præpositurus sit .Q. Metello Numidico, et illum tamen copiosissime laudat, et ad quoddam egregium specimen virtutis amplificat: quod maluerit in exilium (1), quam iurare in agrariam legem Tribuni pl. Apulei Saturnini (2). Verum sibi, ut cœperam dicere, ipse Tullius maximam laudem præstruxit, qui ad tutelam salutis publicæ patientiam discessus illius, quamvis non mediocri cum dolore, suscepit. Ut multo sit laudabilior Metello, qui non tam pro vigore sententiæ suæ

N. 99. miserabiliter intellegatur, qualis ferme luentium mæror est, quos impetus nimix karitatis exagitat.

THESSALONICAM ME IN QUÆSTORIUMQUE PERDUXIT.

Hospitium quæstoris significans proprie secundum vocabulum magistratus, etiam loco ipsi nomen dedit. Nunc autem omnia, in quibus variæ dignitatis præsides habitent, prætoria nominantur (3).

(1) Nempe ire.

(2) De Saturnini lege agraria et Metelli exilio lege Appianum Bell. civ. lib. 1. p. 635. et seqq.

(3) Tamen ad lib. 1. in *Perr.* xiv. Asconius p. 80. monet: « Veteres omnem magistratum cui pareret exercitus, *prætorum* appellaverunt: unde et *prætorium* tabernaculum eius » dicitur « Item Festus voc. *Prætoria porta* » Initio prætores » erant qui nunc consules, et ii bella administrabant: quorum tabernaculum quoque dicebatur *prætorium* ». Hæc de *prætorio* et notione etiam antiqua vocabuli *prætorium*.

SQUIDEM EGO TIBI VIVUS NON PROSUM, QUI
FORTASSE MORTUUS PROFUISSEM.

N. 101.

Lacrimis causam dubiam perorat (1), ad-
fectus animi sui cum varia miseratione pro-
luens (2), ut tantum auxilii reus habeat,
quantum suo dolori patronus adiecerit.

SALUTEM TIBI IDEM (3) DARE POSSUNT QUI
MIHI REDDIDERUNT.

N. 102.

Eximius (4) locus ad permovendos Iudices.
Proclivorem facit inpetrandi facilitatem, con-
stituens in eorum misericordia firmamentum
salutis .Gn. Plancii, per quos ipse sit reditum
consecutus. Ita eleganter et pro se gratias agit,
et huic pares humanitatis eventus deprecatur.

MECUM VOS SIMUL HIC MISERRIMUS ET OP-
TIMUS OBTESTATUR PARENS, ET PRO UNO FILIO
DUO PATRES DEPRECAMUR.

Valde copulatis utrinque personis et in patre
sine dubio plurimum constituit miserationis,
et sibi eandem vim sollicitudinis vindicavit:
quasi uterque .Gn. Plancio pater sit, alter na-
tura, alter officio gratosus.

Explicit Oratio.

(1) Codex corrupte et dubie *lacr* ... *sis leg* ... *aubiam*
perorat *z.*

(2) Codex *proluens*, sed videtur scribendum *provolvens*.

(3) *Idem pro iidem*.

(4) Codex *z* nimis hos ad permovendos Iudices *z.*

AD
ORATIONEM EDITAM TULLIANAM
IN VATINIUM
COMMENTARIUS ANTIQVUS INEDITVS
QVI VIDETVR ASCONII PEDIANI

IN VATINIUM

... rat ostentui vulgo.

Verburgii
Edit. N. 21.

CONSUL POPULI .R. MODERATISSIMUS SUBLATO AUXILIO, EXCLUSIS AMICIS, VI PERDITORUM CONGESTA.

Magnum cumulum fecit invidiæ et a persona quod consulem, et ab eius moribus, *et* (1) quod prohibito amicorum præsidio, et per violentiam seditiosæ multitudinis opprimere conatus sit eum potissimum, qui auspicato et rite omnia fieri gestiebat (2).

UT CONSULI DOMUS EXILIUM ESSE NON POSSET.

N. 22.

Non tantum miserabilem fecit hac necessitate .M. Bibulum, verum etiam summa invidia laceravit Vatinium, qui velut damnatam Consulis maiestatem primo in latebras coegerit, deinde occultantem se ne periculum salutis incideret (3), extrahere domo sua contenderit, ut perditorum manibus addiceret, nec habere Consul exilium domi suæ tutum posset.

(1) Videbatur interserendum *et*, nempe *et quod prohibito etc.*

(2) M. Bibulus C. Cæsaris collega in consulatu, quum huic tyrannico pæna more magistratum gerenti resistere non posset, domi se continuit: et quoad potestate abiit, nihil aliud, quam per edicta illi obpugnavit, diem esse festum, quo per leges, quicquam agere, fas non erat. Quapropter Vatinius, unus e Tribunis pl., Bibulum domo sua in carcerem trahere aggressus est. V. præter Ciceronem, etiam Dionem Lib. xxxviii. 6. Svetonium et Plutarchum in *Cæsare*.

(3) *Incidere* cum quarto casu sine præpositione. Adhuc hoc exemplum ceteris seu certis seu dubiis a Forcellino laudatus.

Edit. N. 23. EAM REM. (1) QUÆ AUSPICIIIS CONSTITUTA EST.

Notissimum habemus, auspicante Romulo qui Palatium ceperat, et Remo qui Aventinum, priusquam Roma conderetur auspicia esse capta: primumque sex vultures Remum vidisse. Dein postea Romulum duodecem (2). Atque ita et Romam conditam et ipsos reges appellatos: et illum quod prior auspiciū cepisset, Romulum vero quod maius.

ETIAM INTER SYLLANA ARMA VIXERUNT.

Leges dicit Æliam et Fufiam, quæ (3) non sinebant prius aliqua de re ad populum ferri, quam comitia haberentur ad designandos magistratus. Sæpe harum feci mentionem (4). Vixisse autem leges dixit, quod multo tolerabilius est quam si. ne modum. est mortuas. Cum id dictum ab Hortensio elevasset, pro inepto inrisisse Tullius videbatur.

FUERIS NE TANTA CRUDELITATE, UT DELECTOS VIROS PRINCIPES CIVITATIS DELERE TUA ROGATIONE CONARERE?

De hoc tempore locuti sumus in Oratione quæ hanc præcedit (5). L. Vettium perditum hominem instinctu Vatini professum esse aput

(1) Codex rem.

(2) Ita Cod. *duodecem*. Rem autem narrant etiam Livius Lib. 1. Cap. vii. et Auctor Libelli *de Origine Gentis romanæ* Cap. xxiii.

(3) Cod. *Legibus Ælia et Fufia* qui etc.

(4) Revera Asconius, quem nos putamus auctorem huius quæ edimus Commentarii, meminit harum legum ad Orat. in *Perrem de præst. urb.* p. 99. et in *Pison.* p. 160.

(5) Nempe aut Interpres se locutum de hoc tempore in Commentario quem scripserat ad Orationem *pro Sentio*, quæ

senatum, se indicaturum plerosque nobilissimos viros de interficiendo Pompeio inisse coniurationem. Id nempe negotium sibi mandatum (1). Hunc tamen Vettium in carcerem coniectum ipsis potissimum auctoribus, qui eum ad mendacium subornassent (2).

.C. CURIONEM PERPETUUM HOSTEM IMPROBORUM.

Et hunc .L. Vettius nominasse inter ceteros videbatur veluti mandatæ (3) in Pompeium cædis auctorem. Qui tamen Curio honorifice nunc a Tullio nominatur (4), cum vehementer et aspere laceratus sit ab eodem in Oratione, qua et ipsum et .P. Clodium lacessivit (5).

QUI DUOS NEFARIOS PATRIÆ PRODITORES Edit. N. 24.
LEGIBUS EXTERMINARAT.

De .L. Æmilio Paulo (6) dicit, qui consulum postea cum .M. (7) Marcello gessit ante

Oratio ordine ipso et materia hanc in *Vatinium* præcedit. Siquidem in iudicio Sextii Vatinii testis productus, quum acerbum in eum testimonium dixisset, hac Vatiniana Oratione a Cicerone Sextii patrono deinde exagitatus est.

(1) Cod. *Id neque negotium sibi mandasse.*

(2) V. hanc Orationem in *Vatin.* xi.

(3) Cod. *vel mandote.*

(4) Etiam Act. 1. in *Ferr.* vii. ait Cicero: » C. Curio, » quem ego hominem honoris potius, quam contumeliæ » causâ nominatum volo ».

(5) Huius deperditæ Orationis nos particulas non paucas superius edidimus.

(6) Cod. *.L. Æmilio Balbo*, sed bene inferius *Paulus*: quare et hic emendavimus *Paulo*, quum ipse se corrigat noster Interpres.

(7) Ita Codex *.M. Marcello*, sed scribendum est *.C. Marcello*. Nam hic consulatum gessit cum *L. Æmilio Paulo* anno qui proxime bellum civile præcessit Pompeii et Cæsaris. V. Sigonii Comment. in *Fastos*. M. autem Marcellus fuerat consul cum *Ser. Sulpicio Rufo* anno superiora.

annum quam bellum civile Pompei et Caesaris exardesceret. Hic igitur Paulus accusare instituerat de vi .L. Catilinam, et, ut quidam memoriæ tradiderunt, .C. Cethegum. Sed enim Catilina deficiens ab rep. se ad arma contulerat. Cethegus quoque in eadem coniuratione (1) consumtus est.

Edil. N. 37. **SPOLIARETUR BENEFICIO ET ÆQUITATE LEGIS TUÆ (2).**

Legem quidem hanc non improbabilem videbatur .P. Vatinius in tribunatu suo perrogasse, ut alternorum Iudicum reiectio fieret. Sed acute detrahit et laudem quam de æquitate legis consequi poterat, eo scilicet quod egerit, ut .C. Antonius, qui Collega .M. Tulli fuerat in consulatu, ante reus fieret, accusantibus .Q. Fabio Maximo et .M. Cælio Rufo, quam lex Vatinia de reiectione iudicum perferretur: ut posset æquissimo iudicio reus An-

(1) Cod. *perseveratione*, quod retinendum non videbatur. Et Cethegi quidem supplicium narrat Sallustius Bell. Catil. p. 50.

(2) Hanc legem Vatiniam appellat hoc loco Cicero *de alternis consiliis reiiciendis*. Quæ autem sint *alterna consilia* negat se posse explicare Antonius Augustinus ad hanc legem. Verum ex nostro Interprete patet hoc loco nihil aliud indicari nisi *alternorum Iudicum reiectionem*. Rem optime, ut mihi videtur, explicat Pighius Annal. Tom. III. p. 354. » Legem iudiciariam » tulit (P. Vatinius) de alternis iudiciis reiiciendis, ut eam » appellat Cicero, qua reo actorique dabatur alterna reiectio » iudicum. Quam legem cum promulgasset Vatinius, et C. » Antonium paulo post rem futurum cognovisset, expectavit » in ea perferenda donec Antonius reus fieret, legique tum » addidit limitationem, ut solummodo de iis posset intelligi, » quorum nomina post eam latam deferrentur. » Reiectionem iudicum alternorum memorat Cicero etiam in *Orat. pro Plancio* xi. quæ quidem Oratio dicta fuit anno U. C. DCIC. videlicet quinto post Vatinii Tribunatum, quæ potestate quum sangeretur, tulerat eam legem Vatinius.

tonius ea feriri (1). Cum præsertim esset illi Vatinius adfinitate coniunctus. Nam filiam .M. Antonii Fratris eius habuerat in matrimonio.

ILLO IPSO ANNO QUO LEX LATA EST DE PE- Edit. N. 29.
CUNUS REPETUNDIS.

Locupletatum interversa pecunia .P. (2) et spoliatis etiam publicanis Vatinius dicit, ut ex paupertate ad summas divitias perveniret, non sine quadam *cautione* ne Cæsarem *offenderet* (3) cui acceptissimus erat (4): eo, inquit, anno ditatus est, quo lex de pecuniis repetundis lata est ab ipso scilicet Cæsare, ut videatur et ille impudenter Vatinius favere contra leges etiam Iulias committenti.

CUI TOTIENS MALEDICAS, QUOTIENS TE ILLI ADFINEM ESSE DICIS.

Propter matrimonium videlicet Antoniae, quam Vatinius habuit uxorem. Nec ignoramus .C. Cæsari fuisse quandam cum illis adfinitatem. Quippe .M. Antonius, qui postea trium-

(1) C. Antonius velut Catilinae quidem coniurationis socius accusatus est, sed damnatus a Iudicibus quod provincias spoliasset. V. Dionem ad annum U. C. DCXCV. Vide etiam Asconium ad Orat. in *Toga candida* p. 145. et 148. C. Antonii causam sine fructu egit Cicero contra M. Caelium Rufum qui (ut ait ipse Cicero in Orat. pro ipso Caelio xxxi.) hunc accusaverat. Dixit in Antonium etiam Q. Maximus, ut patet ex Cicerone in hac Orat. N. 28. et ex Interprete nostro p. præcedente.

(2) Explica *populi*, vel *publica*. Vel potius transfer .P. ante Vatinius, cuius prænomen fuisse *Publium* patet ex v. ad Famil. epist. x. et ex Dione xxxviii. 6.

(3) Cod. non sine quadam . . . relicto spatium, ne Cæsarem eni etc.

(4) Acceptissimus Cæsari erat Vatinius, quia ei consuli tribonus favebat. Studium Vatinius in Cæsarem patet ex hac Oratione, et e Svetonio in *Cæsare* Cap. xxii.

vir fuit, matre Iulia (1) censebatur .C. Cæsaris sorore.

Edit. N. 30. UT IN EPULO .Q. ARRII FAMILIARIS MEI
CUM TOGA PULLA
.

Reliqua desiderantur.

(1) Cod. *Tullio*, sed mendum. V. Piptarchum in *Antonie*.

IN
ORATIONES EDITAS TULLIANAS
CATILINARIAM QUARTAM ET PRO MARCELLO
PRO LICARIO PRO DEIOTARO
SCHOLIA ANTIQUA INEDITA
QUÆ VIDENTUR EXCERPTA
E COMMENTARIIS DEPERDITIS
ASCONII PEDIANI

EDITORIS MONITUM

*P*raeter duos Palimpsestos antiquissimos, ex quibus egra multa Inedita tum Ciceronis, tum etiam, ut arbitror, Asconii emisi; magna quaedam vis Tullianorum codicum in Ambrosianis pluteis delitescit: quos ego codices tumultuaria quidem opere, sed tamen omnes excussi. Atque hi, uno vel altero excepto, recentes sunt, intra videlicet XIII. et XVI. saeculum exarati. Ciceronis deperdita Opera, aut lacunarum Supplementa, nisi mihi Deus aliquis mentem abstulit; nulla in his deprehendi. Horum saepe margines plenissimi scholiorum sunt, quae docti viri singulorum codicum domini in privatum usum elaboraverunt. Verum eiusmodi novorum hominum factus luce donandos non censeui.

Ab hac recentiorum Codicum, ut ita dicam, colluvie, duos excipiendos dixi. Atque, ut de primo nunc agam, is est Codex C 29. part. inf. membraneus, venerandae prorsus post Palimpsestos antiquitatis, saeculi circiter X., in quo tres Libri de Officiis, Catilinae quatuor Orationes, tum pro Marcello, pro Ligario, et pro rege Deiotaro continentur. Et priora quidem Opera adnotationes nullae comitantur: verum quarta Catilinaria et tres Orationes reliquae habent Scholia quaedam margini adlita, quorum tum scriptura textui coetanea est, tum latinitas ita pura, ut ea saeculis barbaris prorsus tribui non possit. Immo mihi stilus Asconianus videtur. Quare suspicor haec Scholia (item ut ea quae ad Orationem pro Scauro nuper protuli) excerpta esse e fusiore Commentario Asconii deperdito. Verum, a quocumque demum Auctore sint progenita, ea certe sunt antiqua optima inedita. Exstat utique in Editionibus antiquus quidam Interpres harum quatuor Orationum: verum is non solum diversus a nostro est, sed etiam adeo latinitate durus, et elocutione subrusticus, ut nullo pacto cum hoc praestanti et inedito conferendus sit. Scripturae autem Codicis C 29. formam vide sis in Specimine characterum ad calcem libri.

IN CATILINAM IV.

NON CAMPUS AUSPICII CONSULARIBUS CON-
SECRATUS. Edit. Ver-
burgii N. 2.

Cum omnis magistratus auspicato crearentur, tum maxime consules certorum auspiorum ritu designabantur.

NON DENIQUE HÆC SEDES HONORIS SELLA CURULIS.

Omnes magistratus, quicumque patricii essent curules (1) dicebantur, ut consul et pars patriciorum. Aediles etiam, qui de plebeis non erant, curules. Nam alii itidem plebei erant. Sella igitur dicebatur curulis, quia carrulis (2) magistratus in curia nitebantur.

NON TIB. GRACCHUS.

N. 4.

Tiberius Gracchus Tribunus plebis sediciosissimus studio repetendi tribunatum multa commisit audacter, eoque poenas luit. Sed licet alia maiora commiserit, delegit Orator quod levius erat, ut esset quo coniuratorum spes videretur audacior.

HOC AUCTORE ET COGNITORE HUIUSCE SENTENTIAE.

N. 9.

(1) Cod. *camiles* manifesto mendo. Tum etiam reliqua pars huius scholii in Codice est perturbata. Ceterum de hac re V. Gellium Lib. III. cap. XVIII. Festum, et denique Isidorum *Etymol.* Lib. XX. Cap. XI. et de *Differentiis verborum*, qui sententiam Scholiastæ nostri confirmant.

(2) Cod. *carolis*.

Cognitor, idest defensor et quasi procurator et patronus eius, quam laudo sententiæ. Cognitor autem procurator erat, qui aderat præsentī (1).

Edit. N. 10. ABESSE NONNEMINEM.

Quosdam significat adsentatores coniuratorum. Erant autem Clodius, Piso, et Gabinius, qui in senatum venire noluerant, nequod in coniuratos supplicium depromere (2) cogerentur: quos scilicet adsentatores Catilinæ fuisse compertum est (3).

(1) Quoniam Asconius suspicatur hæc Scholia, conferamus cum hoc loco locum Asconius ad Divin. in *Ferr.* IV. p. 20. Commentatus enim in illud Ciceronis *Cognitorem iuris sui*, hæc scribit Asconius: » Qui defendit alterum in iudicio, aut » Patronus dicitur, si orator est;

» Aut Advocatus, si aut ius suggerit, aut præsentiam suam » commodat amico;

» Aut Procurator, si negotium suscipit;

» Aut Cognitor si præsentis causam novit, et sic tuetur, » ut suam.

» Ergo Cognitorem dixit modo, familiarissimum defen- » sorem &.

Item ad Orat. in *Ferr.* de *præst. urb.* v. p. 72. idem Asconius in ea verba *Qui Cognitores homines* ait: » Hoc genus » defensoris in iure Cognitor dicitur, maxime cum de alicuius » statu agitur. Ipse (Cicero) alibi, *Cognitorem iuris sui* &.

(2) Videtur emendandum *decernere*. Nam et hic codex multis evidentibus mendis laborat.

(3) P. Clodium socium Catilinæ dicit noster Interpres ad Orat. de *ars. alieno* *Milonis* p. 35. et Asconius ad Orat. pro *Milone* XXI. Edit. Lugd. Batav. ann. 1675. p. 201.

L. Calpurnium Pisonem et Aulum Gabinium, narrat Cicero pro *D. mo. sua* XXIV. alterum Catilinæ delicias, alterum Cethegi (coniurati cum Catilina) consobrinum se ipsos dixisse.

Sine dubio autem hos duos dicit hoc loco Scholiastes noster Catilinæ adsentatores, non C. Pisonem et P. Gabinium. Nam C. Piso coniuravit quidam cum Catilina, non tamen M. Tullio Cos., sed duobus ante annis L. Cotta et L. Torquato Cos. Id testatur Sallustius Bell. Catil. edit. Paris. 1674. p. 15. tum etiam Asconius ad Orat. in *Toga Candida* p. 151-152.

AT VERO CÆSAR INTELLIGIT LEGEM SEMPRONIAM.

Quia sempiternam tulerat Gracchus, ut nequis in civem romanum capitalem sententiam diceret (1).

PRO MARCELLO (2)

NON TIMORE ALIQUO.

Edit. N. 1.

Non quo, inquit, aliquid metuerem, aut de clementia tua diffiderem, sed quod amici casum dolerem mei simul, et verecundia retinerer, quod ex Consortis mei pœna consimilia mereri iudicaret.

sed Asconius ibi addit huoc C. Pisonem iam periisse io Hispania, quum Oratio in *Toga candida* dicaretur a Tullio. Igitur non vivebat C. Piso, cum agebatur hæc Catilinaria integro ferme anno post dictam Orationem in *Toga candida*. Quod facile colligitur etiam ex Sallustio Bell. Catil. p. 16.

P. Gabinius recensetur quidem a Sallustio, et in Catilinariis a Tullio inter socios secundæ coniurationis Catilinae, sed is iam captus erat cum ceteris coconjuratis quum Tullius hanc quartam Catilinariam diceret, V. certe Sallustium p. 36.

Ergo non Caius sed Lucius Calpurnius Piso, nec Publius sed Aulus Gabinius expectabantur in senatu: eosdemque dicunt hic Cicero abesse studiose a Senatu, et Scholiastes noster Catilinae adseutatores. Noto denique, Scholiastem editum, ad huoc locum, *abesse nonneminem*, male intellexisse, Q. Metellum indicari.

(1) Nempe indicta causa: de qua lege V. Pintarchum in *C. Graccho* edit. Londio. 1773. Tom. IV. p. 396.

(2) Hanc orationem *pro Marcello* nonnulli critici homines nostræ ætatis Cicero in suppositam dicitaverunt, quod tamen paucis, ut poto, persuaserunt. Sed ecce nunc tibi antiquissima Scholia, eaque forte Asconii, in eandem ipsissimam Orationem: quæ res Auctori suo Cicero in hoc Scriptum vehementi argumento rursus vindicat.

Edit. N. 2. IN NOSTRO VETERI CURRICULO.

Curriculum dicitur spacium per quod aguntur currus (1), aptus scilicet cursui locus. Sed metaphorice forense quoque officium curriculum dixit, quasi locum aptum probandis atque exercendis ingeniis. Est autem hic sensus: cum in eloquentiæ, inquit, curriculo, id est in foro, imitatore uteretur M. Marcello, elanguit studium honesti certaminis æmulatione sublata (2).

N. 13. NON ILLE HOSTES INDUXIT IN CURIAM.

Cum eos, inquit, G. Cæsar qui contra se pro Pompeio arma ceperant in senatum introduxit, hostis non fuisse iudicavit. Non enim hostem iudicat *quem donat* publici communitate consilii.

N. 16. NON ENIM IAM CAUSÆ.

Quæ fuerit, inquit, in civili bello vel quibus partibus causa dimicandi præliator, nescio. Illud scio, tuam victoriam Pompei (3) victoriæ præponendam. Tu enim in victoria clemens fuisti, qua ille cruentius uteretur.

N. 20. OPINIONE OFFICII STULTA FORTASSE, CERTE NON INPROBA.

Forte, inquit, stulta fuerit illa opinio, of-

(1) Cod. *currus*.

(2) Ut pateat lucidius has Notas esse antiquas, subiiciam (ex Cod. Q. 17. part. sup. Sæc. xv.) ineptissimam aliam Notam ad hunc ipsum locum. Sic constabit quantum inter antiquiorum et sequiorum temporum scripta intersit.

» CURRICULO. Est diminutivum de curia. Ita dicitur a » Cicerone, quod consulares, qui conveniebant, in eo loco » habebant tractare ardua. Et ideo qui illuc ibant, tanta » frequentia incedebant, ut currere viderentur 4.

(3) Pompei pro Pompeii.

ficiosum se quemlibet credere, si non desereret Amicum; improba autem esse non potuit. Et vide qua moderatione temperaverit culpam, ut siquid etiam delicti habuit, non maliciæ fuerit sed erroris. Ipsam tamen stulticiam, quæ etiamsi certa sit, non habet culpam, dubiam ponit iungendo FORTASSE: purgationem vero certissimam; nam fortasse fuit stultus, certe non improbus.

ARMA AB ALIIS POSITA.

Edit. N. 31.

Quos dignos scilicet Cæsar sua clementia iudicavit. Condepnat enim propositum suum, qui voluntate arma deponit.

AB ALIIS EREPTA.

In quos scilicet Cæsar animadvertit: quibus etiam fractis et comminutis opibus inerat tamen pertinacia resistendi.

PRO LIGARIO

AT ISTUD NE APUD EUM QUIDEM DICTATO-
REM.

Edit. Verbur.
N. 12.

Syllam (1) significat, qui tantæ crudelitatis fuit, ut in Marianæ partis viros, accusatores commoveret, ad delationem primus invitaret (2) qui perpetuus dictator non alio modo, quam hodie Cæsar est, fuit (3).

(1) Cod. *Syllam*.

(2) V. Appianum Bell. civ. Lib. 1: p. 682.

(3) Oratio pro Ligario habita est post bellum Cæsaris Africanum, quo tempore Cæsar iam tertiam dictaturam gerebat.

Edit. N. 21. TUBERONIS SORS.

Cum enim ageretur ab senatu quis esset mittendus in Africam ad tutandas Pompei partis, placuit rem sortito gerere. Ergo plurima in urnam coniecta sunt nomina, quæ inter Tuberonis etiam fuit, cuique proficisci in Africam sorte venit.

N. 24. IN QUA ERAT REX POTENTISSIMUS.

Iubam significat Mauritanie regem, qui Pompei amicissimus, Cæsari vero invisus fuit.

N. 37. SIMILEM ILLI GLORIÆ LAUDEM QUAM SÆPIS-SIME QUÆRERE.

Acceptam scilicet populo et amabilem rem, plausibilem omnibus diligentibus plebem.

PRO REGE DEIOTARO

N. 2. AD ACCUSANDUM DOMINUM.

Deiotarus enim trahens (1) apud Cæsarem suspicionem, quod ob dolorem amissi regni alieno animo esset effectus, purgandi sui gratia legatos miserat Romam Hieram et Blesamium et Astigonum (2), quibus servum suum Phidippicum medicum adiunxerat: quem a pedibus legatorum ad criminandum regem Castor Nepos idemque accusator abduxit.

(1) *Nempe contrahens*. Sic apud Cic. III. Philipp. cap. vi. » Cognomen ex contumelia traxit a nempe contraxit. Et Ovid. Fast. I. 596. » Ille Numantina traxit ab Urbe notam a. Nempe ille (Scipio Æmilianus) splendorem a Numantia contraxit.

(2) Ita Cod. *Astigonum* in scholio, et inferius N. 41. *Astigonus* in textu.

ADFLICTUM ILLUM QUIBUSDAM INCOMMODIS. Edit. N. 1.

Bene minuit iniuriam regni amissionis, cuius eum Cæsar parte multaverat: quò extenuando quod passus erat, adimeret in Cæsarem iusti causam doloris, ex qua insidiæ poterant (1) oboriri.

ORNAMENTA TU IPSE PLURIMA ET MAXIMA.

N. 12.

Non erat, inquit, mirandum tantum auctoritatis habuisse Pompeium, qui cum divinis præcelleret ornamentis, etiam tuis *instructus est*. Vult autem intelligi, quod eum Cæsar ob tot exempla virtutis delegerit generum. Ornamenta igitur in Pompeium conlata, Filia Cæsaris intelligenda est (2).

QUALIS REX ATTALUS (3) IN P. AFRICANUM FUIT.

N. 19.

Rex Attalus Populo romano artissima fuit societate coniunctus, usque adeo, ut eum quoque regni sui heredem fecerit. Idem igitur obpugnanti Numantiam Scipioni non tantum a quibus fulciretur belli necessitas in Hispaniam misit, verum etiam dona pretiosa: quæ sumpsit gratulans Africanus. Regis Deiotari *tantam* in Cæsarem liberalitatem, *quantam* in Africanum Attali, fuisse confirmat.

(1) Cod. *poterunt*. Dic, si libet, *potuerint*.

(2) Nempe *Julia*, quam Cæsar Go. Pompeio collocavit. V. Suetonium in *Cæsare* cap. xxi.

(3) Ursinus in hoc loco Ciceronis mallet *Attalus* substituere *Antiochus*, cui sunt hæc a Livio (Epitom. lvi.) aliisque Scriptoribus tributa. Sed tamen et textus Codicis nostri satis antiqui, et Scholiastes confirmant lectionem *Attalus*.

Edit. N. 25. SECUTUM BELLUM EST AFRICANUM. GRAVES
DE TE RUMORES.

Rumor enim repente ortus falsissimus fuit;
Caesarem in Africa circumiectu Maurorum
cum omnibus copiis occidisse. Qua spe ad re-
suscitandas Pompei partis erectus Cæcilius (1)
videbatur.

N. 26. ADMIRANDA FRUGALITAS.

Sordidus enim, laudis egenus; in rege fru-
galitatem esse mirandam.

N. 29. SUASOR FUISSEM ARMORUM NON PONENDO-
RUM SED ABICIENDORUM.

Integris, inquit, rebus pacem Pompeio suasi,
et arma debere deponi. Post farsalicum (2)
autem praelium *arma abicienda* (3) non de-
ponenda Pompeio concederem. Dicit ergo :
omnium infractis et comminutis animis, solus
Castor constantiam retinebat.

(1) Nota tam textum Codicis quam Interpretem confirmare
huius loci lectionem *Cæcilius* pro falsa *Cælius*, quam merito
P. Manutius expunxit. Et quidem noster Codex etiam in præ-
cedentibus pro *Cælius* semper habet *Cæcilius*, quod idem
Manutius malebat.

(2) Ita sine adspirata *ph*, et vide dicta ad Orat. in *Clodium*
et Curionem p. 11. n. 2.

(3) Cod. videtur habere *quartus Pompei*.

ADDITAMENTA

In Codice ambrosiano (F. 42. part. sup.) membranæ sæculi XII. qui continet Libros tres Ciceronis de Officiis, et, exceptis palimpsestis, est Tullianorum omnium post C. 29. antiquissimus, deprehendi ad calcem Argumentum quoddam ineditum, quod sciam, eiusdem Operis de Officiis. Scriptum hoc sine dubio aliqua vetustatis laude donandum est, quod ab ipsa Codicis ætate comprobatur. Veteres autem Commentarios in Officia Ciceronis existisse Gasparinus Barzizius in Epistola ad Antonium Fantaxellum testis est. Sic enim scribit (1): » Rem grutissimam olim mihi fecisses, si illos veteres Commentarios in Officia Ciceronis misisses ad me «.

Iam vero stilus huius Argumenti, longe abest a superiorum Scholiorum et ab Asconii elegantia: neque equidem vel probo hoc Scriptum, vel omnino edidissem, nisi mihi ad ceterorum quæ edidi Operum præstantiam evidentius demonstrandam utile esset. Hoc ergo sit in libro meo tamquam umbræ in picturis. Ceterum genus huius Scripti idem fere videtur atque eius antiqui Scholiastis, qui ad complures Tullii Orationes in Editionibus exstat. Est ergo fortis alicuius eruditi viri ex tot, qui inclinatioe etiam ævo Ciceronem illustraverunt. Characterum huius quoque Codicis (F. 42. part. sup.) specimen habes in calce Libri.

(1) Operum eius p. 190. Gasparinus autem Barzizius Bergomas, Grammaticus et Rhetor celeberrimus floruit ineunte sæculo XV. docuitque in multis Italiae urbibus, et præsertim Mediolani.

ARGUMENTUM INEDITUM OPERIS CICERONIS DE OFFICIIS

Tullius videns romanam .r.p. viciis quorundam romanorum *pessundatam* (1) postposuit curam .r.p. et adhæsit studio philosophiæ. Sciens igitur a viciosis, quibus resistere non valebat, non posse regi civitatem, super quam maximam curam habebat, maluit tractare de huiusmodi genere philosophiæ per quod posset eos revocare a viciis quam de alio: ad quod maxime valebat tractatus de Officiis. Materia sunt officia. Modus tractandi talis est (2). Præmittit prologum, in quo breviter dicit de quibus tractaturus est. Et in eodem reddit auditorem attentum docilem et benivolum. Facit etiam tres libros de officiis. In primo scribit de honesto, hoc est de illis officiis, in quibus maxime consideratur honestas. Tractat scilicet quatuor principales virtutes (3), quæ sunt Prudentia, Iusticia, Fortitudo, Temperantia. Tractat etiam de officiis, quæ pertinent ad honestatem, dupliciter. Primo de honesto per se: postea de duobus honestis, quod eorum honestius. Tum pari ratione de hutili (4). Fi-

(1) Lacuna est in Codice vocabuli unus, quam opplevi scribens *pessundotom*.

(2) Simili locutione usus est Asconius laudatus a Quintiliano Inst. Lib. v. Cap. 10. » Argumentum *Orationis* tale est. Cave tamen tribuas Asconio Argumentum hoc Officiorum.

(3) Scribe potius de quatuor principalibus virtutibus, ut paulo post vides tractat de officiis.

(4) Sic cum *aspiratione* Codex.

nalis (1) causa, hutilitas est. Ut intellecto quæ officia ducantur ab honesto, quæ ab hutili; et quod non sit repugnantia inter hutile et honestum; adhæreamus eidem, cavendo ab eorum contrariis. Cui partitioni subponatur videndum est. Subponitur practicæ (2), id est omnibus eius speciebus, Ethicæ, Œconomicae. Ethicæ subponitur, quia loquitur de moribus: ethos enim græce, mos dicitur latinis. In Ethica, moralis scientia. Œconomos autem, Dispensator dicitur latinis. In Œconomica, *scientia rei familiaris*. Polis est civitas: in Politica, scientia de regimine civitatum. Iste liber autem subponitur istis speciebus philosophiæ, quia de utroque genere philosophiæ intendit (3) hic tractare. Privata causa, quare scripsit (4) fuit M. filius eius morans Athenis in studio philosophiæ. Ipse vero a Roma dirigit ipsi hunc librum de philosophia. Publica, omnium hutilitas. Usuri hoc vocabulo, quid est officium, videamus diffinitionem. Officium est congruus actus uniuscuiusque personæ; secundum mores et (5) instituta civitatis. His visis, litteram insistamus (6).

(1) Donatus ad Terentium *Finalem causam* vocat contraversiam status finitivi.

(2) Quintilianus Inst. Lib. II. Cap. 18. hanc vocem scribit græce *πρακτικῆς*.

(3) *Intendere pro velle* non est inusitatum apud optimos latinos auctores.

(4) Cod. in *cep.*

(5) Cod. corrupte *re* pro *et*.

(6) Hinc videtur Auctor huius Argumenti progredi ad commentandum in Opus ipsum de *Officiis*: sed nullus Commentarius est in Codice.

NOBILIS NOTA

AD ORATIONEM SECUNDAM DE LEGE AGRARIA (1)

In exemplari vetustissimo hoc erat in
margine :

EMENDAVI AD TYRONEM ET LÆCANIANUM (2)
ACTA IPSO CICERONE ET ANTONIO COS. ORA-
TIO XXIII.

In alio exemplari :

STATILIUS MAXIMUS (3) RURSUS EMENDAVI AD
TYRONEM ET LECANIANUM (4) ET DŌM. ET
ALIOS VETERES. II. ORATIO EXIMIA.

(1) Hanc notam erui e duobus Codicibus C. 235. part.
inf. C. 96. part. sup. sæculi utroque decimi quinti. Apparet au-
tem eam esse exscriptam ab exemplaribus vetustissimis nescio
cuius amanuensis, qui viderat exemplaria ipsa Tyronis, Læ-
caniani, Statilii, Dŏm. et aliorum Veterum.

(2) Alius Codex hinc et infra *Lecanianum*.

(3) Statilii Maximi Opera quædam memorat Charisius, in-
ter quæ *De singularibus apud Ciceronem*.

(4) Ita sine diphthongo, contra ac superius.

INDEX

VERBORUM ET RERUM NOTABILIORUM IN FRAGMENTIS CICERONIS ET IN COMMENTARIO

<i>Curiones illustri nomine</i> tres pag. 10	<i>Sinnius Capito.</i> pag. 33
<i>Satis agere.</i> » 14	<i>Calvinus et Messala Coss.</i> <i>lupidibus cossi.</i> . . . » 35
<i>Pretium corruptionis Iu-</i> <i>dicum Clodianorum.</i>	<i>Fir usuum</i> » 36
<i>Perversæ pecuniæ</i> . . . » 16	<i>Clodii et Pompeii reconci-</i> <i>liatio.</i>
<i>Apud ærarium quæstores</i> <i>et scribæ provincias sor-</i> <i>tiebantur.</i>	<i>Criminum Ciceronis ellogia</i> <i>perscriptis Clodius.</i> . . » 37
<i>Suspendere elocutionem,</i> <i>vel verborum rædictates,</i> <i>vel dictum aliud.</i> » 16 24 93	<i>Clodii accusatio in Milo-</i> <i>nem tripertita.</i> . . . » 38
<i>Sicilia loquax.</i> » 17	<i>Clodius videbatur laturus</i> <i>legem de suffragio liber-</i> <i>tinorum.</i> » 39
<i>Satisfactiones rescinduntur</i> <i>sententia prætoris.</i> . . » 18	<i>Clodius a piratis redemptus</i> » 40
<i>Consuetudo conveniendi ad</i> <i>balneas ineunte verno.</i>	<i>M. Crassi mores avari de-</i> <i>notantur.</i> » 45
<i>Ciceronis Puteolanæ pos-</i> <i>sessiones.</i>	<i>Pecunia regis Alexæ.</i> » 47
<i>Lenities.</i> » 20	<i>Regina Egypti trucidata a</i> <i>fratre et coniuge rege.</i> » 49
<i>Locus Afranii in Conso-</i> <i>brinæ.</i> » 21	<i>Oratio pro Archia dicta a</i> <i>M. Tullio apud Q. Fra-</i> <i>tre prætorem.</i> . . . » 54
<i>Calutica.</i>	<i>Q. Tullius non solum æ-</i> <i>pici, verum etiam tra-</i> <i>gici carminis scriptor.</i> » 55
<i>Aurelia Cæsaris mater.</i> » 22	<i>L. Clodius (seu potius L.</i> <i>Plotius) primus Romæ</i> <i>studia latina docuit.</i>
<i>Clodius inliberali forma</i> » 22 36	<i>Sepulchrum Scipionum ex-</i> <i>tra portam Capenam.</i>
<i>P. Claudius Appii Cæci</i> <i>filius infeliciter pugnat</i> <i>adversus Parnos, et ab</i> <i>id Romæ damnatur.</i> » 22-23	<i>Kallinos videtur primus</i> <i>scripsisse carmen elegia-</i> <i>cum.</i> » 61
<i>Lites æstimatæ.</i> . . . » 23	<i>Decimus Brutus Gallæcus</i> » 62
<i>L. Cotta auctor iudicialis</i> <i>legis Aureliæ.</i> . . . » 26	<i>Persus Saturnii.</i>
<i>Vetus consuetudo profitendi</i> <i>res alienum.</i> . . . » 32	<i>Sensus verborum adoravi</i> <i>et adoravit.</i> . . . » 63
<i>Æs alienum Milonis quan-</i> <i>tum.</i>	
<i>Species plures interrogatio-</i> <i>num</i> » 32-33	

- Leges* Cornelia, Calpurnia,
Tullia de ambitu pug. 70 71
Novitas Ciceronis a plu-
ribus notata . . . 73
Humilitas . . . 75
Demeritum . . . 76
Ex urbe Ascula principia
belli sociolis arserunt.
c. Gracchi Orationis de le-
gibus promulgatis Pro-
mentum . . . 77
L. Calpurnius Bestia, et Q.
M. Metellus Nepos fautores
Catilinæ . . . 78
Sensio . . . 80
Cognomen Torquati unde.
Vinciter . . . 81
Latina feriæ a quibus nom-
instituta . . . 89
Periarum latinarum socri-
ficio mos petendi carnem
ex Albano monte . . 89-90
Testimonium perfidere . . 91
T. Ampius condilatus, suf-
fragatore licit Pompeio,
repulsam fert . . . 91-92
C. Moris fuga, reditus, et
septimus consulatus . 92-93
Q. Metellus Creticus . . 94
Vivociter.
Eato contra Casorem pu-
blicanorum patronum di-
cens diem totum proli-
acitate orationis occupa-
vit . . . 95
Legationes ab externis po-
pulis missæ ordinaban-
tur pro voluntate con-
sulum . . . 97
Cicero facetus . . . 98
Lex Cæsaris consulis ad
publicanorum commoda
pertinens . . . 99
Lex Licinia acerba . . 100
Licentius.
Præscriptivus.
Cicero Vatinius defendit
in corso de Sodalicis . 101
Locus de ingratia . . 105
*Civica corona de gramine
ferri solito* . . . pag. 106
*Poema Ciceronis de sua
consulatu minus dignum*
talis viri nomine . . 107
Compensativus . . . 108
Cicero Romulo compara-
tus.
Ciceronis in movendis af-
fectibus præstantia.
Libri Ciceronis inscrip-
tus: Edictum L. Racili
Tribuni plebis . . 109-110
In templo Honoris et Vir-
tutis videtur actum pri-
mum de restitutione Ci-
ceronis . . . 110
*Apollonius Molo Ciceronis
præceptor* . . . 111
*Candidati obliuiscant cer-
vicem alba creta* . . 112
*Ciceronis ingens Epistola
de consulatu suo ad
Pompeium* . . . 112-114
*Q. Metelli Numidici esi-
lium* . . . 116
Quæstorium quid sit.
*Romulus et Remus cuspi-
cantes* . . . 122
*Ælio et Fusio non una
sed duæ leges.*
*Commentarius antiquus qui
existit in Orat. pro Sextio.*
*Pohinū tribuni lex de al-
ternorum iudicium reica-
tione* . . . 124
Cognitor idest defensor, v
Clodius, Piso, et Gabinius
Catilinæ adstantores.
*Sylla accusatores comove-
bat et invitabat ad dela-
tionem* . . . 128
*Iuba rex Pompeii amicus,
et Cæsari invidus* . . 134
*Trehere suspicionem apud
aliquem.*
*Rex Attalus Scipioni Nu-
mantium oppugnantem do-
na misit* . . . 135

*Emendanda in Editione Orationum Ciceronis
pro Scauro pro Tullio pro Flacco*

	<i>Errata</i>	<i>Corrige</i>
p. xi. 8.	bibliotecam	bibliothecam
13.	pervterere	pervetere
p. 7. n. 3. v. 7.	DCIXC	DCXCIX.
p. 14.		<i>Auferantur virgulae a capitulis versuum Scholii.</i>
p. 17. n. 1. v. 19.	exequanda	exæquanda
p. 35. v. 4.	Werbargii	Verburgii

*Emendanda in Editione præsentis
Fragmentorum Ciceronis
cum Commentario*

	<i>Errata</i>	<i>Corrige</i>
p. 10. n. 4. v. 7.	v addit v. Atqui hæc, inquam de	addit v. Atqui hæc, inquam, de
p. 22. n. 1. v. 2.	in iudicio, ita est, dixit	in iudicio: ita est, dixit
p. 93. n. 6. v. 4.	Pison.	Pison.
p. 106. n. 2.	Cap. vii.	Cap. ii. § 7. ubi non est emendatum.
p. 46. n. 5. v. 1.	Puto hæc verba Asconii potius	Puto hæc verba Interpretis potius. <i>Et quidem verba hæc iam mihi videntur potius Ciceronis quam Interpretis.</i>

TABULÆ ADIUNCTÆ
EXPLICATIO

- I. Specimen paginæ semel scriptæ.
 - II. Specimen palimpsesti.
 - III. Litteræ Codicis, ex quo sunt editæ Partes
Orationum Ciceronis *pro Scauro*, *pro Tul-*
lio, et *pro Flacco*.
 - IV. Litteræ Codicis, ex quo sunt edita Fragmenta
Ciceronis cum Commentario.
 - V. Specimen Codicis, ex quo sunt edita Scholia
ad Oratt. Ciceronis *in Catilinam*, *pro Mar-*
cello, *pro Ligario*, *pro Rege Deiotaro*.
 - VI. Specimen Codicis, ex quo est editum Argu-
mentum Librorum Ciceronis *de Officiis*.
-

*La presente Edizione è sotto la tutela delle leggi,
essendosi adempito a quanto esse prescrivono.*

I. NECESSARIOURBE
 UICRATIANTUISQ
 MEDIOCRITEREMES
 PROFUISSEQUPRADI
 CONSULARISTONSI
 NIUMBENECU
 INSECONIATIONES
 FIDENS CANDIDIT
 TUM POTUERUISSE
 UERE

III. A B C D E U X

IV. A B C D E U X

V. IN LUTU m BRI De officijs
 nē caput ēsularib; aus
 f. uicis quēdā romanaz



